

La description de l'isle  
d'Utopie, où est comprins le  
miroer des républicques du  
monde... rédigé... par...  
Thomas [...]

Thomas More (1478-1535). La description de l'isle d'Utopie, où est compris le miroir des républicques du monde... rédigé... par... Thomas Morus... avec l'épître liminaire composée par M. Budé,.... 1550.

**1/** Les contenus accessibles sur le site Gallica sont pour la plupart des reproductions numériques d'oeuvres tombées dans le domaine public provenant des collections de la BnF. Leur réutilisation s'inscrit dans le cadre de la loi n°78-753 du 17 juillet 1978 :

- La réutilisation non commerciale de ces contenus est libre et gratuite dans le respect de la législation en vigueur et notamment du maintien de la mention de source.
- La réutilisation commerciale de ces contenus est payante et fait l'objet d'une licence. Est entendue par réutilisation commerciale la revente de contenus sous forme de produits élaborés ou de fourniture de service.

[CLIQUER ICI POUR ACCÉDER AUX TARIFS ET À LA LICENCE](#)

**2/** Les contenus de Gallica sont la propriété de la BnF au sens de l'article L.2112-1 du code général de la propriété des personnes publiques.

**3/** Quelques contenus sont soumis à un régime de réutilisation particulier. Il s'agit :

- des reproductions de documents protégés par un droit d'auteur appartenant à un tiers. Ces documents ne peuvent être réutilisés, sauf dans le cadre de la copie privée, sans l'autorisation préalable du titulaire des droits.
- des reproductions de documents conservés dans les bibliothèques ou autres institutions partenaires. Ceux-ci sont signalés par la mention Source gallica.BnF.fr / Bibliothèque municipale de ... (ou autre partenaire). L'utilisateur est invité à s'informer auprès de ces bibliothèques de leurs conditions de réutilisation.

**4/** Gallica constitue une base de données, dont la BnF est le producteur, protégée au sens des articles L341-1 et suivants du code de la propriété intellectuelle.

**5/** Les présentes conditions d'utilisation des contenus de Gallica sont régies par la loi française. En cas de réutilisation prévue dans un autre pays, il appartient à chaque utilisateur de vérifier la conformité de son projet avec le droit de ce pays.

**6/** L'utilisateur s'engage à respecter les présentes conditions d'utilisation ainsi que la législation en vigueur, notamment en matière de propriété intellectuelle. En cas de non respect de ces dispositions, il est notamment passible d'une amende prévue par la loi du 17 juillet 1978.

**7/** Pour obtenir un document de Gallica en haute définition, contacter [utilisationcommerciale@bnf.fr](mailto:utilisationcommerciale@bnf.fr).




RE


3





















A conserver

Plamier de Bich  
gouv. m. d. un estat



Z. 2410.  
B+a.

On a arraché, probablement avant le  
10 mars 1849 (Voy. la note au crayon à  
la fin de l'Épître), les feuillets 1, 2, 37, 39,  
41, 46, 51, 70, 78, 88 qui portaient des fig.  
sur bois à mi-page.


31 juillet 1866.

— R-Y —

32988

# LA DESCRIP- TION DE L'ISLE D'VTOPIE OV EST COMPRINS LE MIROER

des republicques du monde, & l'exemplaire de vie  
heureuse: redigé par escript en stile Tresselegant de  
grand' haultesse & maiesté par illustre bon & scauant  
personnage Thomas Morus citoyé de Londre & chā  
celier d'Angleterre Auec l'Espistre liminaire compo-  
sée par Monsieur Bude maître des requestes du feu  
Roy Francoys premier de ce nom.



Les semblables sont a vendre au Palais à Paris  
au premier pillier de la grand' Salle en la Bou-  
tique de Charles l'Angelier deuant la Chappel-  
le de Messieurs les Presidens.

I S S O.


*aug. Disc. Sansi*

*32983*

*362*







# Extrait des regi-


stres de Parlement.



VR LA REQVESTE  
présentée a la court par Charles  
l'Angelier libraire de ceste ville  
de Paris par laquelle il requiert  
luy estre permis par ladiete  
Court faire Imprimer & expo-  
ser en vente vn liure intitule la Description de  
l'Isle d'Vtopie ou est compris le miroer des  
republicques du monde traduit de latin en  
Françoys avec les deffenses accoustumées. La  
court a permis audiet l'Angelier faire impri-  
mer & exposer en vente lediet liure & faict de  
fences a tous aultres Libraires & Imprimeurs  
imprimer ou faire Imprimer iceluy liure ius-  
ques a trois ans prochains venans sur peine de  
confiscation des liures qu'ilz feroient impri-  
mer au contraire desdictes defenses & d'amē-  
de arbitraire faict en Parlement le quatorziē-  
me iour de Novembre L'an Mil cinq centz  
Quarante & neuf.

Collation est faictc.

Du Tillet.







# GVILLAVME

B V D E A T H O M A S

Lupset Angloys.



CERTES TV ME  
as faict grand plaisir, tres  
docte Lupset, quand en  
m'offrant l'Vtopie de  
Thomas Morus tu m'ad  
verti pour entendre a lire chose delecta  
ble & de grand fruiet car comme ia pie  
ca par prieres tu m'auois induict ce que  
de mon naturel i'eusse soubhaité, a lire  
les six liures de garder la santé transla  
tez par Thomas Linacer medecin es  
deux langues tresexcellēt lesquelz en  
tre les oeuvres de Galien puis n'ague  
res il a mis en latin, tellement qu'il sem  
ble que si tous les oeuvres de c'est au  
teur que i'estime comme toute la me  
decine, estoient avec le temps faictz la  
tins, l'escolle des medecins, n'auroit  
grand besoing de la langue Grecque:  
i'ay soubdain tellement couru icelluy  
liure



## Epistre.

liure suiuant les originaulx dudiect Thomas Linacer lesquelz tu m'as faict grād à mon biē grād plaisir de prester, & par icelle lecture auoir faict grand fruiet: mais ie le me promes encores plus grād de la publication du liure que maintenant tu sollicites diligemment es boutiques de ceste ville me tenant de ce costé assez ton obligé, voicy tu m'as baillé comme pour accroissement de plaisir ceste Vtopie de Morus homme fort aigre d'esprit recreatif & en l'estimation des choses humaines grand routier ou roturier moy estant aux chāps & ayāt le liure en main avec le soing que ie prenois entour mes oeures allant & venant, car comme tu as congneu & entendu voicy cestuy est le deuxiesme an que ie ne suis fort occupé aux affaires rustiques, iay esté tellement affecté a la lecture de ce liure quāt i'ay heu cōgneu & pensé aux meurs des institutions des Vtopiens que quasi i'ay interrompu & mesmes delaisse le soulcy pourchas de mes affaires domesticques voyant que l'art & industrie economicque qui ne tend sinon que a augmenter le reuenu

## Epistre.

est chose vaine de laquelle Economic-  
que il n'ya celuy toutesfois qui ne voye  
& cognoisse que tout le monde en est  
poulse comme d'une fureur interieure  
& naturelle tellemēt que peu s'en fault  
que ie ne dye qu'il est necessaire de cō-  
fesser que la gist le but des loix legiti-  
mes & ciuilz artz ensemble des disci-  
plines est affin que par industrie tāt en  
uieuse & tāt soigneuse l'un de ces deux  
butz entre lesquelz se trouue commu-  
naulté par droict de bourgeoisie & mes-  
mes quelquefois par droict de lignaige  
pregne tousiours quelque chose de  
l'autre attire surpřegne, emporte, perde  
desbrise, arrache, deface, gaste, desfro-  
be, pille & volle partie avec permission  
des loix, & en partie avec auctorité d'i-  
celles choses qui plus ont lieu endroict  
les nations & personnes ou les droictz  
que lon appelle ciuilz & canō sont grā-  
dement maintenuz en court entre les  
personnes qui cognoissent & scauent  
les droictz que lō appelle ciuilz & lays  
& d'eglise il n'y a celui qui ne congnois-  
se que maintenāt suyuant telles meurs  
&



## Epistre.

& institutions ceulx la sont estimez souverains en iustice & equité qui sçauent les moyens de se donner garde ou plus tost de surprendre & circōuenir les simples & qui sont ouuries de formulaires c'est adire surprinses qui sçauēt fermer proces en choses doubtieuses controuuées & renuersées & déliberez & que telles gens sont seulement dignes de donner resolution de droict & equité iusques voire mesmes qui pis est par puissance & auctorité ordonner ce qu'il fault q'un chacun ay combien & iusques à qu'ant se laissant ainsi tromper & abuser le iugemēt du sens cōmū attēdu que plusieurs aueugles des grandes tenebres d'ignorāce estimēt que chascū d'autant a bōne cause cōme le droict le veult ou bien qu'il est appuyé & fondé sur icelluy combien que si nous voulōs examiner telz droictz selō la reigle de verité & larrest de la simplicité euāgeliq̄ nul n'est si grossier qui n'ētēde & nul tant hors du sens qu'il ne confesse que au iourdhuy & des long temps ha le droict qui se faict suiuiāt les loys ciuiles

## Epistre.

& papales est aussi different comme la loy de Iesuschrist & les meurs de ses disciples sont differēt es de l'oppinion de ceulx qui pensent que les amas de Cre sus & de Mydas sont le comble de felicité de sorte que si maintenant tu vou lois diffinir iustice selon les anciens au theurs celle qui rend a vn chascun ce qu'il luy appartient tu ne la trouuerois en lieu du mōde ou bien si ie m'ose per mettre de dire fault que nous cōfessiōs quelle est quelque escuyer de cuisine soit que tu preuues garde aux facōs de ceulx qui sont en l'autorité ou aux af fections qui regnent parmy le peuple si n'est qu'ilz vuculent maintenir que droict est descendu d'vne naturelle & egalle iustice du monde qu'ilz appellēt droict de nature de maniere que d'au tant plus l'homme est puissant d'autant plus il ayt de biens. Et que d'autant que plus il aura de biens plus aussi ilz doib uent estre estime entre les hommes de la est que voyons comme pour choses reues de tout le monde que ceulx qui ne scauent art de industrie memorable dont ilz puissent aider aultruy ont au tant



## Epistre,

tant de reuenu que vn millier d'aultre  
& souuent autāt que toute vne ville ou  
mesmes d'auantaige & sont appelez  
les riches & gens de bien & par hon-  
neur les magnifiques acquerent pour  
ueu qu'ilz sçauēt les traficques des trai-  
ctes & lart des contractz obligatoires  
pour hypotheker les patrimoines des  
personnes. A ceste cause de telz temps  
de telles institutions de telles meurs de  
telles gens il est arresté ce estre le droict  
que tant sera l'homme de tresgrande &  
auctorité que plus richement & sum-  
ptueusement il aura faiet bastir ses mai-  
sons & luy & ses heritiers & ce encores  
d'autant plus que leurs nepueux & ar-  
riere nepueux auront de plus grādz ac-  
croissementz augmenté les heritaiges  
qu'ilz auront eu de leurs ancestres c'est  
adire que d'autant que plus de long &  
de l'arge ilz auront reculé deulx leurs  
aliez, affins, cousins, & parens mais cer-  
tes nostre seigneur Iesuchrist cōducteur  
& modérateur des possessions à d'un  
grand exemple auctorise la Pithagoric  
que communion & charité laissée entre  
les siēs quand de mort a esté puny Ana-  
nias

## Epistre

nias par auoir violé la loy de communauté en ce faict nostre dict seigneur Iesuchrist ma semble abroge entre les siēs ce qui est de tel droit ciuil & canō que nous voyons au iourd'huy estre tenu le refuge de prudence & gouuernement. Pourtāt l'Isle d'Vtopie que i'en tens aussi estre appellée Vtopotie, à d'vne merueilleuse aduventure, si nous le croyons, obtenu les coustumes certes chrestiennes, & mesmes la vraye sapience & en publicq & en priué qu'elle a gardé iusques a huy sans y riē gaster en retenant trois diuines institutions: c'est assauoir entre ses citoyens equalité de biens & maux ou si tu aymes mieulx, vne ciuilité du tout parfaicte: & vn constant & perseuerēt amour de paix & tranquillité: & vn mespris dor & d'argent. qui sont trois, afin de ainsi parler, amortissemens de toutes fraudes, impostures, circunventions, finesces & priueez trōperies. Se seroit au grand accroissement du nō de Dieu, que ces trois chefz des loix Vtopiēnes fussent de grandz cloux de ferme & stable persuation fichez es  
sens



## Epistre

sens de tous les hommes, nous verriõs  
incontinent decheoir & petit orgueil,  
conuoitise, contention enuieuse, & qua-  
si tous aultres dartz mortelz de no-  
stre aduersaire infernal, & vn si grand  
amas de volumes de droict, esquelz  
tant de bons & solides espritz sont dete-  
nuz & occupez iusques a la mort, serõt  
abandonnez aux vers comme de neant,  
& mis es arrieres bouticques. He dieu  
immortel quelle saincteté des Vtopiës  
a peu mettre diuinement cest heur que  
auarice ny conuoitise en si long temps  
nõt peu entrer ny faire repaire en ceste  
seule Isle & de leur hõte meschanceté  
& impudence nont peu chasser dillec  
iustice ny bannir, Sil plaisoit a Dieu le  
tresbon & souurain maintenant a nous  
aultres, qui de son tressacré nom rete-  
nons le surnõ nous faire ce mesme biẽ.  
Certes tant despritz aultrement bons  
& hault ne seroit deprauez & perduz  
dauarice, ains a vn coup en seroit chas-  
sée: & retourneroit le siecle doré de Sa-  
turne. quelcun certainement icy pense-  
ra quil y ayt danger, que parauenture  
Aratus & les anciens Poëtez nayẽt estre  
trompez

## Epistre.

trompez de leur opinion, quand ilz ont  
pésé que lors que iustice partiroit de la  
terre, se retireroit au cercle des douze si-  
gnes. Car il est necessaire qu'elle se soit  
arrestée en l'Isle d'Utopie, si nous croy-  
ons Hythlode<sup>s</sup>, mais ie trouue en y pre-  
nant de pres garde, que Utopie est si-  
tuée hors les bornes du monde, cōgneu  
qu'il est certes vne Isle fortunée proche  
ne parauenture des champs Elysées  
car Hythlodeus cōme testifie Morus,  
n'a point encore donné de ceste isle la  
certaine situation. Il a bien dict qu'elle  
est diuisée en villes, lesquelles toutes tē-  
dent en vne cité, qui ha a nom Hagno-  
polis de ses obseruances & bonnes en-  
tretenuez d'Innocence heureuse, tenāt  
par maniere de dire, vne forme de viure  
celeste, ainsi par dessus la fāge de ce mō-  
de cōgneu, comme elle est deffoubz le  
ciel. Hatiuement & chauldement mise  
a fin par tant d'entreprinsez humaines,  
tant aspres & incitées que vaines & in-  
utiles: no<sup>s</sup> debuōs dōcques la cōgnois-  
sance de c'est Isle a Thomas, Mor<sup>s</sup> qui  
de nostre aage a mis en lumiere vn exē-  
ple d'heureuse vie & vn arrest de viure  
ainsi



## Epistre.

ainsi qu'il dict inuenté de Hythlodeus,  
auquel il attribue tout, lequel ainsi que  
Hythlodeus a basti la cité d'Vtopie, cō  
posé leurdictes meurs & institutions,  
cest a dire, quil nous a de la emprunté  
& apporté vn argument d'heureuse vie  
certes ainsi Morus a grandement en-  
richy de son stile & eloquence la cité &  
les saintes ordonnances, & a tolly &  
dressé. Comme a vne reigle la mesme  
cité des Hagnopolitains & y a adiousté  
toutes ses choses, desquelles vn œuure  
magnifique est décoré embelly & au-  
torisé combié qu'en ce il s'attribue seu-  
lement l'office de redresseur comme ne  
faisant conscience de s'attribuer le plus  
fort de cest œuure: de peur que Hythlo-  
deus a bon droict se peult plaindre que  
Mor<sup>s</sup> luy auroit laissé la gloire apres pre-  
mier en auoir prins lhonneur, il a certes  
heu pour que cest Hythlodeus apres a-  
uoir semblé volūtier auoir demouré en  
l'Isle d'Vtopie, en fin fust marry &  
prît a grāt grief, que Morus luy eust lais-  
sé la gloire de ceste inuention deflorée  
& escheuée. Car cest vne chose bien  
decente que gens de biē & sages soyēt  
ainsi

## Epistre

ainsi persuadez. Mais certes le tesmoi-  
gnage de Pierre Gilles d'Anuers (lequel  
cōbien que ie ne vis iamais, toute fois ie  
l'aimē a cause qu'il estoit amy iuré d'E-  
rasme, homme tres excellent & des let-  
tres saintes & profannes & de toute for-  
te tres bien meritē & avec lequel des  
long temps par lettres i'ay acquis vne a-  
myable alliance.) est cause que i'adiou-  
ste foy a Morus homme de foy graue  
& apuié de grande auctorité. A Dieu  
Lupset mon tresaymé & le plus tost que  
tu pourras soit de bouche ou par lettre  
recōmāde moy a Linacer qui est vne lu-  
miere d'Angleterre quāt aux bōnes let-  
tres, qui ne sera comme i'espere moins  
nostre que vostre car certes il est vn hō-  
me entre biē peu de ceulx ausquelz biē  
voluntiers si ie puis ie me donne a con-  
gnoistre, a cause mesmes que quāt il de-  
meureroit icy il hantoit bien fort avec  
Iehan du Ruel mon bien aymé & au-  
quel ie communiquoye de mes estu-  
des parce aussi que sur tout ie m'esmer-  
ueille de son excellēt sçauoir & exacte  
diligēce & m'efforce de l'ēsuyure, ie de-  
sire aussy que cōme iay dist, de bouche  
ou



## Epistre

ou par escript tu face mes recombãda-  
tiõs a Morus. Lequel ie pense & croy  
homme qui est ia enroullé au nombre  
des plus sçauantz a cause de l'Vtopie  
Isle du nouueau mōde, Ie layme & es-  
merueille. Certes lhistoire de ceste Isle  
sera de nostre aage & a noz suecessurs  
comme vne pepiniere de legantes &  
vtiles institutions desquelles ilz pour-  
ront tirer meurs pour retenir & ac-  
corder chascun en sa cité ie te  
commande à Dieu. De Pa-  
ris ce dernier iour de  
Iuliet.

## Dixain du translateur

à la louenge de la sainte  
vie des Vto-  
piens.

**S**I on veoit le poëte renaistre  
Qui escripuit les champs Elisiens,  
Je pense moy qu'il voudroit descognoistre  
Ce terme la, & diroit qu'es vers siens  
Il auoit mis les champs Vtopiens,  
Je dy cecy car quand bien on lyra,  
Les saintes meurs d'Vtopic, on dira  
C'est paradis au prix du lieu ou sommes,  
Touchant les gens on les estimera  
Estre espritz saintz plus tost que mortelz  
hommes.

*Le 10 mars 1849, un  
lecteur s'aperçoit que  
quelques feuillets manquent  
ici.*



uers ( ainsi que l'opportunité se donnoit ) & comme i'estois en ce lieu Pierre Gilles natif de ladicte ville, ieune personaige de credit, collocqué en honneste lieu, ( combien qu'il eust encore mieulx meritè ) souuent entre autres me vint veoir, mais ie ne veiz homme de quoy ie fusse plus haicté.

Certes ie ne scay si ce ieune homme icy estoit plus docte que bien moriginé.

¶ Mais ie respons qu'il estoit trefbon & trefcavant, courtois enuers tous, & singulierement enuers ses amys d'un coeur intentif, d'une amour, d'une fidelité, & d'une affection tant pure, qu'a grand peine trouueroit on en tout le monde personaige comparable à luy en toutes sortes d'amitié.

¶ En luy estoit honte honneste, qu'on ne trouue guere à gens d'Authorité. Il n'estoit point fainct, ains simple & prudent, vn parler btief & rond, vn propos tant facecieux sans nuyre à personne, qu'il me diminua pour la plus grande part de son amoureuse frequētatiā & doux entretien, le desir que scauois de reuoir mon pays, ma maison, ma femme, & mes enfantz, de quoy i'estois en grand ennuy, car il y auoit plus de quatre mois que i'estois absent.

¶ Or cōme quelque iour i'estois en l'eglise de nostre dame, ( qui est vn fort beau temple, bien honoré & frequenté du peuple ) pour il-



## Le premier liure.

lec ouyr la messe, à la fin de la messe preparant mon retour à mon hostellerie, de hazard, i'aduisay ledict Pierre Gilles qui deuisoit avec quelque amy estrangier, qui estoit desia aagé, ayant le vifaige haslé, longue barbe, & son manteau pendant de dessus ses espaules assez nōchalanmēt, qui à son habit & viaire me sembla estre vn Marinier. Or quāt Pierre Gilles eut iecté loeil sus moy il me vient saluer, & ainsi que ie me disposois à luy respondre, il me rōpit vn peu ma parolle, disant. Amy vois tu ce personnaige la (me monstrant celuy avec lequel ie lauois veu parler) ie le vouloys mener á ton hostellerie. Pour lamour de toy, disie, il eust esté le tresbien venu: Mais dit il si tu le cognoissois pour lamour de luy tu luy eusse faict bon recueil. Certes entre les viuantz il n'ya homme mortel, qui pour le iourdhuy te sceut autant narrer dhystoires dhomes & terres incongnues comme il fera: de quoy ie te cognois estre fort desireux douir telles choses. Je nauois donc point mal deuiné car des que ie le vey ie iugay que cestoit vn nautonnier: Tu estois bien loing de ton compte dict il: Biē est il vray que cestuy à esté sus la Mer non comme Palinurus, mais comme Vlixes, ou comme Plato.

Il se nomme Raphael, & le furnom de sa race est Hythlodeus, personnaige non indocte en la langue latine, en grec trescauant, ou il a plus estudié qu'en latin, pour ce qu'il s'estoit

s'estoit totalement adonné à philosophie : car on ne trouue entre les escripz latins touchât Philosophie, chose qui soit d'efficace fors quelque chose qu'a faict Senecque & Cicero.

¶ Doncques cestuy Portugalois à delaisé tout ce qu'il luy pouoit appartenir de son patrimoine à ses freres, & pour la bonne enuie qu'il auoit de veoir le monde s'est acompaigné Daymery Vespuce, & à esté tousiours son compagnon au troys derniers de ces quatre Nauigaiges qu'on lit maintenant cà & là: si non quau dernier il ne reuint point avec ledict Aymery.

\* Il le pria, tant & importuna quil fust du nombre des vingt & quatre compagnons, qui auoient esté delaisés en Castille pour faire le quatrieme Nauigaige.

Doncques cestuy Raphael demeura avec les dictz compagnons, affin quon obeist à sa fantasie, lequel estoit plus soucieux de sa peregrination, que du lieu ou il pourroit estre ensepuely, ayant continuellement en la bouche ce mot. Celuy qui na point de tombeau pour couvrir ses os, il a le ciel pour couuerture.

Apothemes.

Dauantaige disoit quil ny auoit point plus lōg chemin du fondde la Mer iusques en Paradis, que du coupeau de la terre ou aultre lieu. Certes si Dieu ne luy eust bien aydè sa fantasie luy eust cousté bien cher.

A iiii

\*Or



## Le premier liure.

¶ Or apres qu'il se fut departy d'avec vespuce, avec cinq Castillans ses compaignons, il passa par tout plein de regions: finalement de merueilleuse fortune fut porté en l'Isle de Taprobane, puis paruint en Calicquut, ou il trouua bien apoinct quelques nauires de Portugalloys, qui oultre son esperance le Reporterent en son pais de Portugal.

¶ Apres que ledict Pierre m'eut dit ces choses, ie le remercié de m'auoir faict ce bien d'auoir eu cest esgard, que i'eusse le plaisir d'ouir les propos de cest homme, lesquelz, il esperoit m'estre agreables. Ces choses faictes ie me tourne vers Raphaél, puis apres que nous eumes salué l'un l'autre, & tenu les deuiz qu'on a acoustumé de tenir à L'arriuée, quand on faict la reuerence à quelque amy, nous transportames à mon logis, de la nous allasmes seoir au iardin sus vn siege qui estoit faict d'herbe, & commécames a deuiser: entre autres choses ledict Raphaél nous compta qu'apres que Vespuce fut party. Luy & ses compaignons de quoy l'ay parlé deuant, qui estoient demeurez en Castille, paruindrent en tout plein de pays estranges, & comme petit à petit en parlant doucement avec les gens desdictz pays se donnerenr à cognoistre, de sorte que maintenant sans dangier familierement conuersent avec ledict peuple.

¶ D'auantaige nous dit comme il entrerent  
en la

De la description de l'Isle d'Utopic. 5

en la grace de quelque prince, dont i'ay oublié le pays & le nom, par la liberalité duquel leur estoient ministréz viures, & toutes autres choses requises afaire le voyage de luy & de cinq siens comqaignons. Quand ilz se mettoient sur terre il leur faisoit bailler chariot pour les porter, puis quād estoit besoing de se mettre sur l'eau ilz vsoient de nauires. Oultre leur estoit tousiours baillé certaine & fidele guide de par ledict prince qui les conduisoit aux autres princes, & les recommandoit.

¶ Or apres auoir cheminé plusieurs iours, dit qu'ilz trouuerent quelques villes & citéz fort peuplées, & assez bien regies & riglées soubz la ligne de l'Equinoxe deca & dela, des deux costez, autant que la voie du Soleil peut quasi comprendre d'espace, ce ne sont que grandz desertz bruslez de chaleur continue, de tous costez y a vn regard, & vne apparence de choses tristes, horribles, sans culture & ordre: le tout habité de bestes cruelles, serpentz, ou hommes, qui ne sont certes moins cruelz & dangereux que lesdictes bestes.

¶ Puis nous dit ledict Raphaél que quand furent passéz lesdictz desertz, & pays inhabité, trouuerent vn pays qui petit à petit changeoit, & s'adoulcissoit: l'air en ce lieu estoit moins aspre, la terre doulce & ioyeuse de verdure, les animaux plus humains. Finalement on vient à trouuer peuples, villes & citéz,



## Le premier liure.

tez, ou se demenent marchandises & trafiques, non seulement entre les voisins, ains avec les nations fort eslongnées & separées, tant par Mer que par terre. Par quoy ilz eurent liberté & puissance de visiter maintes terres, tant dedans que dehors ledict pais, & mesmes nulle nauire n'estoit dressée & equippee à quelque nauigaige que ce fust, ou luy & ses compagnons ne fussent receuz de bien bon coeur. Aux premieres Regions ou ilz entrerent, les nauires estoient faictes à fond de cuue, & auoient les voiles tressées de Ioncz, Roseaux, & aultre bois mol & flexile comme bouleau, couldre, Ozier & autre semblable: en aultres endroictz les Voiles estoient de cuir. Puis trouuerent aultres Nauires, dont le fons estoit en aguissant, & les voiles de Chanure, toutes semblables à celles de nostre pais. Les Pilotes se recognoissoient tresbien aux estoilles, & à la mer aussi.

\*Mais il comptoit, que merueilleusement ilz laymoient, pour ce quil leur donna à cognoistre comme il failloit vser de la pierre de Magnes, de quoy estoient ignorantz au parauant, pour tât quand se mettoient en la mer c'estoit avec craincte, & ne si osoient exposer fors quasi quau temps desté, mais maintenant pour la confiance quilz ont de ceste pierre, ilz ne craignent à nauiger, mesmes en yuer, ne se souciantz du peril, affin que ceste chose qui estoit estimée par eulx leur estre à laduenir vn grand

## De la description de l'Isle d'Vthopie.

grand bien, icelle mesme ne leur soit cause de grands maux par leur imprudence.

Dexplicquer tout ce quil disoit auoir veu en chacun lieu, la chose seroit lōgue, puis ce nest pas ce que iay entrepris en ceste oeuvre, nous reciterons possible cela à vn aultre endroit, & singulierement ce quil sera vtile de ne meētre en oubly, comme les choses que ledict Raphael auoit veues chez maintz peuples viuantz ciuilement, lesquelles estoient prudemment & droictement administrées & regies.

\* Nous enquerions curieusement de toutes ces besongnes la, & ledict Raphael nous en comptoit ioyeusement & volontairement.

Point ne fut question de linterroguer des mōstres qui pouroient estre en icelles regions, car il nest rien moins nouueau, pour ce quon trouuera presque en tous lieux des Scilles, des Celenes rauissantz, des Lestrigons mangeurs de peuples, & telles manieres de cruelz monstres, mais de citiens bien moriginez, & saigement instruiētz, on nē trouuera pas par tout. Quand au reste ainsi quen son recit il toucha de maintes choses mal menēces en ces terres Neufues, aussi recita il de maintes besongnes, dont on pouuoit prendre exemples idoines pour corriger les abuz des villes, nations, pays & Royaumes de pardeca, dequoy ie pleray (cōme iay dict à vn autre lieu.) Maīte nāt mō intētiō est seulesmēt reciter les choses  
quil



## Le premier liure.

qu'il racomptoit de la maniere de viure, bon regime, & belle police des Vtopiens, combiē que l'aye faiēt ce petit preambule deuant alleguē, par lequel ie suis finalement paruenue à faire mention de leur republicque.

¶ Or apres que Raphael eut tresprudentement faiēt narré des abuz qui se commetoient ca & la, en tous lieux beaucoup, & pareillement des choses que nous gardons, & qu'ilz gardent aussi sagement & discrettement, en l'oyant cōpter vous eussiez dit qu'il eust vesqu toute sa vie à tous les pays ou il auoit esté tant scauoit biē les meurs, coustumes, & loix d'un chascun. Adonc pierre s'esmerueillant de cest homme dit, Certes amy Raphaël ie m'esbahy que tu ne te metz avec quelque roy ou prince, ie n'en cognois aucun de qui tu ne fusses bien aymé, considéré que tu pourrois non seulement par ta doctrine, & cognoissance de tant de pays & nations que tu as veuz, leur donner passe temps, ains aussi les instruire d'exemples, & ayder de ton conseil.

En ceste maniere tu pouruoirois tresbiē à tes affaires, & ferois tous tes parētz riches. Quand est de mes affins dit il. ie ne suis pas beaucoup esmeu, car i'ay faiēt mon debuoir enuers eulx assez suffisamment, & moy estant encore ieune, en pleine santé, & dispos, ay departi mon bien à mes parentz & amis, ce que ne font communement aultres personages, si non quand ilz sont vieilz, ou mallades, qui ne de-

laissent

laissent leurs biens, fors quand ne les peuuent plus retenir. Pourtant mes parentz & amys ont occasion de se contenter de ceste mienne liberalité enuers eulx, & pour l'aduenir qu'il ne pensent pas que ie me mette en la seruitude des princes & Roys pour leur amasser des biens.

**¶** Voyla de beaux motz (dit Pierre) Certes mon propos n'est pas que tu les serues, ains que tu leur aydes & donnes confort, c'est cōme ie l'entens, en quelque sorte que tu preignes la chose, voyla la voie cōme tu peux profiter à aultruy. non seulement en particulier, ains publicquement: d'auantaige ton estat & condition en seroit plus heureux, ia ma condition nen seroit mieulx fortunée (dit Raphaël) par ceste voie, pour ce que mon coeur y repugne, & puis ie vis en liberté & a mon plaisir, ce que gueres de gros Millortz ne font.

**¶** C'est assez aux princes & Roys de se seruir de ceulx qui desirent sur toutes fins paruenir à grand puissance & auoir leur amitié, ne pense pas qu'ilz estiment auoir grand perte, quand ilz seront priués d'un tel homme que moy ou de mes semblables. Lors le commence à dire, il est bien manifeste amy Raphaël, que tu n'es pas grandement couuoiteux de richesses, & hault estat.

**¶** Certes ie ne prise & honore pas moins vn homme de ta fantasie que le plus gros seigneur d'entre eulx. Quand au reste il me  
semble



## Le premier liure.

semble que tu ferois chose digne & conuenable à toy, & à ton tant noble & vray philosophique couraige, si tu te disposois à appliquer ton engin & industrie à la republicque, combien qu'en ta personne tu y endurasses & souffrasses quelque incommodité & repugnance, laquelle chose tu ne pourrois faire avec plus grand fruit, que de te condescendre à estre conseiller de quelque grand prince, ce que ie cognois que tu ferois bien, & luy persuader choses honnestes & droicturieres. Veritablement la source de tous biens & maux redonde du prince au peuple, ainsi que d'une fontaine continue & perdurable. En toy repose & gist doctrine tant parfaicte & accomplie, & si grande cognoissance des choses, que sans grand vsaige & enseignement tu pourrois faire l'office d'un excellēt senateur royal. Tu faulx en deux manieres (dit il) amy Morus: premierement en moy, puis en la chose mesme, car ie n'ay pas la puissance que tu me donnes, & si elle estoit en moy, (combien que ie ne scarois en rien aduancer le bien publicque) i'apporterois ennuy & fascherie à mon estude, & tranquillité de pensée. Ne cognois tu pas que les princes presque tous, plus volontairement s'occupent aux exercices bellicques (ou ie n'entends riē, & ne desire y riē cognoistre) qu'aux bōs artz de paix, & trauaillēt beaucoup plus, de cōquerir par voies licites & illicites nouueaux royaumes, que de biē re  
gir

gir ceulx qu'ilz possédēt? D'auantage les con-  
seillers qui sont au tour des princes, sont si fai-  
ges, qu'ilz n'ont que faire de gēs faiges: ou ilz  
pensent tant estre faiges, qu'il leur desplaist  
d'approuuer le cōseil d'aultruy: fors de ceulx  
la aux dictz desquelz (cōbiē qu'ilz soient sans  
raisō) ilz s'accordēt & blādissēt, pēsantz q̄ par  
leur flaterie, q̄ ceulx cy s'efforceroiēt les met-  
tre en la grace du prince, puis chascū à quasi  
ce vice de nature, qu'il ayme & estime son in-  
uētiō. Le corbeau est si amoureux de ses pe-  
titz, qu'il pēse n'estre au mōde pl<sup>9</sup> beaux oy-  
seaux, le singe en faict de mesmes, si quelqu'ū  
en la cōpagnie de telz gēs, ou de gēs enuieux,  
ou arrogātz, allegue q̄lq̄ chose, qu'il a leu a-  
uoir esté faict en aultre tēps, ou qu'il a veu en  
autres regiōs & lieux, ceulx qui escoutēt cela,  
font ne plus ne moins que si l'opiniō de leur  
saigesse se perdist, & comme s'on les estimoit  
estre folz, s'ilz ne sont suffisantz pour trouuer  
q̄lque chose pour blasmer l'inuētiō d'aultrui.  
Si ces choses leur deffaillet ilz viennent à ce  
point, & disent, Noz maieurs anciēs on faict  
ainsi, & telles choses leur ont esté agreables.  
Pleust à Dieu que nous fussions ausi faiges  
comme il ont esté. Doncques apres auoir  
dict ce propos, comme si ce fust vne conclu-  
sion se taisent: voulans quasi dire que c'est  
grand dangier, si aulcun est trouué plus  
prudent que noz anciens. S'ilz ont consul-  
té d'un affaire discrettement & diligemment,  
tresuolentiers



## Le premier liure.

tresuoluntaire nous permettons que la chose soit en valeur & prix, au cōtraire l'ilz ont passé par vne chose, laquelle on eust peu faire plus prudemēt, qu'ilz nont fait, ce neanmoins nous ne voulons passer plus oultre & retenās ceste occasion estroictemēt, cōme si ce ne fust mal fait de faire mieulx. Doncques ie me suis trouué souuent entre aulcunz personaiges qui auoient ces folles opinions la, & iugementz orgueilleux, sans raison & fascheux, & principalement vne fois en Angleterre.

Ie te supplie disie racompte moy, si tu as esté aultre fois en nostre pais? ouy dit il i'y ay hanté quelque temps, bien tost apres que les Anglois occidentaulx qui auoient meū guerre ciuile contre leur roy, furent refrenez, à leur grande perte, & pitoyable occasion.

Ce pendant Iehan Morton archeuesque de Cantorbie, Cardinal & Chancelier d'Angleterre me feist beaucoup de plaisir & dhonneur dont ie me tiens encore grandement tenu à luy. Cestoit vn personaige (amy Pierre, ie ne diray rien que Morus ne cognoisse) de grande autorité, prudent & vertueux. il estoit de moyenne stature, & combien quil fust desia bien vieil, si se maĩtenoit il tresbien, sa face estoit reuerente, nō redoubtable, il nestoit d'acces difficile, mais graue & constant, son plaisir estoit aulcunnefois de parler plus asprement que de coustume, à ceulx qui se presentent deuant luy aux requestes, ce quil ne faisoit

faisoit par fierté ou felonnie, ains pour experimenter la prōptitude & alaigreté de coeur & d'esperit qu'un chascun pouoit auoir, dequoy il se recreoit, comme d'une vertu, qui luy estoit naturelle, voisine & proche, pourueu que le suppliant ne fust eshonté. Certes il honoroit & prisoit ceste perfection de prōptitude, comme chose idoine à gouuerneurs & administrateurs de republicque, sa parolle estoit bien acoustrée & efficace, il estoit grād legiste, il auoit vn esperit incōparable, la memoire si excellente que c'estoit chose d'admiration. L'excellent naturel qui estoit en luy, en exercant & apprenant luy auoit produict telles graces.

✶ Lors que i'y estois, il sembloit que le Roy, & mesme toute la Republicque se confiait & appuiait au conseil d'icelui. En sa grande ieunesse soubdain de l'escole fut iecté à la court, ou toute sa vie vacqua à grosses charges, & en ce lieu peut auoir certaine experience des varietez de fortune, qui le tempesta assiduelement, pourquoy apprint vne prudence mondaine, avec plusieurs grandz perilz, laquelle apprinse & receue, facilement ne se pert pas, comme d'aduenture i'estois quelque iour à sa table vn certain personnage lay scauant en voz loix y assisoit, ie ne scay pas ou il auoit trouué occasion de parler, mais il commenca à louer diligemment l'aspre iustice qu'on faisoit illec des larrons, en racomptant qu'en

B d'aulcuns



## Le premier liure.

Des loix  
peu equi-  
tables.

d'aulcuns endroiçtz aulcunefoys on en auoit pendu vingt à vn gibet , & pourtant disoit qu'il s'esmerueilloit d'auantage qu'il en estoit tant par tout, & dont leur venoit ce malheur, veu que peu eschappoient de ce supplice.

¶ Adonc ie vois dire (certes ie fus assez hardi de parler franchement & librement en la table de ce Cardinal ) ne t'esbahy point seigneur, ceste punition de larrons n'est iuste ne raisonnable , & ne profite en rien à la republicque. Elle est trop cruelle pour venger le larcin, & n'est suffisante à le refraindre.

¶ Veritablement vn simple larcin n'est point si grand crime , qu'on en deust perdre la vie, & la peine n'est point si griefue qu'elle puisse garder les larrons de desrober, consideré qu'ilz n'ont point d'autre mestier pour viure: pourtant en cest affaire non vous seulement, mais la plus grand part du monde estes veuz ensuiuir les mauuais maistre d'eschole, qui battēt plus volontiers leurs disciples, qu'ilz ne les enseignent. On establir punitions griefues & terribles à vn larron , & on debueroit plus tost pourueoir d'honneste maniere de viure, affin que les larrons n'eussent si grande necessité & occasion de desrober & d'estre penduz.

Comme  
on doit  
mettre or-  
dre qu'il  
ne soit  
point tant  
de larrons

¶ On y a (dict il) assez pourueu, pourquoy sont faictz les mestiers , & le labourage: on peult gagner sa vie à cela & la sauuer , si on ne veult tout degré estre meschant.

¶ Tu n'as pas disie encores ton intentum ,  
&

& n'eschapperas de moy ainsi. Premièrement ne toufchons ceulx qui souuent reuiennent en leur maison naurez & mutilez des guerres ciuiles, ou de strange conflia, comme il est aduenu depuis peu de temps du retour de la bataille de Cornebie qui a esté faicte en vostre pays & pareillement de celle qui à esté menée contre les Francoys n'y a gueres.

¶ Ceulx cy ont exposé leur corps pour leur prince & la republicque, & foiblesse ne leur souffre d'exercer les mestiers deuât alleguez, & l'aage aussi ne permet qu'ilz en aprennent de nouueaux. Delaissons par semblable ceulx qui reuiennēt de la guerre quand trefues sont données. Contemplons les choses qui aduiēnent quotidiennement. Il est si grand nombre de gentilz hōmes, qui tous seulz ne viuēt oyfifz, ains entretiennent grosse tourbe de valetz ocieux, qui n'appriendrēt iamaiz aulcū mestier pour viure. Or lesdictz gētilzhōmes sont semblables aux bourdōs & grosses mouches q̄ viennent aux ruches des mousches à miel & viuent de labour d'aultrui, & filz ont quelqs fermiers, ilz les mēgēt iusqu'aux nerfz, & haufsent oultre raison leurs fermes & terres pour augmēter leur reuenue. Quand à ce poinct ilz sont assez espargnantz & practiciēs, mais en aultres affaires ilz sont si prodigues, qu'ilz tūbēt quasi en mendicité. Doncques si aduient que quelque gentilhōme meure ou que les valetz dudiēt gētilhōme soiēt malades, soudain font



## Le premier liure.

poussez dehors, pource que plus volontiers ilz nourrissent gēs oyfifz que les mallades, d'auātagel'heritier du mourant n'a pas souuent de quoy entretenir le train que son pere tenoit, ce pendāt il fault que lesdictz seruiteurs meurent de fain, silz ne veullēt estre larrons: car que pourroient ilz faire ? Certes apres qu'ilz ont esté vn peu vagabondz, & que leurs habillemētz & leur santé est empirée & vsee, deffigurez par malladie, chiffuz & loquetuz, à ceste heure la les gentilz hommes ne s'en voudroient seruir ny les laboureurs: pource qu'ilz cognoissent que ceulx qui ont esté nourris delicatement & en oyfueté, & qui ont acoustumé d'auoir l'espée au costé & le bouclier en la main, voudroient tenir tout le village en subiection soubz l'ombre d'vne barbe, quelque habit chicqueté, ou chapeau emplumé, mesmes contemneroient vn chascun, oultre ne seroient pas pour seruir fidelēmēt quelque pauvre rustique, avec petitz despens, petitz gaiges, puis n'ont aprins à manier la besche & la houe.

Or ledict legiste replicqua en ceste sorte, veritablement il est de necessité de nourrir telles manieres de gēs, pour ce qu'e iceulx sil est question de guerroyer, consistent la puissance & surce d'vn exercite, car ilz sont de coeur plus hault & noble, que gēs de mestier & laboureurs, vraiment disie pour vne mesme besongne il est donc licite, (cesta scauoir pour

pour le faict de la guerre) de nourrir des larrons, dequoy ne seres iamais destituez, ce pendant qu'aures telle generation. Or doncques larrons sont vaillantz gendarmes, & gendarmes sont vaillantz larrons, voila comme ces deux mestiers la sont confirmez, ce vice icy est frequent en vostre pays d'Angleterre, non pas propre, car en toutes nations on s'en demente, vn aulre mal encore pire, gaste & infecte les Gaules, tout le pays, mesmes en tēps de paix, (si on la doibt appeller paix) est assiegé & remply de gēdarmes soudoyez, induict d'icelle mesme persuation, laquelle vous estes d'oppinion yci de nourrir & entretenir des seruiteurs oyfifz c'est le iugemēt des folz qui pēsent estre sages, que le salut & protection de la republicque Francoise cōsiste en cela cest alcauoir, si on a tousiours bonnes guarnisons prestes, & singulierement de routiers. Les Frācois n'ont point grand confidence à gens nō experimētez aux armes, pourtāt sont ilz tousiours estorez de gens gaigez, qui n'ont d'autre mestier que la guerre, affin qu'ilz n'ayent sans toyer souldartz ignorantz . de couper gorges & occir, & pareillement de peur (comme dit Saluste en se gaudissant, que leur main & courage ne s'anonchallasse par oisueté: Mais combien la chose est dommageable & pernitiouse, de nourrir telles bestes, France la bien apprins à ses despens.

Les exemples des Rommains, Cartha-

B    iii    ginois

Quel dommage cest que d'a uoir tousiours gar nisons de gendar mes en vn pays.



## Le premier liure.

ginois & Siriens & de plusieurs aultres natiōs declarent assez, comme telle megnie aucūne-fois s'est amassée, & a destruiēt nō seulement leur empire, ains aussi leurs territoires & villes. La chose ne me semble grandemēt necessaire de souldoier gēdarmes aussi biē en tēps de paix que de guerre, & telles gens ne sont trouuez plus vaillātz q̄ les aultres, qu'il ne soit ainsi on en a veu clairement l'expériēce, maintesfoys on a dressé & amassé soudain en tēps de necessité cōpaignies de gens rustiques, & de mestier en vostre pays d'Angleterre, pour soustenir le choc des gēdarmes Francois, qui sont des leur tendre ieunesse tresexercités es guerres, mais ilz n'auoient matiere de se glorifier d'estre departiz les maistres. Or ie n'en parleray plus oultre, de craincte que ie ne sois veu vo<sup>9</sup> flater en voz presēces. Certes les gēs de mestier de voz villes, & voz laboureurs, & hōmes agrestes ne craindroiēt pas beaucoup les paiges & valetz oyisfz des nobles, si ce n'estoiēt pauures impotētz, ou caimantz & mendias, il ya grād dāger aussi que ceulx qui sont fortz & puissantz (certes les gētilzhōmes sont cause de gaster beaucoup de cōpaignōs d'eslite) ne deuiēent lasches par oyfueté, & qu'ilz ne se ramolissent par exercices presque feminins, & que ceulx la mesmes instruiēt à bons mestiers pour gagner leur vie, & exercitez aux labours viriles, ne s'effeminēt. Certes tellement quellemēt que la chose en aille, cela ne  
me

me semble estre vtile aux aduēturiens de guerre d'auoir les prealleguez, lesquels vous n'auiez iamais, si nō quād vous voules nourrir vne infinie troppe de gēs de neant qui troublent la paix, dequoy on doibt auoir plus grand esgard, que de la guerre. Ceste induction & contraincte de desrober n'est seule, il y en a vne aultre qui est speciale en vostre pais. Qui est ceste la dit le Cardinal?voz ouailles disie, qui fouloient estre tant benignes & se contenter prier, maintenant (ainsi qu'on dit) sont tant gourmandes & felonnes qu'elles deuorēt mesmes les hōmes, & gastent les champs, les maisons, & les villes.

20 Certes a chacune partie du royaulme ou la laine est la plus fine & desliée, & pour ceste cause plus precieuse, de ce lieu les gentils hommes & nobles, aussi quelque nombre d'Abbez, qui s'estiment gens de bien, ne se cōtentent point du reuenu & fruietz annuelz qui fouloient croistre à leurs maieurs de leurs terres, aussi ne leur suffit qu'ilz viuent grassement sans rien faire & qu'ilz n'apportent au bien public aulcunne vtilité, mais nuisent, car ne laissent aulcūnes terres pour estre labourées, ilz cloyēt tout en pasturages, demolissēt les maisons, rōpent les villes & bourgades, ne laissant seulement que les eglises pour estables aux ouailles, & ces personnages icy qu'on estime gens de vertu, mettēt en desert, guarēnes, parcz, viuiers, toutes habitatiōs, & peille



## Le premier liure.

mēt tous champz labourez, quasi comme s'il estoient veuz ne gastez gueres de pays chez vous. Parquoy aduient que certains laboureurs circonuenuz par tromperies, ou opprimez par violence, ou lassez d'iniures sont depouilleez & denuez de leurs terres, ou sont contrainctz de les vendre, affin qu'un auaritieux qui n'a iamais suffisance, & qui est vne peste en vn pais, augmente son territoire, & en vn circuit il enclost quelque milliers d'arpentz de terre, doncques en quelque sorte que se departent les pauvres miserables, hommes, femmes gens mariez, veufues, orphelins, peres & meres avec leurs petitz enfantz, & leur famille plus peuplée que riche, car en vne maison de laboureur il est requis auoir grand nōbre de valetz & chābriere il fault qu'ilz védēt toutes leurs vtēfiles qui ne sont pas de grand argent, & qu'ilz les donnent pour moins beaucoup qu'elles ne vallent, encor cestascauoir si'l ya aucun qui les veulle achapter. Or partent il de leurs maisons accoustumées & cognues, & ne scauent ou ilz se doibuent heberger & retirer, & quant ilz ont vagué quelque peu de temps & mengé leur argent, que reste il plus sinon qu'ilz soyent larrons, & finalement pēduz à iuste droict cōme vous dictes, ou qu'ilz courēt le pais & médiēt ce neāmoins quand on les trouue ainsi vagantz, on les emprisonne, pource qu'ilz sont ocieux, & besōgne roiēt volūtiers filz trouuoient à besongner, mais

mais asme ne les appelle. Ilz ont acoustumé à trauailler aux champs. Mais il n'est plus besoing di meêtre les mains, pour ce que tout est mis en pasture. Cest assez dvn berger & vn bouuier qui pasture ses bestes en vne terre, ou il y fouloit auoir plusieurs laboureurs qui la rendoient suffisante à estre semée, & la mettoient en beau labeur. Pourtant aduient qu'en plusieurs lieux ya plus grande charté de viures.

\*Le pris aussi des Laines est tant creu & haulsé que les petiz compagnons qui fouloient faire des draps chez vous, nen peuvent approcher pour ceste cause plusieurs sont cōtrainctz de laisser oeuure, & estre oisifz. Certes apres que les pasturaiges ont esté ainsi dilatez & escruz, vne malladie, qui est fiebure pthisicque à faict mourir vne infinité douailles, comme fidieu eust voulu punir la couuoitise de ces manieres dauaritieux susdictz, enuoie vne peste audictes bestes à laine, laquelle fust plus iuste ment tūbée sur les testes desdictz auaritieux.

\*Or si le nōbre des Ouailles ses croist, ceneã moins ne diminuēt de prix. bien est il vray que vn homme seul au vend lesdictes ouailles, par quoy la vendition ne se nomme Monopole, mais oligopole, qui est adire en grec venditiō de peu degēs, & ceulx mesmes sont riches, lesquelz nōt necessitē de vēdre si nō quād il leur plaist & ne leur plaist deuant vendre leur marchādise, fors autāt quil leur plaist, ceste mesme  
raison



## Le premier liure.

raison est cause que les aultres bestes soient aussi cheres, & encores plus, car apresqu'on a rompu tout plain de fermes, censés & maisōs aux champs, & qu'on a diminué les terres labourables, il n'ya plus personne qui esleue & nourrisse de ieunes bestes comme Agneaux, cochons, veaulx, poulains, asnonz & aultres.

¶ Ces riches hurons de quoy i'ay parlé ainsi ne nourrissent point d'agneaux, aussi ne font ilz d'aultres ieunes bestes, ains ilz achaptent des bestes maigres ailleurs de quoy ilz ont grand marché, puis apresqu'ilz les ont engressées en leur pastiz, les reuendent grosse somme d'argent. Ce n'est pas encore tout, en cela ne gist encore tout le dommaige que le pays y peult auoir. Car en ce lieu la ou ilz les reuendent ilz les font dauantaige plus cheres. Quand au reste, es pais ou on esleue ieunes bestiaulx, & quand tost apres qu'ilz sont nez on les transporte en aultres endroictz, finalement l'abondance en ce lieu diminue petit à petit, parquoy il est de necessité que'n cedit territoire y ayt disette & defaute desdictes bestes. Ainsi l'insatiable conuoitise de peu de personnaiges auaritieux rend vostre isle souffreteuse de la chose de quoy elle estoit veue estre fertile & abondante.

Certes ceste cherté la est cause qu'un chascū autāt qu'il peult deiecte de sa famille hors, & enuoie valetz & chambrieres médier ou desrober, ce que plus facilement feront gens de  
cœur

coeur, car ilz ont honte de demander l'aumosne. Dont vient cela, qu'a ceste pauureté & disette on y adiousté encore vn aultre mal, qui est superfluité desraisonnable. Les seruiteurs des gentizhommes, gens de mestier, & rustiques quasi, & tous estatx sont superfluz en habitx, & en boire & menger.

¶ Dauantaige on tolere bordeaux, tauernes ou on vend vin & ceruoise, puis tant de ieux nuisibles, comme ieux hazardeux, les cartes, le tablier, paulme, la bille & aultres semblables. Ces choses la, quand l'argent est failly n'enuoient elles pas leurs ministres droict cōme vn cierge en aulcū lieu desrober, deiectez ces dommageuses pestes de vostre royaulme.

¶ Ordonnez que ceulx qui ont demoly les vil laiges & bourgades les reédifient, ou qui cedent les lieux à ceulx qui les voudront reparer, & qui y voudront edifier.

\* Refrenez les achatx & conuentions des riches, & leur ostez la licence d'exercer venditions particulieres, faictes que peu viuent oisifz. Le labouraige soit restauré, la drapperie restituée, qu'vn chacun s'empesche à honnestement besongner, affin que tant de gens oisieux s'exercēt à l'utilité de to<sup>9</sup>, & principalemēt ceulx que pauureté a faict larrōs, & aussi ceulx qui sont maintenant vagabōdz & oyseux, qui deuiendrōt larrons si on ny met police. Si vo<sup>9</sup> ne dōnez ordre à ces maux, cest tēps perdu de vous vanter qu'on à faict bonne iustice des larcins,



## Le premier liure.

larcins, qui est certes vne punition plus belle, que iuste & vtile, quand vous tolerez & permettez regner les vices, les mœurs petit à petit estre corumpues des la tendreté de ieunesse: & puis quand les enfantz qui en leur premier aage donnoient toute bonne esperance de leur future probité, en leurs ans viriles cōmettent quelque crime de reproche & infamie, & a ceste heure la vous les punissez, que faiçtes vous aultres chose, si non, des Larrons, & puis vous les punissez. Ainsi que ie proposois ces choses, ce pendant ce legiste prepa- roit à me faire repōse, & auoit deliberé duser de la maniere acoustumée d'aucuns disputantz qui repetent plus diligemment les parolles des proposantz quilz ne respōdēt, ausi sont ilz dauiz que tout lhonneur consiste en la memoire du repetant.

Il exprime  
la maniere  
acoustu-  
mée du n  
cardinal  
Dangleter  
re, de faire  
taire vn p-  
sonnage  
sil parle pl<sup>9</sup>  
qu'il n'apar-  
tient.

Certes tu as tresbien parlé dit il, veu que tu es estrangier, & que tu as peu ouyr plus tost de ces choses la, que den cognoistre au certain, ce que ie donneray à entendre clairement en peu de parolles.

\* Et premierement ie reciteray par ordre ce que tu as dict: puis ie monstrey en quoy l'ignorance des choses de nostre pays ta deceu. \* Finalement ie souldray toutes les raisons, doncques ie commenceray au premier point que iay promis. Il me semble que tu as touché quatre choses. Tay toydict le cardinal veu que tu cōmences ainsi, ie suis d'opinion, qua  
ta

ta responce seroit bien longue: pourtant nous te deliurerons presentement du soucy & fascherie que tu aurois de respondre, & reseruerons cela au plus tost que vous en retournerez, qui sera demain: si tu nes empesché, toy ou Raphael.

Et ce pendant amy Raphael, iorrois volontiers pourquoy tu penses qu'on ne doibt punir de mort vn larcin, & quel autre supplice tu ordonnerois, qui fust à l'utilité du bien, public es tu d'opinion qu'on deust tolerer ce vice. Or si on faict mourir les larrons, & neanmoins on ne laisse à desrober, si on les assure de la vie, quelle crainte pour l'aduenir pourra espouenter les malfaiçteurs, qui par la doulcissement de la peine interpreteroient quilz font semons à malfaire, quasi comme si on leur en vouloit donner loyer il me semble dis ie pere tresbening quil est iniuste totalement doster la vie à vn homme, pour auoir osté vn bien temporel. Pour ce que ie ne pense pas quil y ayt bien mondain en terre qui doibue estre cōparé à la vie humaine. Et sion dit pour couuerture que ce nest pas pour argent ou autre substance qu'on faict mourir vn homme, ains est pour auoir blessé iustice & violé les loix ie respons que ou il debueroit auoir droit & iustice, en ce consiste tort & iniustice.

\* Veritablement le commandement des loix tant seuer & rigoureux nest à louer, quand il aduient de hazard que quelque personnaige nest



## Le premier liure.

en choses legieres semonstre desobeissant ,  
& on vient soudain á desgainer l'espée pour  
le faire mourir. Les decretz ne doibuent  
estre tant estroictz qu'on estime tous pe-  
chez esgaulx, comme de iuger ny auoir dif-  
ference entre tuer vn homme, & luy desrober  
son bien. Entre lesquelles choses (si iustice a li-  
eu) on trouuera quil n'ya rié semblable ny pro-  
che. Nostre seigneur Dieu nous á defendu de  
faire mourir aulcun, & nous le tuons tant faci-  
lement pour auoir desrobé quelque peu dar-  
gent, ou aultre chose semblable. Et si aulcun  
interprete, que par ce commandement diuin  
la puissance de tuer est interdicté, si non entét  
que la loy humaine declaire a occir, quel em-  
peschement y aura il que les hōmes en ceste  
maniere ne cōstituent entre eulx quād il faul-  
dra admettre vne defloration, vn adultere, &  
vn pariurement. Comme ainsi soit que nostre  
seigneur dieu ayt osté le droict de nōseulemēt  
tuer aultruy, ains aussi soy mesme, si le consen-  
tement des hommes s'accordantz entre eulx  
par certaines ordonnances ne tuer l'vn lautre  
doit estre de si grand valeur, quil exemptes les  
satellites de lobligation de ce comman-  
dement, qui sans aucun exempt de Dieu  
tueront ceulx qui humaine loy aura com-  
mandé d'occir, doncques en ceste sorte le  
cōmandemēt de dieu n'aura nō plus de droict  
que les loix humaines y en prometttront,  
Par cela ce fera qu'en ceste maniere les hom-  
mes

més feront statutz en toutes choses , entant qu'il conuiendra garder les commandemens de Dieu combien que la loy de Moyse fut rigoureuse & aspre, non obstant ne punissoit les criminelz attainctz de larcin , combien qu'ilz fussent partinax de mort, mais bien de peine pecuniaire.

\* Ne pensons pas que Dieu en la nouuelle loy de Clemence, par laquelle le pere à commandé á ses filz, nous ayt permis plus grande licence d'exercer cruaulté les vnz enuers les aultres, quan l'ancien testament. Voila pourquoy ie suis daduis quil n'est licite de faire mourir vn larron. Nul nignore que ce ne soit chose desraisonnable & pernitieuse à la republique de punir egallement vn larron & vn meurtrier. Certes quand vn larron regarde quil n'ya point moins de peril destre attainct de larcin , que destre conuaincu dhomicide cela lincite de tuer celuy quil pretendoit seulement voler & desrober, veu quilz n'ya point plus de dangier, mais quil ne fust trouué sus le faict. Il ya plus de seureté à faire vn meurtre, et plus grande esperance de le celer, qu'un larcin, moyennant quil ny ayt tesmoing.

\* Doncques quand nous efforcons de donner trop grande terreur aux larrons, nous les incitons à perdre & gaster les gens de bien.

Or si on me demande quelle punition seroit plus commode , elle n'est pas difficile à trouuer. Auons nous souspecon que  
ceste



## Le premier liure.

ceste maniere des Romains à corriger les vices au temps passé & qui leur à esté si longuement agreable, ne fust vtile, lesquelz estoient plus scauantz de gouverner vne republicque que gens du monde. Ceulx qui estoient conuaincqus denormes crimes, estoient perpetuellement detenuz, & contrainctz es carrieres tirer la pierre, & fouir en terre pour trouuer les mines des metaulx.

La repu-  
blique  
des Poly-  
lerites en  
perse.

¶ Et touchant cest affaire, ie ne treuve coustume ne maniere de faire de nation aulcune que i'aprouue plus, que celle que ie vey, ce pendāt que ie faisois mon voyage de perse, en ce mesme pays chez vn peuple nommé Polilerites: Certes ceste nation n'est pas petite, ne mal regie & instruite, & vit en liberte, fors qu'elle faict quelque tribut tous les ans au Roy des persans.

¶ Quand au reste pour ce qu'ilz sont loing de la mer, & enuironnez de montaignes, se contentans des fruct de leur terre, qui est bonne & fertile, ne hantent pas souuent les aultres peuples, ne ne sont frequentez aussi, mesmes de leur coustume anncienne, ne sont curieux d'escroistre leurs limites, & ce qu'ilz ont le gardent soigneusement de l'iniure d'autrui, & defendent leurs montaignes si qu'on ne peut entrer sus eulx. Parce tribut & pensio qu'ilz font au susdict roy de perse, sont exsmptz de soudoier gensdarmes à la guerre, & eulx mesmes aussidy aller. Ainsi viuent ilz plus eureux, que  
beaucoup

beaucoup renommé, car à grand peine quasi cō-  
gnoist oncōme ilz ont nō, fors leurs voisins qui  
ont lacōgnoissāce deulx. En ce pais ceulx q sōt  
condānez de larcin, ce quilz ont desrobé ilz le  
rendent à qui il est, & non au prince, comme  
on faiēt en maintz lieux qui nēt guere hōne-  
ste, car ilz attribuēt autāt de droiēt au prince  
de la chose desrobée cōme au larron. Si le biē  
est perdu, on vent les biens du larron, & ceulx  
qui sont interessez sont payez à la valeur, le  
demeurant est laissé entierement pour nour-  
rir la femme & les enfantz dudiēt larron, &  
luy condamné a ouurer & besongner ou on le  
veult meētre. Or si le larcin nēt excessif, ilz ne  
sont detenuz prisonniers en Chartre, & si ne  
sont enferrez ou enchainez, mais sont en liber-  
té soy occupantz a besongnes publiques.

\*Ceulx qui refusent le traual, & oeurent las-  
chement, ilz les enchainent & fouettent pour  
les faire besongner.

\*Ceulx qui besongnent bien, on ne leur faiēt  
point de tort, au soir on faiēt la reueue, sont ap-  
pellez par nom & par surnom, & seulement  
mis & enclos de nuit dens des chambres on  
ne leur faiēt poinēt daultre ennuy, fors quilz  
besongnent tousiours.

\*Ceulx qui traueillent pour la republicque,  
sont nouriz des deniers publiques, & bien en-  
tretins, en auitres lieux sont aultrement trai-  
ctez. En quelques endroiētz on cherche lau-  
mosne pour eux, & de cela sont sustentez, &

C combien

Au pays  
des chre-  
stiens on  
ne faiēt pas  
cela



## Le premier liure.

côbiéque ceste voie & maniere de faire ne soit certaine & asseurée, c'est ascauoir de trouuer tousiours du bié pour eulx, toute fois ce peuple la est si misericordieux qu'on treuve du reue- nu en abondance, & plus en ceste sorte, qu'en aultre maniere. En aultre quartier il ya du re- uenu publicque pour alimenter lesdictz crimi- nelz. En autre contrée chacun homme est ta- xé & quotize pour cest affaire. Aussi en d'aul- cunz lieux ilz ne font ouurages publicques, mais ainsi comme vn chascun à affaire en par- ticulier d'ouuriers ce iour qu'il en a affaire il s'en va au marché & les loue, & n'en paye pas tant comme il feroit de quelque serf qui ne feroit criminel: quand au demeurant, vn hom- me ne sera blasme de les fouetter, s'ilz sont pa- resseux de besongner. Ainsi ilz ne sont iamais oisifz, qu'ilz ne trauaillét, & oultre leurs des- pens tous les iours on leur donne quelque cho- se des deniers publicques. Ilz sont tous acou- strez d'une liurée, & n'ya queulx qui porte la couleur du drap qui leur est baillé. Ilz n'ont les cheueulx tūduz, mais coupe z vn peu au des- sus des aureilles, & en ont vne quelque peu couppee & eschantillonnée.

Les valetz  
des gētilz  
hommes &  
maintz aul-  
tres en chre-  
stienté main-  
tenant pen-  
sent estre  
chose hon-  
neste d'a-  
uoir ainsi  
les che-  
ueulx cou-  
pez.

¶ Il est permis à leurs amys de leur donner à boire & à menger, & mesmes vn habit de la couleur quilz doibuent porter.

\* Il est deffendu sur la vie de donner l'argent qui leur a esté donné, & à celuy qui le prend  
autant y pend il, & nest pas moins d'agereux  
à vn

à vn homme libre en quelque sorte que ce soit recepuoir ouprendre pecune d'vn criminel, pareillemēt est prohibé sur peine de mort à tous criminels de porter bastons ou armes. Vne chacune regiō marequēt & signent leurs prisonniers, & ny pend que la mort doster leur mercque, & encourent semblable peine de se transporter en aultre contrée, & passer les limites de leur region, & aussi de parler avec vn prisonnier daultre pais.

\* Certes penser seulement de senfuir n'est pas moins perrilleux pue la fuite. Si vn criminel est conuaincu dauoir donné conseil à vn aultre de senfuir, on le faict mourir, & si vn homme libre tombe en ce cas, il est mis en seruitude. Il ya certain salaire à ceulx qui descouurēt telles entreprinſes. Si cest vn homme de franche condition, on luy donne vn prix d'argent, si cest vn serf, on le met en liberté, à lun & à laultre est faicte grace silz delinquent en quelque sorte: affin quon cognoisse que celuy qui donne vn mauuais conseil ne doibt estre plus asseuré que sil faisoit le cas.

\* Voila les ordances & la police de quoy on vse en ces pays, qui nous donnēt à cognoistre claiement cōbiē elles sont pleines d'humanite & quel profist elles apportēt à la republicque veu quen faisant iustice on abolist & perd, on les vices, en gardant les hommes, & les traictāt en telle sorte, quil est necessaire quilz soient



## Le premier liure.

bons,mesmes autant de dommaige quilz ont  
faict,pour le demourant de leur vie ilz le re-  
compencent on n'a point de deffiâce & crain-  
cte qu'ilz retūbent en leurs premieres meurs  
& est on assure auecques eulx , tellement  
que les pelerins,s'ilz ont quelq̃ voiage à faire  
en aulcun lieu,ne voudroient pas d'autres  
guides à les cōduire que telles sortes de serfz  
& condemnez,qui sont prestez pour diriger  
les passantz en toutes regions.

Or à commeetre aulcun larcin ilz n'ont cho-  
ses opportunes,premierement leur est defen-  
du de porter iamais baston,puys ce quilz au-  
roient desrobé les accuseroit & manifeste-  
roit leur delict.Dauantaige la peine est toute  
preste,à qui seroit trouué en malfaict,puis ilz  
nont espoir de fuir en lieu du monde. Com-  
me se pourroit cacher celuy qui est totalemēt  
desguisé de lacoutrement des aultres sil ne  
sen vouloit fuir tout nud . Et oultre loreille  
quil a entretailée,le manifesterait.Il ne fault  
point craindre aussi quilz puissent faire quel-  
ques monopoles & cōspirer cōtre la republic  
q̃.Premieremēt les peuples voisins,silz auoiēt  
quelque espoir de faire mal,à la region circō-  
iacente & limitrophe,ilz ne le scaroient faire  
bonnement sans solliciter deuant & essayer  
les serfz & criminelz de plusieurs regions,qui  
sont exemptz de cōspirer,car il ne leur est per-  
mis seulement de conuenir,hâter , frequēter,  
parler & saluer lū lautre,mesmes silz auoiēt ce  
propos

propos la, encore ne loferoient ilz descouurer à leurs amys: considéré que ceulx quilz tairoient feroient en dāger de mort, & ceulx qui le manifesteroient feroient bien recompensez. Dauantaige vn chascun deulx a esperance quen obeissant, & porāt la peine patiemment & donnant bon espoir de son amendement de vie pour laduenir. en ceste maniere pourra quelque fois recouurer sa liberte. Cōsideré quon en a veu qui ont esté restabliz & restituez pour leur bonne patience & tolerance.

¶ Apresque ieu recité ces choses, & dict dauantaige quil me sembloit quil ny auoit chose qui empeschast que cela ne ce peust faire en Angleterre, avecques plus grand fruit, que la iustice que ce legiste auoit tant louée, Lequel va consequemment replicquer.

\* Iamais cela ne pourroit estre estably en Angleterre, quil ne tournast au grand detrimēt de la republicque: & en disant ces choses hocketa la teste, & tordist les leures, & se teust. Lors tous les assistentz furent de son opinion Adonc le cardinal dit.

\* Ce nest pas bien deuiné, si la chose doibt venir bien ou mal, quand on nen a point eu encore dexperience.

\* Certes si apres que le dictum de mort est prononcé, le prince commandoit lexecution estre differée, & quon experimentast ceste mode prealleguée, en rompant les priuileges des franchises que les eglises ont, & si on sen



## Le premier liure.

trouuoit bien, on debueroit ordonner ainsi estre faict: mais si le cas venoit autrement, adonc seroit licite de faire mourir ceulx qui parauant auroient esté condēnez, en se faisant cela ne pourroit estre pernitiex au bien public, ne plus iniuste que si maintenant ce faisoit ainsi, ne aussi de la chose nen pourroit venir peril aucun.

\*Dauantaige il me semble qu'on feroit bien de traicter en ceste sorte vn tas de vagabondz & coureurs, qui vont mendiant parmy le pais & sont tousiours oisifz, contre lesquelz on a tant faict de statutz, mais nen est venu profit.

● Apresque ce cardinal eut dict ces choses, tous ceulx qui auoient contemné mes propos les priserent par apres, & singulieremēt ce qui auoit esté dit touchant lesdictz vagabondz: pource que ledict cardinal si estoit condescendu. Je ne scay si ie doy taire ce qui sensuiuit.

Ioieulx dialogue dvn frere prescheur & dvn foul.

Vray est que les choses estoient ioieuses & pour rire, mais pour ce quil ny auoit rien de mal, & quelles estoient conformes à nostre propos ie les compteray: dauanture en ce lieu assistoit vn flateur, qui contrefaisoit le foul mais pour dire vray il ne faignoit, car il le pouuoit estre. A raison que quand il auoit dit quelque parolle, combien quil nyeust pas grand fruit ne plaisir, il se rioit, en sorte que la compagnie se prenoit plus tost a rire de luy que des motz quil disoit: ce neanmoins cest homme

me touchoit aulcunesfois des poinctz qui ne-  
stoient sans raison, & parloit si souuent quen  
aucunz de ses dictz y auoit grace.

Or comme quelqun de ceulx qui estoient  
a la table disoit que iauois bien parlé touchāt  
les larrons, & aussi auoit le cardinal touchant  
les vagabondz & coureurs, & quil restoit à me  
tre ordre aux pauvres q̄ malladie & vieillesse  
auoit constrainctz de médier, lesquelz ne pou-  
uoient faire aulcune besongne pour gagner  
leur vie.

Adonc dit ce foul, laisse moy faire, icy pour  
uoiray bien.

Certes ie desirerois grandement que ceste  
maniere de gens la fussent sequestrez de mes  
yaulx, & quon les mist en quelque lieu que  
ie ne les visse iamais, pour ce quilz mont im-  
portuné souuentefois de leurs cryz & plain-  
tes, en me demandant de largent : toutefois  
ilz ne seurent iamais si bien chanter, quilz en  
arrachassent vn seul denier.

Il aduenoit tousiours que ie nauois le vou-  
loir de leur rien donner, ou quil ne mestoit  
permis, pour ce que ie nauois aucun bi-  
en.

Or maintenant ilz sont faiges, car de peur  
quilz ne perdent leur peine, quand ilz me  
veoient passer par deuant eulx, ilz ne font sem-  
blant de rien & se taisent, & nesperent non  
plus de moy que si iestois prestre.

Mais iordonne & commande par sentence

D iiii

diffinitive

Lordonnā  
ce dun  
foul sus les  
moines mē  
dians.



## Le premier liure.

diffinitive que tous ces pauvres la soient distribués & departis aux monasteres de saint Benoit, pour estre illec bourdiqueus, & les femmes qu'on les mette aux regions des dames, & qu'on les face moniales.

\* Le cardinal adonc si commença à rire, & approuve en se gaudissant l'opinion de cestuy, les autres à bonesciant.

\* Mais vn frere qui estoit en la table dudit cardinal, quand il eut ouy parler des prestres & des moynes rétez il se resiouist fort, & commença à se truser, combien quil fust homme chagrin & melencolicque. Si ne chaperas tu dit il des mendiants, si tu ne penses dentre nous freres. Lors dit cest adulator, on ya desia pourueu, Le Reuerendissime à tresbien ordonné de vous, quand il a esté de opinion que on debuoit reserrer les vacabondz, & les faire besongner. Certes vous estes grands coureurs.

\* Quand les assistens iecterent leurs yeulx sus ledit cardinal, & veirent quil nauoient fait signe à ce fol de se taire, ilz prindrent bien cela, fors ledit frere, lequel estant ainsi touché de ce brocard & lardon, fut si indigné & courroucé, quil ne se peut abstenir d'iniurier cest homme, (& ne men esmerueille) il l'appella menteur, detraicteur, medisant, langard & enfant de perdition: allegant sus ces entrefaites tout plein de menaces terribles de la sainte escripture, adonc ce plaisanteur commença à plaisanter a bonesciant  
car

car c'estoit son droit mestier, & son vray exercice, Frere dit il, ne te courrouce point, n'est il pas escript, en vostre patience possédez voz ames, adonc le frere dit, ie reciteray ses polles, [ Non irascor furcifer, vel saltem non pecco. Nam psalmista dicit irascimini & nolite peccare. ] Qui est a dire ie ne me courrouce point villain, ou a tout le moins ie n'offense dieu, car le Psalmiste dit, courroucez vous & ne pechez point. Ce que voiant le Cardinal admonesta ce frere doucement de refreindre ses passions & feist signe audict plaisanteur qu'il se retirast, & changeast les propos en aultre chose plus commode, tost apres se leua de la table, & vacqua a ouyr quelques differetz & litiges d'aucuns clerchez, & nous laissa.

¶ Voyla comme ie t'ay ennuié & chargé de mes longs comptes amy Morus, ieusse eu honte d'y estre si longuement, si tu ne m'eusse prié affectueusement d'ainsi le faire, & aussi pour ce que tu te mostrois auditeur si attentif, que tu ne voulois que laissasse vn grain de ce propos: ce que i'eusse peu faire plus bref, mais il me falloit narrer au long & tout à net, pour y comprendre l'opinion de ceulx qui au deuant auoient blasmé ce que i'auois dit, & tost apres l'approuerent, pour ce que le Cardinal alloua mon dire: & se monstrent si grands flateurs que mesmes ilz se consentoient aux inuentions de ce plaisanteur susdict, & les recepuoient quasi comme choses graues, pour ce que

Icy il touche les flateurs.



## Le premier liure.

ce que le maistre les prenoit à ieu. Par cela tu peux estimer combien les courtisans feroient compte de moy, & de mon conseil.

☛ Certes amy Raphaël, disie, tu as parlé tant prudemment & elegamment que tu m'as fort recrée.

☛ D'aduantage en t'oyant ainsi bien compter il me sembloit que ie fusse non seulement en mō pais, mais estre raieuni pour le ioyeux record de ce Cardinal en la court du quel i'ay esté nourry ieune enfant : & pource que tu prestes faueur à la memoire d'iceluy, combien que tu fusses bien mon amy, si t'ayme ie encore plus pour ceste cause quand au reste ie ne puis encores changer mon opinion en aulcūne maniere, que ie ne pense si tu veux induire ta fantasie à t'accōmoder à la court des princes, que tu ne faces grand bien à la republicque par ton cōseil, ce qui s'adonne & est moult seant à ton office, c'est a dire à l'office d'un hōme de bien, veu que ton platon dit que les republicques deuiendront heureuses, si les amateurs de saigessey regnēt, ou si les roys s'estudiet a sagesse. O que felicité sera loing desdictes republicques, si les philosophes sont desdaigneux de communiquer leur conseil au Roys & Princes.

\* Ilz ne sont pas dit il si ingratz, quilz ne le feissent haictément, & qui plus est, maintz l'ont desia faiet par plusieurs liures mis en lumiere, si les princes & roys estoient appareillez  
lez

lez d'obeir à leurs bonnes opinions, mais véritablement platon prenoit bien que si les roys ne s'appliquoiēt à sagesse, & silz entretenoiēt leurs mauuaises opinions desquelles ilz sont abreuez & tainētz en leurs ieunes ans, il ne se peult faire pour l'aduenir qu'ilz facent estime du conseil des philosophes, & de ces choses le dict platon eut experience enuers le Roy denis.

\* Si i'estois à la court de quelque Roy & ie luy misse deuant les yeulx quelques bons statutz, & que ie m'efforçasse de luy oster vne pernitiouse semence de mal, ne penses tu pas que soudain on ne me poustaſt dehors, ou qu'on ne se mocquast de moy? Près le cas que ie fois avec le roy de France, & que ie fois de ses conseilliers, & que le Roy preside en son conseil estroict en la compaignie de tout plein de personages prudentz, illec se faiēt consultation par quelz artz & inuentions on pourra garder Milan, comme on pourra retirer Naples, destruire les Venitiens, conquerir toutes les Itales, mettre en son obeissance Flandres, Brabant, & toute la Bourgogne, & pareillemēt plusieurs aultres contrées qu'on a eu vouloir d'affaillir.

¶ Vn dira & suadera quil faut faire appoictemēt avec les Venitiēs, qui durera seulement tādīs qu'il sera cōmode [de leur cōmunicqr le cōseil de Frāce, & leur laisser qlqs terres de conquest, qu'on pourra redemander, quand  
les

Icy descō  
seille cou-  
uertement  
de faire la  
guerre en  
italie.



## Le premier liure.

Les suif-  
ses font a  
qui plus  
leur dōne.

les choses seront venues à fin desirée.

¶ L'autre conseillera qu'il fault assembler les Alemans, l'autre qu'il fault attirer les Suisses par argent, l'autre sera d'oppinion qu'on appaise l'Empereur, & qu'on rompe les entreprinſes a force d'or, comme ſ'on y procedoit par censures, l'autre de composer avec le roy d'Arragon, & ceder au royaume de Nauarre comme vn gaige de paix, l'autre sera d'aduis qu'il eſt commode de retenir le prince de Castille par quelque eſperance d'affinité, & alecher par certaine pension quel que nombre des gentilzhommes de ſa court pour eſtre de la ligue des Francois'. Or quand le plus gros neu, & la plus grande difficulté d'entre toutes ces choses ſe met ſus le bureau, c'eſtaſcauoir qu'il fault ordonner d'Angleterre, on dira qu'il eſt decent de traicter paix avec les Anglois abſtreindre & retenir eſtroictement les confederez inconstantz, qui facilement ſe reuoltent, ſoient appelez amis, & ſouſpeconnez comme ennemis.

¶ Il fault drefſer les eſcoſſoys, & qu'ilz ſe tiennent preſtz, a tous heurtz, ſi d'adventure les Anglois ſe vouloient mouuoir.

¶ D'auantaige eſt il pertinent d'entretenir quelque noble perſonnage exilé, tout ſecrettemēt, car l'accord qui ſera faiēt prohibe que la choſe ne ſe face apertemēt, lequel aura different avec le roy d'Angleterre diſant que le royaulme luy appartient, afin qu'a ceſte occaſion



sion il ayt ledict prince suspect. Or si en ce-  
 ste grãde difficulté, ou il aura tant d'excellẽtz  
 personaiges qui seront tous de conseil qu'on  
 doibt faire la guerre, moy qui suis homme de  
 petite estoppe ie me leue, & delibere qu'on  
 doibt faire le cõtraire, qu'il fault delaisser l'I-  
 talie, & demeurer en son pais, & que le roy-  
 aulme de France est quasi plus grand, que cõ-  
 modément il peult estre administré d'un seul  
 prince: & que ne doibt le roy pẽser d'adioin-  
 dre les aultres royaumes avec le sien, finale-  
 ment si ie leur propoisois les statutz du peu-  
 ple des achoriens, opposite à l'Isle des Vto-  
 piẽs du costé d'Euronotus, que les marigniers  
 appellent le vent de fourouest, lesquelz feirẽt  
 quelque fois la guerre, affin qu'ilz obtinssent  
 & conquestassent vn aultre royaume que le  
 leur à leur roy, lequel il querelloit lui aparte-  
 nir, à cause d'aucune affinité, ce qu'ilz feirent  
 mais apres qu'ilz eurent conquesté voiantz  
 qu'ilz n'auoyent pas moins d'ennuy & angois-  
 se à le garder, quilz auoient souffert à l'acque-  
 rir: & que assiduellement se faisoient rebel-  
 lions en cediẽt royaume, ou incursions des e-  
 strangers à lencontre des renduz, ainsi tous-  
 iours falloit guerroyer pour eulx, ou contre  
 eulx, & ne leur estoit loisible de laisser leurs  
 exercites, ce pendant ilz estoient pillez, leur ar-  
 gent se portoit en estrange pais, leur sang sex-  
 posoit à l'appetit & honneur d'aultruy, silz  
 auoient d'adventure paix, ilz nen estoient gue-  
 re plus

Exemple  
 digne d'e-  
 stre note.



## Le premier liure.

re pl<sup>9</sup> asseurez, les meurs se corrópoiēt & de-  
prauoient, vn vouloit de desrober s'acoustu-  
moit, audace se fortifioit par meurtres, on cō-  
tēnoit les loix pour ce que leur prince entétif  
au regime & soucy de deux royaumes, ne po-  
uoit entendre à l'un & l'autre.

¶ Or quand ilz veirent que fin ne se me-  
toit à tant de maux, s'assemblerent & tin-  
drent conseil treshumainement donnant l'o-  
ption à leur roy de retenir lequel qu'il voul-  
droit des deux royaumes, disant qu'il n'eust  
sceu regir l'un & l'autre, & qu'ilz estoient si  
grand nombre, que leur administration po-  
uoit bien contenter deux roys, & qu'il leur  
appartenoit bien d'en auoir vng a tout par  
culx, veu qu'il n'est personne de si petite con-  
dition ou estat, s'elle auoit vn muletier, qui le  
voulfist faire commun à aultruy.

\* Ainsi ce bon prince fut contrainct de lais-  
ser ce nouveau royaume à quelque vn de ses  
amys, (qui en fut en bref deiecté) & de ce  
contenter du sien.

¶ Consequemment si ie remonstrois toutes  
les entreprinſes des guerres, pour lesquelles  
tant de nations estoient en different à cau-  
se de ce roy, tant de thresors euacuez, son  
pauvre peuple destruiēt, & combien que aul-  
cunefois par quelque fortune ceulx a qui on  
a la guerre cedent, toutesfois c'est en vain,  
pourtant se doit vn roy tenir & habiter en  
son royaulme sans tirer oultre, l'escroistre  
&

& orner autāt qu'il peult, & le faire tresflorif-  
sant, aymer ses subiectz, estre aymé d'iceulx,  
viure ensemble avec eulx & leur comman-  
der doucement, & laisser la les aultres royaul-  
mes en leur entier, puisque celuy qui luy est  
escheu, est assez ample, & plus riche qu'il ne  
luy fault.

✶ Escouterā lon voluntiers ce mien pro-  
pos a ton aduis amy Morus, gueres ne pre-  
steront l'Oreille à ta harengue, disie.

✶ Or passon oultre dit il, s'il aduient que  
les conseilliers de quelque roy conferent en-  
semble & reduisent en memoire en la pre-  
sence de cestuy Prince par quelles fineses  
ilz luy pourront amasser de l'argent.

✶ L'un dira qu'il fault descrier ses mon-  
noyes, & à raison qu'il fault que ledict Prin-  
ce baille & paye a quelques vngz grosse som-  
me d'or, il sera bon de hausser l'or, puy le de-  
ualler & abaisser de prix quand il sera que-  
stion d'en demander à son peuple, & apres a-  
uoir receu le remettre en son premier estat.

Ainsi de peu payera beaucoup, & pour peu re-  
cepura beaucoup.

✶ L'autre conseillera que il faigne auoir  
la guerre contre quelque nation, & soubz ce-  
ste couleur il tyrrera force d'argent de ses sub-  
iectz.

✶ Puis quand aura amassé ceste pecune,  
quand luy semblera bõ face voler le bruit de  
paix entre ses ennemis, affin que to<sup>2</sup> ceulx qui  
sont



## Le premier liure.

sot ainsi aueuglez & enchâtez, & qu'ilz diēt nostre prince est pitoyable il a cōpassiō despan-  
dre le sang humain, l'autre luy mettra a la fan-  
tasie que tous les subiectz ont transgressé aul-  
cunes vielles ordonnances, mēgées des vers  
toutes moysies, & par longue desacoustuman-  
ce inueterées, que nul nauoit la memoire  
quelles fussent faictes, & quil en doibt deman-  
der les amendes, disant quil ne luy scauroit  
eschoir plus grand reuenu que de cela, ne plus  
honorable, de raison quun prince represente  
la personne de iustice. Il est admonnesté dun  
aultre quil defende beaucoup de choses sus  
grosse peines, & specialement ce qui sera à lu-  
tilité de ses subiectz, quand ne se fera point,  
puisvienne à composer avec lesdictz subiectz  
& les dispence par pecune, pource que la def-  
fense leur est pernitiouse, ainsi aura la grace  
de son peuple, & luy en reuiendra double pro-  
fit, aussi luy reuiendra gros deniers sil a quel-  
ques thesauriers ou recepueurs quauarice &  
couuoitise de gaing aura attrappé à ses retz,  
& auront mal versé en ses finances, quand se-  
ront mulctez & puniz de leur larcin, ou quād  
il vendra les priuileges dune communaulté à  
quelque aultres trop plus d'argent quil nest  
pas bon prince, pource quil donne le bandon  
& licence à quelquun en particulier de iouir  
dune chose, qui est au préiudice dvn peuple, &  
pourtant ne le vend il point quil nen ait gros  
deniers, l'autre lui persuadera quil abstreigne  
à foy



à soy quelques Iuges qui en routes choses de-  
 battront & contendront pour le droict du roy  
 ce qui luy appartiendra, puis les fera venir au  
 palais en son parlement les inuitât de faire re-  
 cit de ses matieres deuant soy, ainsi il n'aura  
 matiere si manifestement iniuste ou quelque  
 vn desdictz iuges ne treuve quelque ouuerti-  
 re par laquelle ne se puisse estendre trompe-  
 rie, ou en contredisant, ou de honte de parler,  
 ou affin qu'ilz acquierent faueur enuers le-  
 dict prince, en ce poinct quand lesdictz iu-  
 ges seront repugnantz, & d'oppinions contrai-  
 res l'ung à l'autre en vne chose de soy tres-  
 claire, & qu'il n'eust mestier d'estre dispu-  
 tée, si que la verité de la cause qui est inique, a  
 ceste heure la vient en doubte, sur ce poinct  
 le prince a occasion d'interpreter le droict à  
 son profit considere que les vns ont honte de  
 parler deuant soy, & les autres craignent, ain-  
 si la sentence se prononce sans craincte à son  
 intention. Certes celuy qui donne arrest pour  
 luy n'est iamais despourueu de couuerture,  
 vmbre, ou couleur, il dira qu'il luy suffist que  
 le droict est de sa part, ou il rournera les pa-  
 rolles & le sens de la loy, l'interpretant à son  
 plaisir. Puis alleguera la prerogatiue, excel-  
 lence, & préeminence du prince qui ne doit  
 estre disputer, & que le prince est sur la loy, se  
 confirmant au dit de Crassus, qui disoit que le  
 prince qui auoit charge d'entretenir vn exer-  
 cite, ne pouoit auoir assez d'or, & d'argent d'a-  
 uantaige,

Le dict du  
 riche Cras-  
 sus.



## Le premier liure.

uantage ledict iuge alleguera qu'un roy ne peult rien faire iniustement, quand son plaisir est tel pour ce que tout le bien des subiectz est a luy, & mesmes les corps, & que le peuple n'a rien propre, fors seulement ce que la benignité & courtoisie d'un roy luy permet posseder, & ce quelle ne luy aura osté, & le moins qu'il en pourra auoir, ce sera à la grande utilité du prince, de peur que ledict peuple, duquel il a la garde, par richesses & liberté ne s'effemine & enfierisse & qu'il ne veuille endurer patiemment l'iniuste & dur commandement de son seigneur: veu qu'au contraire pauvreté & nécessité rompt, brise, & abaisse les courages, & les faict patientz, en sorte que les nobles & magnanimes espritz par oppression sont deuallez, & exemptz de rebellion.

¶ Or si en ce conclaue ie me lieue de rechief pour dire mon opinion, & debas contre les susdictz aduocatz que tout leur conseil n'est honneste au roy, & qui plus est, luy est perniteux & dommageux, duquel non l'honneur seulement, ains aussi la seureté sont comprins & situez plus au richesses de son peuple, que au siennes, & que ledict peuple le eslit pour son affaire, & non pour l'affaire dudit prince, afin que de son labeur & estudie il viue commodement, le defendant du tort & iniure que on luy pourroit faire vng bon Prince doibt estre plus soulcieux que ses subiectz se portent bien, que luy mesme, tout ainsi que  
c'est

cest l'office d'un pasteur d'estre plus soucieux de nourrir les ouailles que soy-mesmes, entant qu'il est berger.

Et quand a ce qu'ilz sont d'oppinion que la pauureté du peuple, est ayde de paix, l'experience nous enseigne assez qu'ilz faillent grandement, Mais ou trouuera lon plus de noises & contentions, que entre gens mendians? qui est ce qui desire plus le changement & mutation d'un regne, que celuy à qui desplaist l'estat & maniere de viure de son temps? qui prend plus grand hardiesse de faire vn trouble en toutes choses, que celuy qui ne a que perdre? Et si vn roy est tellement contemnè & hay de ses subiectz qu'il ne les peult aultrement retenir en son obeissance sinon par male dictions, iniures, pilleries, & grandes persecutions, & les redige à mendicité.

Il vouldroit beaucoup mieulx que il quictast & delassa son royaume, que de les traicter & gouverner par telz artz, par lesquelz combien qu'il retienne le nom & tiltre de roy, se perdra il sa maiesté.

Cela est bien mal seant à si excellente dignité Royale, de auoir le regime de mendians: mais il quadre bien mieulx de auoir la domination & gouuernemēt d'un peuple opulent & eureux: ce que cognoissoit bien Fabricius rommain, homme vertueux & magnanime, quand il respondit que il aymoist mieulx dominer sur les riches, que de estre riche



## Le premier liure.

¶ Certes quand il aduient qu'un prince viue seul en plaisir & delices, & que tous ses subiectz gemissent de toutes partz & lamentent, pour la pauureté ou ilz les à mis, cela n'est pas office de roy, mais d'un geollier. Finalement ainsi qu'un medecin n'est pas tenu scauant, qui ne scaroit guarir vne malladie sans en adiouster vne, aussi est estimé vn prince ignorant & cruel qui ne scait par aultre voye corriger la vie de son peuple, sinon en luy ostant l'usage & commodité de la vie, & confesse hardiment qu'il n'entend rien a gouuerner gens libres & francs, doncques qu'il change sa lascheté ou son orgueil : car par telz vices souvent aduient que le peuple le contemne ou hait, viue de son reuenu sans porter greuance a aucun, sa despence soit mesurée à ses possessions, reserre les malefices, instruisse bien ses subiectz, & ne permette croistre les delictz, lesquels il fauldroit qu'il punist par apres, les loix abolies par coustume, qu'il les reuocque discrettement, specialement celles qui ont esté long temps delaiuées, & ne sont peries, qu'il ne preigne argent a cause d'un delict ou offense, ce qu'un iuge ne souffriroit faire a personne priuée, comme chose iniuste & fallacieuse.

Loy admirable des  
Macarēses.

¶ Si ie leur proposois la loy des Macarēses, qui ne sont pas gueres loing de l'Isle d'Vtopie, qui le premier iour qu'ilz on faict vn roy, avec grandes cerimonies l'arresterent de iu-  
ter

rer solennellement, qu'il n'aura iamais à son thesor plus de mille liures d'or ou autant d'argent à la valeur dudict or, ilz disent que ceste loy fut instituée de quelque bon prince, qui auoit plus à coeur l'utilité du pays que ses propres richesses, qui estoit vn obice d'assembler tant de pecune, que le peuple en fut pauvre.

Certes cestuy roy consideroit que ce thesor la estoit assez suffisant pour contreuenir aux rebellions de ses subiectz, & incursions des ennemis, vray est qu'il n'estoit assez ample pour inuader les aultres royaumes, pour donner à cognoistre qu'un prince se doit contenter du sien, qui fut cause principale de construire ceste ordonnance, l'autre cause qui l'induisit, c'est que par cela il pensoit auoit si biē pourueu qu'il ni auroit deffaulte de pecune, quand il seroit question que les citoyens voudroient traphicquer, & faire quelque commerce entre eulx. Et considere aussi qu'il estoit de necessity au roy de bailler tout ce qui estoit de surplus de son thesor a sesdictz subiectz, par cela n'auoit occasion de chercher les moiens de les piller & leur faire tort.

☛ Vn roy qui feroit le sēblable seroit craĩct des mauuais, & aymé des bons, si ie m'allois in  
gerer de proposer ces choses, ou auitres sem  
blables deuant des personages, qui seroient  
totalement enclins à faire le contraire, ie reci  
teroie vn compte à gens sourds, certes disie  
non à sourds, ains tressourds, & ne men esbahi

Prouerbe.



## Le premier liure.

Philoso-  
phie scho-  
lasticque.

& ne suis point d'aduis (affin que ie die la veri-  
té) q̄ tu te doibues immiscuer de tenir telles  
parolles, & donner tel conseil, si tu es certain  
qu'on ne le doibue recepuoir, que profiteroit  
tel deuis inacoustumé & comme pourroit il  
entrer au coeur de ceulx à qui on a persuadé  
l'opposite, ceste philosophie scholasticque est  
plaisante entre amis en leurs familiere confa-  
bulations, mais il n'est pas temps d'alleguer  
ces choses au conseil des princes, ou les grâdz  
affaires se traictent avec grâde authorité, c'est  
dit il ce que ie mettois en auāt, qu'on ne scau-  
roit admettre de tenir termes de philosophie  
deuāt les princes, ouy bien disie de ceste philo-  
sophie scholasticque, ou il fault parler frâche-  
ment, il ya vne aultre philosophie plus ciui-  
le, qui a son theatre propre, & s'accommode à  
la fable qu'ō ioue, & garde son office & droict  
honnestement avec grace & condecence.

merueilleu-  
se diminu-  
tion que  
les grecqs  
appellent  
miosis,

¶ Il te fault vser de ceste la, prenons le cas  
qu'on ioue quelque comedie de plante, ou cer-  
tains seruiteurs & flatereaux vsent de bour-  
des & mensōges entre eulx, & tu te presen-  
tes deuant le pulpitre en habit de philosophe,  
& racomptes cé passaige d'octauia, ou Senec-  
que dispute avec Nero, te vauldroit il pas  
mieulx taire que de mesler ta tragedie, avec  
leur comedie, tu corromps & peruertiz la fa-  
ble qu'on ioue, car tu mesles choses contrai-  
res, combien que ce que tu allegues soit meil-  
leur, si tu as entrepris quelque ieu, ioue le  
mieulx

mieulx que tu pourras, & ne trouble ne change rien, pourtant si te vient a la memoire d'une aultre fable qui soit plus belle, & plus elegante ainsi est en la republicque.

¶ Ainsi en aduient au conseil des princes. Si les mauuais opinions ne peuuent estre totalement ostées, & si on ne peut ainsi qu'on desire remedier au vices receuz par vsage: nō pourtant doibt estre delaissee la republicque, ainsi qu'une nauire en temps de torment, si les ventz ne peuuent estre reprimez.

Certes il ne fault point emplir les aureilles des princes d'un propos insolent & inaccoustumé, lequel tu cognoistras n'auoir paix enuers lesdictz princes, qui ont esté persuader au contraire, mais il se fault efforcer par vne menée oblique que tu traictes de tout ton pouoir toutes choses cōmodement, & ce que tu ne peult tourner en bien, fay a tout le moins, que ce ne soit pas si grand mal. Certes il ne se peut faire que tout voise biē, si tous ne sont bons : ce que ie n'espere qu'il ce puisse faire encore de long temps. En ceste sorte dit il rien aultre chose ne ce feroit, sinon quand ie penserois donner remede a la fureur des aultres, moy mesme auecques eulx ie deuendrois fol. Or si ie veuil dire le vray, il sera necessité que ie die telles choses cōme iay deuāt allegué, ie ne scay si les philosophes ont accoustumé de mētir, mais quād a moy ce n'est poīt mō naturel ne mō mestier. Et combiē q̄ mes



## Le premier liure.

Les Statutz  
des Vto-  
piens

parolles paraventure ne soient agreables aux  
sufdict, & leur semblent facheuses, si est ce  
quelles ne sont point si estranges, q̃lles soiēt  
indiscrettes & impertinentes, si ne proposois  
ce que fainct Platon en sa republicque, ou ce  
que font les Vtopiens en la leur, iacoit ce que  
ces choses la fussent meilleures (comme il est  
certain que ainsi est) toutesfois seroient veues  
biē estrāges, pource quē ce pais tout y est par  
ticulier, & en Vtopie toutes choses sont com  
munes, mes propos ne pourroient plaire sinō  
a'ceulx que ie aurois reuocquez & retirez de  
cest erreur, & leur aurois monstré les perilz  
ou ilz fussent tūbez, sil eussent suiui le chemin  
quilz auoient deliberé a par eulx de prendre,  
quest il cōprins a ce que iay allegué, qui con  
uienne, & soit de necessité estre dict en tout  
lieu, & fut ce deuant les princes.

Or sil fault taire, & obmettre les abuz  
que les hommes ont faictz par leur vie mau  
uaisé, comme si ce fut chose insolente estran  
ge & non accoustumée de le dire, par sembla  
ble raison il fault que nous dissimulons entre  
les chrestienx toutes les choses que nostre sei  
gneur Iesuchrist à enseignées & a tant deffen  
du que on ne les dissimule : en sorte que ce  
quil a dict en secret mesmes a ses disciples, il  
a commandé estre presché publicqnement,  
desquelles choses la plus grāde partie est bien  
plus estrange aux meurs de ce temps present,  
que ne sont les patolles que iay dictes.

¶ Le

\* Je croy quaucunz prescheurs, personnaiges subtilz ont ensuiuy ton conseil, lesquels apres auoir remonstré la parolle de dieu les hômes avec difficulté toutefois souffroiet leurs mœurs estre conformées à la reigle de Iesuchrist, puis pource que sa doctrine leur sebloit trop pesante & difficile afaire, ilz la feirent quadrer & cōuenir à leurs mœurs & maniere de viure, affin quen ceste sorte les commandementz de Iesuschrist & leur vie mauuaises fussent conioinctz ensemble. En quoy ie ne voy point quilz ayent rien profité, si nō quilz estoient plus aśeurement mauuaiz.

¶ Certes si ie estois au conseil des princes ie y profiterois autant, ou ie serois d'oppinion cōtraires aux aultres, qui me vauldroit autant comme si ie n'auois rien opiné, ou ie serois conforme à leur dire, & pour coadiuteur de leur follie, comme dict Mitio en Terence.

\* Je n'entend point bien ce que tu dis quil fault proceder par vne voie foraine & menée oblique quand on est au conseil des princes, par laquelle on se doibt efforcer ainsi que tu es d'oppinion, que si toutes choses ne peuuēt estre rendue bonnes, qu'elles soient traictées commodément, & soiēt faictes le moins mauuaises qu'on pourra.

¶ Certes ie ne puis concepuoir ton dire, veu qu'an conseil, il n'est permis de rien dissimuler ne pallier, les opinions mauuaises, il les fault approuuer apertement, & se consentir  
aux



## Le premier liure.

aux statutz pernitiex & pestilent. Celuy qui blasmera vne mauuaise opiniõ, sera tenu pour espie, ou quasi cõme vn pditeur. Je ne treuve point qu'entre telz conseillers vn homme de vertu y puisse profiter, pour ce qu'ilz gasterõt plus tost vn personaige bien reputé, qu'ilz nese corrigeront.

¶ Ou il sera par leur mauuaise conuersation depraué, ou luy estant innocent & entier, sera couuert & chargé de la malice & follie d'aultruy, voila comme ie pense que par ceste palliation & dissimulation que tu dis, rien ne se peult conuertir en mieulx. Pourtant le Philosophe Platon donné à cognoistre par vne trefbelle similitude, pourquoy à iuste droict les saiges s'abstiennent de vouloir prendre le regime de la republicque. Quãd (dit il) les personaiges pendentz voient le peuple. Parmy les carrefours & places publiques respandu qui se laisse mouiller a vne grosse pluye qui chet incessamment d'enhault, & ne luy peuuent meẽtre en teste, qu'il se mette hors de la pluye, & quil cherche le tapy, cognoissantz donc quilz ne gagnerõt rien silz faillent hors sinõ quilz seront mouillez cõme les aultres, ne partēt de leurs maisõs: & leur est assez, puis quilz ne peuuēt remedier à la folie d'aultruy, de soy tenir en lieu seur. Certes amy mor<sup>9</sup> (afin q̃ ie le die à la verité ce que i'ay a la fãtasie) il me semble quē toutes partz ou les biēs sõt particuliers, & ou on mesure toute choses  
à la

à la pecune, en ce lieu là, a grād peine peut on  
 iamais faire, qu'une republicq̃ soit traitée iu-  
 stemēt & heureusemēt, si tu ne dis que ceste qui-  
 té, quād to<sup>9</sup> les pl<sup>9</sup> grāds biēs viēnēt es mains  
 des pl<sup>9</sup> meschātes psonnes, & si tu nes doppi-  
 niō que cest felicité, quād toutes choses sont p-  
 ties & diuisees entre peu de psonnaiges. Veri-  
 tablemēt lesdictz psonnaiges nōt eu lesdictes  
 possēsiōs cōuenablemēt, veu quil nya seule-  
 mēt queulx qui ayēt les biens, & les aultres de-  
 meurēt pauvres & miserables, pourtāt quād a  
 par moy ie cōsidere les tresprudentes & tres-  
 sainctes cōstitutiōs des Utopiens, enuers les-  
 quelz, le biē public est tāt biē & aptement re-  
 gy avec si peu d'ordōnāce, qua vertu est dōné  
 le prix. Et cōbiē q̃ tout soit egalle, nōobstāt vn  
 chacū a des biēs a plāté. Cōsequēmmēt quād  
 ie cōpare a leur maniere de faire tāt de natiōs  
 lesquelles font tousiours quelques ordōnāces,  
 & ny en a pas vne qui soit bien ordonnée, cer-  
 tes ie ny treuve nulle comparaison. Entre icel-  
 les ce quvn chacun acquiert, il nomme ce biē  
 en la, son propre, & combiē que tous les iours  
 il se face en ces contrées nouvelles loix &  
 statutz, toutefois ne semblent estre de grande  
 force, car les hommes entre eulx ne peuuent  
 iouyr de leur bien particulier paisiblement ne  
 le garder, ne le congnoistre lun dauec lautre.  
 \*Ce que no<sup>9</sup> demōstrēt facilemēt les procez  
 infinizq̃ s'ourdēt to<sup>9</sup> les iours, & qui ne prēnēt  
 iamais fin, Quād ie pense toutes ces choses ie  
 fuys



## Le premier liure

fuis d'oppiniõ cõforme à celle de Platõ: & ne mesmerueille point si daigne oncqs faire loix à ceulx qui refuserent de viure en cõmũ. Certainement ce prudent personnaige prenoit cestre la seule voie du salut publicque, si les hommes viuoient en communauté de bien, ce qui ne ce peut iaimais faire ou il ya propriété.

¶ Quand vn chacun en attire à soy autant qu'il peult combien qu'il y ait abondance de biens au monde, & que peu de personnes partent entre eulx tout l'auoir, ilz delaissent aux aultres pauureté & indigence: & aduient que les pauvres auroient beaucoup mieulx merité auoir si opulente substance, que les riches: car les riches sont rauissantz, mauuais & inutiles: au contraire les pauvres sont modestes, simples, & de leur iudustrie quotidienne plus liberaulx & courtois à la republicque, qu'a eulx mesmes. Ainsi ie suis d'aduis qu'un biẽ public ne peut estre iustement & eureusement administré, si non oste ceste propriété de biens: & si elle demeure entre les mortelz. La meilleure & la plus grand' partie des hommes demeurera en indigẽce, calamité & anxieté. Et combien qu'on peust aulcunement soulaiger lesdictes nations viuentes en propriété, si ne leur seroit on tollir, plainement pauureté & misere.

¶ Vray est qu'en ordonnant qu'on possedast certain nombre de terres, & non plus qu'il seroit licite, & qu'un chacun fust taxe de payer tribut au prince, selon, la vraye & legitime  
me

me estimation de ses biens, la chose se pourroit adoucir. Pareillemēt que le price ne fust trop riche, le peuple trop arrogāt, quil ny eust ambition aux offices & dignitez, & quelles ne fussent baillées au plus offrant, & quon ne fist si gros fraiz à les auoir: car par cela est donnée occasion aux marchantz den reffaire leurs deniers par fraude & rapine. Ainsi il est de necesité, puis quon y va par argent, de preferer les riches ausdictes offices, ou on feroit beaucoup mieulx dy metre gens prudentz & discretz cō bien quilz fussent pauvres.

La ou regne telle particularité de biens, les abuz peuuēt bien estre adoulciz mitiguez par les statutz deuant dictz, mais de les corriger & extirper totalement, il ny fault point auoir desperance, nō plus quon à dun corps habandonne des medecins, lequel on peult faire viure plus longuement par quelques applications, appareilz, ou restaurant, mais de le reduire en son embompoinct il est impossible. Quand on sefforcera dauoir la sollicitude dun membre, on rendra les autres plus mallades, ainsi naistra de la medecine dun, la malladie de lautre, puis quon ne peult bailler à lun, quon noste à lautre.

Il mest aduis tout le contraire disie, & suy doppinion que la ou toutes choses sont communes, quon ny peut viure aptement & commodément.

Comme y aura il abondance de biens, la  
ou vn



## Le premier liure.

ou vn chacun sexemptera du labeur, quauray ie affaire de torméter mon coeur & mō corps a besongner, quand lesgard de mon gaing & profist ne my cōtrainct point. La confiance que iauray à lindustrie daultroy me rendra nō challant & paresseux. Si de hazard iay deffaulte, & iay beaucoup trauaillé a amasser dubien toutefois il ne mest permis par nulle loy de le cōseruer, & men ayder, par cela on vient à mil le meurtres, & perpetuelles seditions. Je ne puis reduire en ma memoire que police puisse estre, entregens ou il nya different & discrime de personnes, & ou vn chacū est maistre, ie ne me sbahy point dit il si tu as ceste aprehtion la, car tu ne considere au vray la chose comme elle est, ou si tu en as quelque consideratiō, tu la digeres mal. Certes si tu auois este auecques moy en lisle d'Vtopie, & eussent veu à loeil la maniere de viure, & les statutz du pais cōme iay faict, (qui y ay demeure & vescu pl<sup>9</sup> de cinq ans, & iamais ie nen eusse voulu partir si neust esté pour manifester ceste nouuelle terre) tu cōfesserois que tu nauois veu en nul endroiēt du monde vn peuple mieulx enseigne & ordonné que cestuy la veritablement dist Pierre Gille a grande difficulté me mettrois tu en teste, quil y eust en ce nouueau pais vne gent mieulx arroiée & establie, quen cestuy, ou il nya pas moins bonsepritz, & ou les republicques soint ce pence ie de plus grande ancienneté, & ou le longvsaige à trouue main  
tes

tes choses commodes & conuenables à la vie sans toucher à ce qui à esté inuenté daduenture & cas fortuit, ce que nul esprit neust sceu excogiter.

\* Quand à lantiquité des republicques dict il tu parleroïs aultremēt & plus veritablemēt si tu auoïs ouy pler les hystoriēs de ceste regiō, en la quelle, si nous voulons croire à leurs dictes chronicques, il y auoit des villes situées, premier quil y eust des hommes en la nostre.

\* A ceste heure tout ce qui a esté trouué iusques icy par engin humain, ou par cas fortuit, il a peu auoir esté en lun & lautre lieu, cest à dire en nostre pais & au leur aussi.

\* Quand au demeurant ie pence bien que nous sommes gēs de plus grād esprit queulx.

\* Mais destude & industrie, pour certain ilz nous surmontent de beaucoup.

\* Or ainsi que contiennent leurs chronicques auant que noz manieres abordassent en leur terre, ilz ne cognoissoient rien de nous, quilz appellent Vltrequinoctiaux, ne de noz affaires, & si nen auoient iamais ouy parler, sinon depuis mille deux cētz ans, de hazard quelque nauire en leur isle perit, qui y auoit este portée par tempeste, & quelques Rommains & Egyptiens qui estoient dedans si sauluerent, & vindrent à port, & ne partirent iamais de le parapres.

\* Or q̃ feirēt lesvtopiēs, apres auoir receu ces pauvres marigniers ceste opportunité venant daduenture



## Le premier liure.

laduventure leur fut grandement commode par leur industrie: car il ny auoit rien par tout l'empire Romain, dont il leur en pouuoit venir quelque fruit, quilz n'aprinssent de leurs hostes, ou quilz n'inuentassent apres auoir tant soit pour interrogué des choses, voila le grand bien qui leur aduint de ce qu'aucunz de par-deca furent transportez en leur contrée.

Or si quelque semblable fortune a aultrefois contrainct aucun deulx estre deiecte par torment en cestuy nostre pais, il nen est non plus de memoire quil sera possible quelque temps, que iay esté au leur.

Et tout ainsi quincontinent quilz ont receu vne chose de nous inuentée, qui leur est vtile, la font sienne, au contraire ie croy quil sera long temps, auant que nous prenons vn affaire deulx mieulx estably, quil nest en nostre climat, qui est la seule cause que leur republicque est plus prudemment administrée, & plus eueusement fleurist que la nostre.

Doncques amy Raphael disie, ie te prie exprime nous ceste isle, & ne sois brief, Ains declare nous par ordre les champs, les villes, les hommes, les meurs, les statutz, les ordonnances, & toutes choses que tu voudras que nous cognoissons.

Ie pense quil te plaira bien nous expliquer tout ce de quoy nous nauons encore la congnissance. Ie ne feis iamais rien dit il de meilleur cœur, & fuis tout prest quand vous voudrez.

*Jean de la Roche*

tormentes, pource que tout à l'entour les terres y sont haultes & esleuées. L'eau y est dormante & crye, & semble estre vn grand Lac, qui ne faict dommaige à rien. Tout le meilleur presque de ce territoire ne leur sert quede port, & transmet les nauires en toutes regiõs, au grand profist & vtilité des humains.

¶ Les destroiçtz de ceste mer sont dangereux & redoubtables, pour les rochiers, & guez qui sont en ce lieu. Au meilleur forment de la distance & interualle, entre ceste isle & le pays circonuoisin en la mer. y apparoißt vn rocher qui ne leur est nuisible, ains leur sert de forteresse contre leurs ennemyz. Il ya daultres Rochiers dens la marine cachez qui sont dangereux. Le canal de ceste mer, a eulx tous seulz leur est congneu, parquoy quand quelque estrangier veult entrer en ce bras, fault qu'il soit guidé par aulcun vtopien, & ceulx mesmes ny osent entrer, silz ne fichent quelques paulx, qui leur monstrent du riuaigne le chemin seur. \* Certainement ces paulx icy plantez en diuers lieux, pourroient facilement endommaiger quelque grand flotte de nauires d'ennemyz, qui illec aborderoient.

\* De laultre costé de ceste isle ya force haultes, & pour entrer en ceste terre, fault descēdre de toutes partz, & sont si muniz & fortifiez, tant de la natture du lieu, ou par art, qu'vn gros excercite de gens de guerre peult estre repoulsé de la avec

Le lieu seur de nature est defendu & garde dun rocher qui luy sert de forteresse.



## Le Second liure.

Vtopie di-  
cte & nom-  
mée dVto-  
pie leur  
prince.

petit train de soldadz. Dauantaige ainsi qu'on  
dict, & ainsi que lassiete du lieu le mōstre, ceste  
terre au temps passé nestoit ceincte de mer,  
mais le duc vtopus, qui en leur langue signifie  
vainqueur, & du quel lisle porte le nom, car  
au parauant estoit appelée abraxa, & qui intro-  
duisist ce peuple rude & agreste à telle religiō  
& humanité, que maintenant surmonte pres-  
que tous les viuantz, soudain à la premiere ar-  
riuée conquesta ceste isle & demeura vainc-  
queur: puis du costé ou elle se ioignoit à la ter-  
re voisine qui nestoit point isle en feist couper  
bien sept lieues & demie, & feist passer la mer  
tout en tour.

Les villes  
de lisle dV-  
topie.  
Similitu-  
de est cau-  
se de con-  
corde.

¶ Or a ceste besongne ne contraignit il seu-  
lement les habitantz, estranger, affin quilz ne  
reputassent ce labeur a iniure, ains aussi messa  
ensemble tous ses souldadz, & quand cest ou-  
uraige fut liuré & distribué a si grande multi-  
tude de gens, la chose fut mise afin dune mer-  
ueilleuse & incredible diligence. Les voisins  
qui au commenement se mocquoient, de ce-  
ste folle & vaine entreprise, se merueillerēt &  
estonnerent den veoir leffect eueux.

¶ Ceste isle contient cinquante & quatre  
villes, toutes plantureuses & magnifiques,  
dune mesme langue, de semblables meurs,  
statutz, & ordonnances, toutes dune mesme  
situation, & par tout entans que le lieu si a-  
donne, dune mesme semblance. Celles qui  
sont les plus prochaines, ne different point  
plus

plus loing l'une de l'autre que de douze lieues. Davantaige il ny en a point de si loingtaine, qu'on ny puisse aller à pied en vn iour de lune à l'autre. De chacune ville on eslit trois bons vieillartz bourgeois, bié experimétez, qui tous les ans se transportent à la ville d'Amaurot pour traicter des comunz affaires de Lisle. Certes ceste ville est la capitale, pour ce quelle est plantée au<sup>e</sup> meillieu de ceste terre, & a raison quelle est opportune aux ambassades qui peuuent venir de tous costez. Les champs sont si commodement assignez aux citez, que nulle de costé & dauldre, na moins de dix lieues de terre; Aulcunes en ont plus, selõ quel les sont separées les vnes des aultres, nulle ville na couuoitize daugmenter & escroistre ses limites, pour ce quilz ont des laboureurs quilz estiment estre mieulx<sup>e</sup> maistres de la champaigne, queux mesmes. Ilz ont par tous les chāps des logis bien equippez & estorez de rustiques instrument. Les bourgeois chacun à son tour y vont, demeure. En vne famille rustique il ne sont point moins en hommes & femmes que quarante, fors deux seruiteurs qui y sont adioustez de surplus, & sur tout cela ya vn pere de famille & vne maistresse de maison graues & saiges, qui ont la charge, à chacune treinte de familles est constitué vn chef, capitaine & dominateur, qui sappelle Philarque, cestadire amateur de principaulté: de chacune famille tous les ans de ceulx qui ont de-

Petit intervalle entre les villes d'Vtopie.

distributiõ des chāps.

Le cōtraire ce faict maintenā t par toutes les republiques du monde.

Le principal soing c'est du labouraige.



meuré deux ans aux champs, il en retourne à la ville vingt, & en leur lieu on en renuoie de la ville autant de nouveaux affin quilz soient instruietz de ceulx qui ont este au villaige vn an, pour ce quilz ont occasion de scauoir plus du labouraige & affaire chāpestre, que ceulx qui ny ont point encore vescu.

\*Or les derniers ont tousiours le soing de monstrier à ceulx qui y doibuent venir lan enfuyuāt. Car silz estoient tous nouveaux & ignoranz ent lart dagriculture, il en pourroit aduenir accident pour lannée, qui seroit cherté de viures. Combien que tous les ans ilz ayent ceste coustume de renouveler & rafreschir leurs laboureux, si est ce que si aulcū se treuve fasché du trauail, & aspre maniere de viure, il ny est continué plus longuement oultre son vueil: au cōtraire ceulx qui de leur naturel ayment la vie rusticque, & se plaisent aux chāps ilz impetrent y estre long temps.

Les officiers des laboureurs. Merueilleuse maniere de faire couuer les oeufz,

Les laboureurs cultiuent la terre, nourrissent des bestes, accoustrent du boys, & le portent par terre ou par mer à la ville, ou il est apte & cōmunemēt. Ilz nourrissent vne infinité de pouletz par merueilleux artifice.

Les poulles ne couuent point les oeufz, mais ilz les mettent dens quelque fourneau, en grand nombre & dessoubz vn feu lent & doux, puis les tournent souuent, & ainsi leurs donnent vie: Lors quand sont failliz de l'escal, suiuent les hommes au lieu de leurs meres, & les

& les cognoissent, ilz nourrissent peu de cheuaulx, & nulz filz ne font de cœur, & nō point á aultre vfaige, si non á exercer les ieunes gens á bien cheuaucher & picquer vn cheual les bœufz ont toute la charge de labourer & porter les faix: pource quilz ne sont pas si impetueux que les cheuaulx, & sont plus patientz au trauail, & ne sont si subiectz á malladies, ne de si grande despence & coust, puis quand ilz ne peuvent plus rien faire, on les engresse, & seruent de viande, ilz font du pain des grains qui croissent en ce pays, ilz boient du vin, pommé, du péré & de plusieurs aultres breuages aulcunefois de leau toute pure, & souuent de leau cuicte avec du miel, ou avec vne herbe quon appelle Glicirize, qui est moult doulce, & en ont grand abondance, aussi ilz sont fort curieux de la cultiuer & garder.

Lusaige  
des beufz

La viande  
& breuai-  
ge des Vto-  
piens.

\* Aussi sont ilz fort prouides, & prennent curieusement garde combien peult vne villes despendre de bien tout du long de l'année, & les congregations & assemblées, qui se font aulcunefois aux villes.

\* Ce non obstant ilz font plus de grains, & nourrissent beaucoup plus de bestes, quilz ne scauroient consommer, mais le demeurant est distribué & de party aux voisins, de toutes choses quelcōques, de quoy ilz ont affaire & n'ont poit au villaige, ilz vont demãder



## Le Second liure

Grand nō  
bre de gēs  
fert beau-  
coup à la  
besongne.

tout cela aux villes, & ne fault point trafic-  
quer ne marchander pour les auoir: les offi-  
ciers de la ville leur deliurēt. Plusieurs le iour  
de la feste tous les mois viennent ausdictes  
villes. Quand laouſt aproche, les Philarcques  
viennent de noncer aux gouuerneurs des vil-  
les, combien il fault enuoier de citoiens pour  
aider à faire ledict aouſt, & quand tout le nom-  
bre d'aouſterons eſt amasſé enſemble, au iour  
qui eſt dict, ilz font tout laouſt quaſi en vn  
iour de beau temps.

Des villes, & ſpecialement de la  
ville d'Amaurot.

Qui

*Un autre feuillet manuscrit  
10 mars 1849.*

nauires puissent passer cedit costé sans empeschement les Amaurotins ont vnt aultre riuie  
 re, non pas grande mais coie & plaisante, icelle  
 prent sa source de la mesme montaigne ou  
 est assize Amaurot, & coulât par les bassiez de  
 la ville, passe par le millieu d'icelle, & chet des  
 Anydrus: & pource que ledict ruisseau, partoit  
 vn peu de dehors la ville, par engins & subtili  
 té les habitans l'ont ioincte à leur cité, afin  
 que si de hazard il suruient quelq impetuosité  
 d'ennemis, leau ne peut estre occupée, destour  
 née, ou corrompue, ainsi par cahotz & canalz  
 faictz de bricque en diuers lieux par les basses  
 parties de la ville leau flue: & aux haultiers,  
 ou leau ne peut mōter, ilz ont des cisternes,  
 ou la pluye s'assemble, qui n'est pas moins vti  
 le, que l'inuention des cahotz, la ville est cein  
 te de murs haultz & espes, ou il y a force  
 tours & bastillons, aux fossez n'y a point deau,  
 mais sont profundz & larges, & pleins de buis  
 sons & espines, ilz circuissent la ville dun costé  
 & des deux boutz, de laultre costé la riuie  
 sert de fossez, le deuis des rues est faict propre  
 mēt & cōmodemēt, tant pour les voitures &  
 charroy, que pour l'impetuosité des ventz, les  
 edifices ne sont laidz, & sont plâtez par ordre  
 & rengez tout le long des rues, qui ont de tra  
 uers vingt piedz, derriere les maisons, autant  
 que les rues en emportent por iardins larges  
 & plantureux, contiguz, qui sont de tous co  
 stez bien cloz des derrieres desdictes rues, il  
 n'y a

L'usage  
 d'eau doul  
 ce bonne a  
 boire.

La muni  
 tion des  
 murailles.

Comme  
 sont les  
 rues.

Les edifi  
 ces.

Les iardīs  
 iointz aux  
 maisons.



## Le Second liure.

Ceci sent  
sa commu-  
nite plato-  
nique.

L'utilité  
des iardis  
fort louée  
par virgile

n'ya maison qui n'ayt huis en la rue, & vn guichet ou postes aux iardins, ou quelques portes qui se ferment a clenche, & s'ouurent facilement de la main, puis se refermēt tout par elles, & chascun entre par la qui veult, ainsi n'ya rien entre ce peuple, qui soit propre ou particulier, de dix ans en dix ans, ilz changent de maisons, par sort faict entre eulx, ilz tiennent grand compte de leurs iardins, dedens iceulx ont vignes, fruietz, porées, herbes, & violettes, si biē acoustrées & si belles, que ie ne veis oncques en lieu ou ie fusse chose plus honneste, ne plus fructueuse ilz ont si grande curiosité de bien acoustrer leurs iardins, que souuent font dispute, rue contre rue, a qui a mieulx labouré son iardin, en sorte que par toute la vile souuent on ne trouuera chose plus pertinentes, & vtilles a l'usage, & plaisir des citoyens, que le reuenu desdictz iardins, parquoy il semble que celuy qui construisit ceste ville, mist plus son estude à ordonner de beaux iardins, que nulle aultre chose.

Ilz disent que leur prince nommé Vtopus, des le commencement feist le deuis de ceste vile, mais quand a la bien agencer & aorner ainsi comme de present elle est, pource qu'il voioit que l'aage d'un hōme n'y eust peu suffire, il en laissa faire à ses posterieurs.

Ilz ont en leurs annales (ou est cōprinse toute l'ystoire d'Vtopus) lesquelles ilz gardēt soigneusement cōme vne sainte relicq, & ont gardé



publiēt de quatre personages que le peuple leur aura nommez vn pour estre leur roy, de chacune quarte partie de ville, on eslit vn, qui est recōmandé au senat, l'office d'un prince dure toute sa vie, si n'est souspecōné de tyrannie, tous les ans ilz eslisent des Tranibores mais ne changent point sans cause, toutes les aultres offices sont annuelles, les Tranibores de troys iours en troys iours, si aulcūnesfoys le cas le requiēt, viēnēt au cōseil avec le prince le plus souuēt, ilz cōsultent de la republicq̃ & mettēt fin aux matieres & cōtrouerses d'ū chascū en particulier, (si aulcūnes soffrēt) discretēmēt & meurement, toutosfoys il ne s'en treuve gueres, le senat retire à soy tousiours deux siphogrātz, & to<sup>9</sup> les iours de nouueaux, & ont par ordōnāce q̃ riē n'est ratifié, en tant qu'il touche la republicq̃, qu'il ne soit premierement disputé par trois iours a la court, aincois q̃ estre decerné, cest crime capital de cōsultier des affaires cōmūns hors du senat, & cōuētions publicqs, leurs statutz à ceste raison sont faictz, affin qu'ō ne s'encline à chāger le stat de la republicq̃, par la cōiuratiō du prince & des Tranibores, & q̃ le peuple ne soit opprimé par tyrānie, pourtāt to<sup>9</sup> iugemētz qui sont de grāde importāce, sont differez à la cōgregatiō des siphogrātz, lesq̃lz aψs auoir cōmunicqué la chose avec leurs familles, la consultent entre eulx, & publient leur opinions au Senat. La matiere aulcunnesfoys passe par le conseil

tyrannie  
audieuse a  
vne repu-  
blique biē  
ordonnee.

Soudain  
mettēt fin  
aux pro-  
ces & aux  
autres pais  
on les alon-  
ge tout a  
gre.

On ne  
doibt rien  
establiſſir a  
la legiere.



Le Second liure.

Pleust a  
dieu que  
ainsi on fit  
pour le  
iourd'hui  
en noz  
courts

conseil de toute l'Isle, le senat aussi a ceste cou-  
stume, que le iour qu'on aura proposé vn af-  
faire, ce mesme iour on n'en dispute point,  
ains est reserué à la court prochainement en-  
suiuant, affin qu'il n'aduienne que quelqu'un  
die follement tout du premier coup ce qui luy  
viendra à la bouche & puis considerant qu'il  
a mal parlé, pense par apres quelques raisons,  
pour plus tost soustenir son indiscret iugemēt  
que se desdire honteusement, pour l'utilité de  
la republicque, & aymēt mieulx la perte du sa-  
lut publicque que sa sotte opinion, de  
peur qu'on ne die qu'il auoit mal o-  
piné au cōmencement, & qu'il  
debuoit prendre garde a par-  
ler plus sagement,  
que legiere-  
ment.

Des

Une autre feuille  
manque ici - 10 mars 1644

artifice, a desir d'en aprendre vn aultre, il luy est permis, lors quand il scait les deux il faict lequel qu'il veult, si la cité n'a affaire de l'un & de l'autre, l'office principal & quasi seul, des Syphogrätz est prédre garde & estre soigneux que aulcū ne gise en oisiveté, mais qu'un chascun face isnellement & diligemment son mestier, non pas qu'il traueille depuis laube du iour, iusques à la nuit bien tard, comme les cheuaulx, qui est vne calamité & misere plus que seruile, ce qu'ont acoustumé les ouuriers quasi en toutes regiōs, fors en Utopie, ou les habitans nombrent vn iour naturel en vingt & quatre heures egales, a cōprédre la nuit avec le iour, & en deputent six heures seulement a ouurer: trois deuāt midi, apres lesquelles ilz disnent, puis apres disner, ilz se reposent deux heures, cela faict besongnēt: trois aultres heures iusq̃s à souper, & tost apres huit ilz se vōt coucher, & reposent huit heures s'ilz veulēt, si au lieu de dormir apres la refection & le travail, ilz veulent faire quelque chose, il leur est permis tout ainsi qu'ilz voudront, moyennāt quilz n'abusent du temps en prodigalitez, superfluitez & choses vaines, & quilz s'appliquent à quelque bonne oeuvre, plusieurs emploient ces interualles la aux lettres, c'est vn ordinaire d'auoir quotidiennemēt lecōs publiques deuant le iour, & sont contrainctz d'y assister seulement ceulx qui sont esleuz specialement pour cest affaire.

On doit deieeter d'une republique les oisifz.

On doit moderer le travail des ouuriers.

Le temps employe aux lettres.



## Le second liure.

Le ieu des  
Vtopiens  
apres sou-  
per.

Jeux hazar-  
deux sont  
maintenāt  
communz  
aux gros  
seigneurs.

Les ieu-  
x des Vto-  
piens re-  
creatifz &  
vtiles en-  
semble.

¶ Quand au reste grand nombre de tous  
estatz tant femmes qu'hommes vont ouir les  
lecons, les vnz d'une sciēce, les aultres d'aul-  
tre, ainsi que leur naturel les incline, toutes-  
fois si aucun ayme mieulx cōsumer ce tēps à  
leur mestier (ce qui aduient a plusieurs qui ne  
ont point leur fantasie a l'estude) on ne luy de-  
fend point, aincois il est loué, cōme vtile a la  
republicque, apres soupper il iouent vne heu-  
re, l'esté aux iardins, l'yuer en ces sales com-  
munies ou il boient & mengent, en ce lieu  
ilz chantent de musique, ou ilz deuissent &  
se recréent de parolles, ilz n'ont point la co-  
gnoissance des ieu hazardeux que nous auōs  
qui sont mal ppres & pernitiex, mais en lieu  
ilz ont en vsage deux sortes de ieu sembla-  
bles aux échecz l'un ou on veoit vn cōflict de  
nombre cōtre nōbre, & ou vn nōbre pille l'au-  
tre, l'autre ou on veoit vne similitude de gen-  
darmes, ou bēdes sont mises sus champs, &  
ou les vices bataillent avec les vertuz, auquel  
ieu est demonsté ioliment & sagement le dis-  
cord & different qui est entre les vices, & la  
concorde qui est entre les vertuz, consequem-  
ment quelz vices à quelles vertuz s'opposent  
& contrarient, de quelles forces les guerroiēt  
apertement & de quelles inuentions & ruses  
ilz vsent en les assillant par voies oblicques,  
par quel moyen & secours les vertuz aneātis-  
sent la puissance des vices, par quelz artz elles  
se trussent & mocquent de leurs effortz & en  
prinse

prinſes & par quelz moiens finalement l'une ou l'autre partie obtiēt la victoire, mais en ce paſſaige affin que ne ſoyez deceuz, ilz nous fault contēpter vn poinct eſtroictement, pour ce que i'ay dit que les Vtopiens ne beſongnēt ſeulement que ſix heures, il eſt poſſible q̄ vous pourrez eſtimer par cela que pour ſi peu de tēps, il aduiēdroit neceſſité & diſete des choſes neceſſaires à l'ufaige humain, ce qu'il n'aduient, mais au cōtraire on veoit, par ceſte petite eſpace d'ouurer, les hommes n'auoir ſeulement ſuffiſante de viures & veſtemētz & aultres choſes cōmodes à la vie, ains abōdāce & grande planté, ce que vous entendrez facilement, ſi vous conſiderez, a par vous la groſſe multitude de gens pareſſeux qui viuent chez les aultres nations, dont premieremēt les femmes en emportent biē la moitié du nōbre, & ſi leſdictes fēmes ſe meſlēt en aulcūns endroiētz de negotier, en ce pais au lieu d'elles les hommes dorment, il fault adiouſter à ceſte tourbe vn grād tas de pretres religieux, adiouſtōs y auſſi pluſieurs gētilzhōmes & leurs valetz, q̄ font vn amas de gēs portāt eſpée, viuātz ſans artz. finalement vne troupe de coquins & caimātz ſains & robuſtes, qui ſoubz l'ūbre de ne rien faire, faignent eſtre mallades de quelque maladie, ainſi vo<sup>9</sup> trouuerez beaucoup moins d'ouuriers que vous ne penſiez, du labour deſquelz ſont amaſſées toutes les choſes, dequoy vſent les mortelz. Or penſez a par vous, que

Les fortes  
de gens oi  
ſifz chez  
les aultres  
nations.

Reprinſe  
des gētilz  
hommes.



## Le Second liure.

Dict de  
grāde pru  
dence.

ouuriers il y en a peu qui s'appliquēt aux negoces & besongnes necessaires, puis que nous mettons tous nostre felicité a la pecune, il est de necessité que maintz artz vains & totalement superfluz soient exercez, qui sont ministres & serfz tant seulement de prodigalité superfluité & luxure. Or si ceste multitude qui maintenant se demente d'ouurer estoit partie & distribuée en si peu douurages & mestiers, que l'usage commode de nature le requiert & ensuiuit abondance de choses comme il est de necessité, les ouurages feroient a si petit prix, que les ouuriers n'en feroient viure. Mais si tous ceulx qui besongnent en mestiers inutiles & non requis, & toute ceste troupe que i'ay allegué qui vit sans rien faire, dont vn despēse plus que deux qui negotiēt, estoient vniuersellement collocquez & mis à faire oeuvres & exercices vtils, vous pourrez veoir facilement, qu'un bien petit de temps de la besongne d'iceulx seroit suffisante & plus que superabondante a ministrer toutes choses necessaires & commodes à l'usage humain, & mesmes encor les plaisirs qui sont honnestes.

¶ Et cela peult on veoir clairement en l'isle d'Vtopie. Certes en ce pais, par toutes les villes, & lieux adiacentz & circonuoisins, de tout le nombre d'hommes & femmes qui sont en aage de trauailler & besongner, à grand peine trouuerez vous cinq cētz p sonnes exēptz d'ouurer, entre lesquelz sont les Syphogrātz, &

## De la description de l'Isle d'Utopie.

44

& iacoit ce que les loix du pais les exemptent & forclosent du labeur, ce neantmoins ne s'en sequestrēt affin que par leur exemple incitent les aultres à labourer de ceste mesme. immunité iouissent ceulx que les prestres recōmandent au peuple, qu'on eslit secretemēt au conseil estroict des Syphograntz, pour vacquer à l'estude, ausquelz ledict peuple dōne priuilege pour iamais de ne mechanicquer: & si aulcun ne profite aux lettres cōme on espere, est renuoie à la besongne cōme les aultres au cōtraire il aduiēt souuēt que quelque mechanicque au temps & espace qu'il sera deliure d'ouurer, il estudira si bien, & metra si grande diligence d'apprēdre, qu'il sera exempté de son mestier, & le metra l'on en la cōpaignie des estudiātz & personnes lectrées. Lors qu'on veult eslire ambassadeurs, prestres Tranibores, & mesmes vn roy, quilz appellent en leur vieil vulgaire Barzanes, & en la langue nouuelle Ademe, ilz les vont choisir en ceste multitude de gens scauātz. On peult estimer q̄ le demourant du peuple n'est ocieux, & ne s'occupe à ouurages infructueux & cōbien peu de temps produict de bien aux choses que iay narrées, ce que iay deuant allegué iest facile à croire, pource que les Utopiēs en plusieurs artz necessaires ont moins affaire a trauailler que les autres nations, qu'il soit ainsi regardons touchant les edifices, dont les bastimentz ou reparations, continuellement en tous lieux requierent

Les gou-  
uerneurs  
& officiers  
mesmes en  
Utopie be-  
songnent.

Gēs lettres  
seulement  
sont appel-  
lez aux of-  
fices.

Cōme on  
euite grās  
fraiz &  
coustz en  
edifice.



## Le second liure.

Comme  
les vtopiés  
eurent grand  
coust en  
habillemēt

le mains & trauail de tant d'ouuriers, que cest merueille, pource que quand vn pere aura cōstruit quelque logis, son heritier qui viendra apres, qui sera mauuais mesnager petit à petit laissera descheoir ladicte structure, & ce qu'il pouoit sauuer pour peu de coust, il est cōtrainct de le refaire tout neuf, avec grands frais, on veoit aussi, que quand on a basti quelque maison qui luy a beaucoup cousté, l'autre qui sera trop curieux & delicat. coutēnera le dict edifice, & le laissera en peu de tēps ruiner puis en edifiera vn aultre ailleurs, qui ne coustera moins que le premier, veritablemēt chez les Vtopiens tout y est si biē ordonné, & la re publicque en si bon nrroy, qu'il aduiēt bien à tard, qu'on choisisse vne nouuelle place pour faire vn bastiment, & ne mettēt seullemēt remede prompt aux faultes presentes, mais preuiēnent qu'il n'en viēne accidēt, ainsi ce faict que les edifices soiēt perdurables avec petit labeur, si q̄ les ouuriers souuent, a grand peine ont ilz de la besongne à s'employer, fors qu'e leurs maisons ilz dolēt du bois, acoustrēt des matieres, & leur cōmāde lon quilz escarrissēt & preparēt de la pierre ce pendāt, affin que si d'aduēture il aduenoit quelque accident, on y peult metre ordre en tēps, or voĩs touchant leurs vestemētz, cōbiē ilz y trauaillēt peu, premieremēt quād ilz sōt a la besōgne, ilz sōt nō challāmēt vestuz de cuir, ou de quelq̄s peaux, qui leur durent pour le moins sept ans, quand ilz

ilz vont parmy les rues en leurs affaires, ilz couurent leurs palletotz de manteaux de drap qui sont par toute l'isle tous d'une couleur, qui est naifue, & ainsi qu'elle croist sur la beste. \* De draps de laine ilz n'en n'ont pas moins à suffisance, quen nul autre pais, & si est à meilleur narche. Il ya moins de travail aux toiles, & pour tant en vſent plus ſouvent, ilz ont eſgard ſeulement à la blancheur de la toile, & à la netteté du drap. La fine toile & le fin drap n'eſt point plus cher que l'autre. Doncques il ce faiſt qu'en Utopie vn chacun ſouvent ſe contēte d'une robe pour deux ans, ou aux autres pays vn ſeul perſonnaige n'a pas aucune fois ſuffiſance de quatre ou cinq habillemētz de laine, de diuerſes couleurs, & autāt de ſoie, & ceulx qui ſe veulent tenir plus miſgnonnement n'en ont pas moins de dix.

\* Certes ie ne veoy point de raiſon qu'un hōme en doibue apeter pluſieurs, conſideré qu'il n'en eſt pas mieulx garny coute le froit, & n'eſt plus braue ne plus honneſtement d'un feſtu. Pour ceſté cauſe, veu que tous les Utopiens ſ'exercent à choſes vtilles, & que leurs beſongnes qui ne ſont de lon<sup>g</sup> travail ſuffiſent certes il aduient que tous biens y abondent, & quand il eſt queſtion de refaire les chemins publicques, ſi d'aucunz ya qui ſoiēt rompus, ilz leuent groſſe multitude de gēs pour y beſongner: & quand il eſt beſoing d'y entendre, ou à ſemblables ouurages, ilz ſemonnent leſdictz



## Le Second liure.

dictz manouuriers a pener bien petit de tēps  
a quelques affaire communz.

Les gouuerneurs & magistratz ne fōt exer  
citer leurs subiectz oultre leur gré en labeurs  
superfluz & vains, car l'institution de leur re-  
publicque tend a ce poinct & a ce but, c'est a-  
scauoir entant qu'il est de necessité que les  
bourgeois & gens du pais trauaillent leurs  
corps, pour l'usaige de la vie, au demeurant a-  
pres ce trauail, corporel qui est de peu de tēps  
Ilz s'estudient a plus vacquer, a embellir & or-  
ner leur esprit de sciences & vertuz, pour le  
mettre en liberté & franchise. & croient que  
la felicite de vie humaine est située & colloc-  
quée en cela.

Des affaires, commerces, familiari-  
tez, & traictez que les Vropiens  
ont les vnz avec les aultres.

*Un autre feuillet  
manque ici - 10 mars  
1849.*

peuple. Ilz font par leurs entreprinſes que ceſte terre apporte abondance de bien aux vnz & aux aultres, qui ne ſeroit de rien ou peu, à ceulx du pais.

✿ Si ceulx du pais ne veulent, viure comme eulx, ilz les pouſſent loing hors des quartiers quilz limitent. & assignent eulx meſmes.

\* Si on les veult garder d'habiter ces terre, ilz font la guerre, & diſent quilz ont iuſte cauſe de guetroyer contre ceulx qui leur reſuſent la poſſeſſion & uſaige de ceſte terre de quoy ilz nuſent, la tenant comme vaine & deſerte, dont les aultres par la loy de nature en' doibuent eſtre nourrys.

\* Quand de hazard ou occident quelquvne de leurs villes a eſté depeuplée & diminuée, ſi quelle ne ſe peult refaire & remplir des aultres villes, pour ce quvne chacune na que ſon nombre (ce qui n'aduint iamais que deux fois de la memoire des hommes par vne peſte) ilz renuoient querir leurs citoiens qui habitent aux terres eſtranges comme iay dict, & en repeuplent leſdictes villes. Ilz ayment mieulx que tel tenement periſſe, & ſaneantiſſe, quvne ville de liſle ſoit en rien appetiſſée & deſcrue.

✿ Mais reuenon à la conuerſation & maniere de viure des bourgeois d'Vtopic. Le pl<sup>r</sup> anciē (comme iay dit) eſt maiſtre & ſuperieur dune famille. Les femmes ſeruent leurs maris, les enfantz leurs peres & meres, & les plus ieunes aux pl<sup>r</sup> vieulx. Toutes les citez ſont parties & diuiſées

Ainſi peut  
on deſcri-  
re vne  
tourbe de  
valez oci-  
eux.



## Le Second liure

diuerſes en quatre parties egales. Au meillieu de chacune ptie, eſt eſtably le marché de toutes choſes. en ce lieu, en certaines maiſons ſont portez les ouurages de chacune famille, & toutes les eſpeces deſdictz ouurages ſont ſepares l'une de l'autre, & miſes en guerniers. Lors quand vn pere de famille à affaire luy ou les ſiens de telles beſongnes, il les demande & les emporte ſans argent ou gaige. Pourquoy reſuſeroit on quelque choſe, veu que tout y abonde, & ne crainct on que quelqu'un veiulle demander plus qu'il n'a de meſtier.

\* Penſeroit on qu'un homme demandast pl<sup>9</sup> qu'il ne luy faudroit, conſiderer quil eſt certain & aſſeuré, quil naura iamais deffaulte de rien qui eſt ce qui eſt cauſe de rēdre les beſtes & les hommes adonnez à auarice & rapacité ſi non craincte dauoir deffaulte. Orgueil auſſy rend lhomme ſeul conuoiteux: pour ce quil ſe donne gloire, de ſurmonter les aultres, par vne oſtentation & vanterie vaine & ſuperflue de choſes, lequel vice na point de lieu entre les Vtopiens.

Les ordu  
res & infe  
ctioſes amaf  
ſes en vne  
ville ſont  
cauſe de  
peſte.

¶ Au marche que iay predict, eſt annexé vn aultre marché de viures, auquel on ne porte ſeulement herbes, porées, frulctz darbres & pains, mais auſſi poiſſons, oyſeaulx & aultres beſtes bonnes à menger. Il ya lieux apropiiez hors la ville ou on nettoie & laue lon en vn ruiſſeau les chers, ou le ſāg & ordures ſen vōt a vau leau. Lors quand les beſtes ſont occiſes  
par

par seruiteurs, puis, lauées & acoustrées, de là on les porte audict marché. Ilz ne souffrent iamais quvn citoen tue best, pour ce quilz pē sent par cela que petit à petit on pourroit perdre humanité & Clemence, qui est vne trespi toiable passion de nostre nature.

¶ Iamais aussi ne permeētent quon porte à la ville quelque puantise ou villenie, pour ce que par la putrefaction dicelle, se pourroit corrompre lair & engendrer maladies.

En vne chacune rue ya des grandes sales deuisees & separees l'une de lautre egallement par intervalle, & chacune est congneue par sonno

Les Syphograntz demeurent en icelles, & en vne chacune de ses sales trente familles y vont prendre leur refection, quinze dvn costé & quinze de lautre. Les maistres d'hostelz de chacune sale vōt à certaine heure au marché, puis apres auoir relaté le nombre de leurs gēs demandent de la viande.

\* Mais deuant tous on a esgard aux mallades, qui sont pensez a des hospitaux publicques.

\* Au tour de la ville, vn peu hors des murs ilz ont quatre hostel dieu, si grand & plantureux quon les pourroit esgaller & comparer a autant de bourgades, affin que les pauvres mallades, si grand nombre qui peu estre, ne soient en ce lieu ferrez & estrainctz, qui ne seroit commode : & aussi affin que les mallades de peste & infirmitiez contagieuses, puissent estre loing segregez de la compagnie des aultres. Lesdictz hospitaux sōt tāt

bien

Par l'occasion qu'on fait des bests les hommes se penent a donner a occir & tuer lun lautre.

Le soing quon a des mallades.



## Le Second liure.

bien arriuez. De toutes choses vtils à santé: puis on y est si doucement & soigneusement traicté, puis y a assiduellemēt medecins tresexpertz tousiours p̄sentz, q̄ cōbien nul malade y soit enuoyé oultre son gré, toutefois n'y a patiēt en toute la ville, qui n'aymast trop mieulx estre mis la dedans, qu'en sa maison.

Les dîners  
& soupers  
se font en  
salles com-  
munes.

¶ Quand le pouruoiciencier des malades a esté au marché, & par l'ordonnance des medecins a eu viandes conuenables, les meilleures viandes apres sont distribuées par les sales également, à chacun selon son nombre, si non qu'on a esgard au prince, au grand prebſtres, & aux Tranibores, mesmes aux ambassadeurs & estrangers, si y en a, combien quil ny en ait gueres souuent.

¶ Mais quand de hazard il en vient, il y a certains logis en la ville qui sont acoustrez pour eux

Les vto-  
piens sur  
toutes cho-  
ses veulēt  
que rien ne  
soit fait  
par con-  
straincte.

¶ A ces sales icy aux heures de dîner & souper tous ceulx qui sont a la charge des Siphograntsz, assisent au son la trompette, excepté ceulx qui sont aux hospitaux, ou en leurs maisons.

¶ Apres qu'on a eu des viandes pour les sales, on n'empesche point que quelqu'un sil veult pour son plaisir n'aille dîner ou soupper à sa maison, car ilz scauēt que nul ne le voudroit faire inconsultement ou par desdaing.

¶ Et combien quilz ne soit a nul defendu de boire & menger a la maison, ce neanmoins ny prennent

pnēt leur reſectiō cōmunemēt ne voluntiers, pource qu'il n'eſt honneſte de ſ'abſenter de la compagnie, & auſſi ne ſemble eſtre gueres ſaigement faiēt de preparer vn diſner qui neſt de ſi bonne viandes ſans comparaiſon, comme celui qu'on faiēt à la ſalle commune, & tout ioignant de leurs maiſons. Des ſeruices qui ſont de pl<sup>9</sup> grād labeur, & moins hōneſtes comme de torcher les potz, lauer la veſſelle, & autres choſes ſemblables, les ſeruiteurs en font l'oſſice en ceſdictes, ſales.

\* Les femmes ſeules ont la charge de faire cuire & preparer la viande, & finablement da couſtrer tout le diſner & ſoupper, & y ſont ſubiectes leſdictes femmes d'vne chacune famille, chacune a ſon tour. Il ya troys tables ou plus, ſelon le nombre des aſſiſtens. Les hommes ſ'aſſieſſent vers la paroy, les femmes de l'autre coſté, afin que ſi d'aduenture il leur ſuruenoit quelque malade ſubite (ce qui aduiuent voluntiers à femmes groſſes) elles ſe lieuent ſans troubler l'ordre des ſeantz, & voiſent aux nourrices, leſquelles ſe ſceut a part en quelque reſectouer avec leurs nourriſſons, leſquelles eſt eſtably à ceſt affaire, qui n'eſt iamais ſans feu, & eau nette, & auſſi ſans berſeaux pour berſer & faire eudormir les petitz enfantz, les remuer & deſbender pres du feu, & les coniouir. Chacune femme nourrit ſon enfant, ſi mort ou malladie n'empesche. Quand la fortune aduiēt. Les fēmes des Syphogrätz

Les fem-  
me ſeruēt  
de cuiſi-  
niers a fai-  
re & ſeruir  
les viādes.

G      cherchent



## Le Second liure.

Les citoiés  
s'ont incitez  
à bien faire  
par louéage

Comme ilz  
nourrissent.  
leurs en-  
fantz.

cherent diligemment vne nourrice, & n'est difficile à trouuer, car celles qui le peuvent faire, ne font chose plus haictement que cela: pour ce que to<sup>9</sup> present beaucoup & loue c'est oeuvre de pitié. L'enfant qui est nourry recognoist pour mere sa nourrice. Tous les enfantz qui n'ont encor cinq ans ne bourgent d'auec les nourrices, & se s'ceut ensemble, les aultres qui n'ont attainct l'aage de quatorze ans, & aussi ceulx qui sont en aage de marier tant filles q<sup>e</sup> filz, seruent sus table, ceulx qui ne sont encores assez fortz pour seruir, se tiennent de bout deuant les assistens, avec silence. Les vnz & les aultres ne mengent si non ce qu'il leur est donné de ceulx qui sont siz, & n'ont point d'aultre heure limitée pour disner & souper, au meilleur lieu de la premiere table, qui est le siege plus honorable (or ceste table est toute au pl<sup>9</sup> hault lieu du refectoire & mise de trauers, & veoit on de ccst endroit aiseement toute la cōgregatiō) le Syphogrant s'ey siet avec sa femme, & avec eulx deux des plus anciens. Par toutes les tables ilz sont quatre à quatre à chacun plat. Et si au quartier d'une syphogrance, c'est adire au lieu ou se tiennēt trentre familles, leur eglise est située, le cure avec sa femme, s'assient, & s'ont du plat du syphogrāt au dessus. Des deux costez des tables se sient les ieunes gēs, puis les anciens apres de rechief. ainsi par toute ceste sale, les pareilz sont ioingtz ensemble, & toutefois sont meslez, avec ceulx qui ne s'ont de leur sorte, si q<sup>e</sup> les vieulx sont vis à vis l'un de

de l'autre, les ieunes aussi, & ainsi sont entremes-  
lez. & ceste ordonnance fut faicte telle, affin q̄ la  
grauité & reuerēce des anciens refrenast la li-  
cence que pourroient prendre les ieunes en  
gestes & parolles, considéré que par toutes  
les tables il ne se peult rien faire ne di-  
re par lesdictz ieunes hommes, qui ne puisse  
estre veu & entendu par les anciens, qui sont  
de tous costez voisins & proches desdictz  
ieunes hommes

Les ieunes  
sont mes-  
ler en la ta-  
ble avec  
les plus an-  
ciens.

On ne sert pas le hault bout premiermēt,  
ains tous les plus anciens, qui sont aux sieges  
honorables, & leur baille lon les meilleurs  
mest, puis on ministre aux aultres esgallemēt.

on a esgard  
à faire hon-  
neur aux  
anciens.

\* Les anciens distribuēt de leurs viādes exqui-  
ses à qui ilz leur plaist, & nō a tous, car elles ne  
se peuuēt estēdre par tout. ainsi est gardé l'hō-  
neur au plus aagez, & nō obstāt les aultres nē  
ont moīs de p̄sist. Tout disner & souper le cō-  
mēce d̄ qlq̄ lecture, q̄ instruit à bōnes mœurs  
& est briefue, affin qu'elle n'enuye: & apres la  
dicte lecture les plus anciēns deuissent, & tien-  
nent propos hōnestes, nō point tristes ne melē-  
colicqs, & nē peschēt tout le disner & souper  
de lōgz cōptes, mais escoutēt volūtiers alter-  
natiuemēt les ieunes gēs, & les puocquēt tout  
de gré a p̄ler, affin q̄ chacū ait liberté de dire  
& quō ait experiēce des meilleurs esperitz les  
disuers fōt tresbriefz, les soupers pl⁹ lōgz, pour  
ce quil fault besōgner apres disner, & dormir  
apres soup, & disent que le repos est biē plus

A grand  
peine fai-  
ent cela mai-  
tenant en  
d'aucū mo-  
nasteres de  
ce pays.



## Le second liure.

Chançons  
de musicq  
à disner &  
soupper.

salubre à faire la digestion, & que le trauail l'e  
pesche nulle refection ne se passe sans music-  
que, ne sans dessert comme poires pomes &  
aultres fruietz, tartes, gallettes, & darioles, ilz  
font feu de choses odorantes & aromaticques  
affin que la fumée se respande par les sales, &  
iectent des eaus de senteur, ilz font tout ce  
quil est possible pour resiouir les assistent. Ilz  
sont bien adonnez a telles recreations, & sont  
d'oppinion que nul plaisir qui n'apporte point  
d'incommodite, ne doibt estre defendu.

Voila comme ilz viuent aux villes.

Ceulx des chāps, qui sont trop es-  
longnez les vnz des aultres,  
mengent en leurs maisons.

nulle tamile chāpestre n'a  
deffaulte de viures, veu

les villes viuēt d'aul

tre chose si nō de

ce q<sup>l</sup> leurest por

té des villai

ges.

des

e  
e  
on  
bit  
nt

*Mu entre Jean Glet  
manque ici  
10 mars 1824*

demeurant a ladiſte ville. Or vous voyez par ce poinct. quen nul lieu de ce pais, ny a licence ne permission deſtre ocieux, ny couleur deſtre pareiſſeux, il ny a point de tauernes de vin, ne de ceruoife, ou biere, en nul lieu ny a de bordaux, nulle occaſion de ſe gaſter, nulz receleurs ne cabaretz, nulz monopoles ne conſpirations la veue & preſume de tous, cōſtraignēt de faire le meſtier acouſtumé, & negotiation honneſte. Et par ceſte bonne mode il eſt de neceſſité quel ſen enſuiue abondance & planté de tous biens laquelle paruient eſgallement à tous. Parquoy certes il ne ſe peult faire quaucun ſoit pauvre ou mādiā auſſi toſt q̄ le ſenat d'Amurot (auquel tous les ans trois citoiēs de chacune ville ſont enuoiez cōme iay diēt) acōgnoiſſance de labūdāce de quelq̄ cōtrée, & de la ſterilité dvn aultre quartier. luberté & affluence dū. ſupplie la diſette & neceſſité de laultre, & eſt faiēt cela gratis. on ne recōpēſe poīt ceulx q̄ ont eſlargi de leurs biens aux aultres ceulx qui ont dōné de leurs ſubſtāce a quelq̄ ville, ilz ne les redemādent point. ilz prennent. Les choſes de quoy ilz ont affaire dune ville, à laquelle ilz nont rien dōné. Aaiſi toute ceſte iſle eſt cōme vne famille. quād ilz ont faiēt leur eſtoremēt & pouruoiance ſuffiſammēt (laquelle ilz ſōt pour deux ans de crainte de laccidēt qui pourroit aduenir lan enſuiuant, des choſes qui ſurabondent, cōme de grād quātité de Frument, Miel, Laines, Lains, boys, Graine



## Le Second liure

pour tandre l'escarlette, perles, peaux, cire, fuif  
cuir, & aussi de bestes, ilz les transportent aux  
aultres regions, & en donnent la septieme par  
tie aux pauvres desdictes regions: le reste est  
vendu, & donne à bon marché.

\* Et de ce commerce & traficque, ilz rappor  
tent en leur pays non seulement les marchan  
dises de quoy ilz ont affaire, ilz nont quasi ne  
cessité que de fer, mais aussi grande somme  
dor & d'argent. Si ce que par longue contu  
mation, ilz ont fait si grand amas par tout le  
pais desdictes choses, qu'à grand peine le croi  
roit on.

En tous  
affaires les  
Vtopiens  
ont memoire  
de leur  
cōmunité

\* Pourtant maintenant ne leur chault pas be  
aucoup, silz vendent leurs marchandises argēt  
comptant, ou silz les prestes, tellement que  
pour le present pour la plus grande partie ne  
sont paieez quen cedulaes & recognoissan  
ces.

\* Toutefois ne prennent obligations des mar  
chantz en particulier, ains de quelques villes  
qui leur en donnent assurance.

¶ Or quand le terme du payemēt est escheu,  
la ville qui a respondu de leurs marchandises,  
repete la debte des debtors particulieremēt,  
& met la somme au thresor publicque, & en  
fait son profit iusques a ce que les Vtopiens  
la demandent. Certes lesdictz Vtopiens en re  
laschēt la pl<sup>9</sup> grāde ptie, pour ce quilz pēsēt q  
nest iuste doster vne chose de quoy ilz nufēt, à  
ceulx qui en fōt biē leur profit. Quād au reste  
fil

s'il aduient, & la chose ainsi le requiere, quilz  
 ayent presté quelque portion de cest argent à  
 quelque aultre peuple, ilz le demandent alors  
 qu'ilz ont la guerre, ou affin qu'ilz s'en aydent  
 en temps de dāger, ou de necessité, ou de quel  
 que hazard soudain, & gardent en leurs mai-  
 sons ladicte pecune, non point a aultres fins, &  
 principalement pour souldoyer les gensder-  
 mes estrangers, auquelz ilz ne donnent pas  
 petitz gaiges, & lesquelz plus volontiers met-  
 tēt aux petitz & fortunes de guerre, que leurs  
 citoyens, cognoissant assez que par multitude  
 de pecune souuent les ennemis mesmes sont  
 achaptables, & q̄ par finesse on les faict guer-  
 royer les vne contre les aultres, pour ceste  
 raison ilz gardent vn thesor inestimable, mais  
 n'ē pas qu'ilz y mettent leur coeur, honte me  
 donne frayeur de faire recit de ces choses,  
 craignant qu'on n'adiouste foy a mes propos,  
 car certes si moy mesmes ne les auoy veues,  
 ie scay de certain, qu'a grand peine croiroysie  
 vn aultre qui en feroit le compte, il est tout  
 clair que tout recit qui n'est conforme aux  
 meurs & maniere de viure des escoutans, n'a  
 pas grand credit, & est aussi eslongné de leur  
 credence comme de leur conuersation.

¶ Iacoit ce qu'un homme prudent & de  
 bon iugement paruanture ne s'en esmerueil-  
 lera quand il considerera bien le differēt qu'il  
 y a entre nostre institutiō de vie, & la leur, &  
 sil prend garde comment ilz vsent d'or & d'ar-  
 gent

Il est plus  
 commode  
 d'euer la  
 guerre par  
 argent &  
 finesse que  
 la faire a  
 uec grāde  
 effusiō de  
 sang hu-  
 main.

O le grād  
 ouurier de  
 bien dire.



## L e s e c o n d l i u r e .

L'or esti-  
me moins  
que le fer  
en Vtopie.

gent, & nō pas cōme nous aultres en vsons.  
Comme ainsi soit que lesdictz Vtopiens ne  
vsent aulcunnement de pecune, mais la gar-  
dēt, à la fortune qui peut aduenir, laquelle pos-  
sible aduiēdra, aussi il se peut faire que iamais  
n'aduiendra. Et ce pendant ilz tiēnent autant  
de compte d'or & d'argent dequoy se faiēt la  
dictē pecune, que nul ne l'estime nōplus, que  
sa nature le merite. Et q est celui qui ne pense  
biē que l'or ne soit moins precieux que le fer,  
quand à leur vsaige: duquel les hommes ne se  
peuent passer, nomplus que de feu, & deau,  
nature n'a point donné d'vsage à l'or, de quoy  
nous ne nous passissions bien, si ce n'estoit la  
folie des hommes qui la mis en prix pour sa  
rarité, & au contraire ladiēt nature, comme  
pitoyable & doulce mere a mis à l'effor a la  
veue de tous les choses qui nous estoient bon-  
nes & propices, ainsi que l'air, l'eau, & la terre  
mesme, d'autre part elle a separé & mis loing  
de nous les choses vaines, & qui ne seruent de  
rien comme l'or & l'argent, dont les mines en-  
sont aux creux de la terre.

Or si ces metaulx chez les Vtopiens e-  
stoient mussez dens quelque tour, le prince &  
le senat pourroient estre souspecennez du peu-  
ple (qui de folie est assez inuentif) de vouloir  
abuser par quelque tromperie dudiēt or & ar-  
gēt, & l'aplicquer a leur profist. particulier, en  
decepuant lediēt peuple. Si pareillemēt de ces  
dictz metaulx on faisoit en bel ouursge d'orfa-  
uerie

uerie flaccôs & oultres vaisseaux semblables, puis se il aduenoit que ilz les faulsiſt refondre pour faire de la pecune à soudoyer leurs gēſdarmes, leſdictz Vtopiēs conſiderent q̄ ſi vne fois auoient prins leur plaisir en ceſte dicte orfauerie, à grand peine ſouffriroient ilz que on leur oſta l'usage, & affin qu'ilz obuient à ces choses, ilz ont trouué ceſte maniere de faire q̄ lay deuant alleguée, touchât leur or, & leur argēt laquelle eſt conforme à leur aultres facôs & modes, & aux noſtres grādement repugnāte & difforme, qui priſons tāt lor, & le cachôs ſi ſongneusemēt. Certes on ne ſcauroit croire cōme les Vtopiēs ont lor & largēt a petite reputation, ſi ce n'eſtoiet gens de ſcauoir, q̄ congnoiſſent la matiere deſdictz metaulx, il n'eſt riē plus certain q̄ ledict peuple boit & mēge en vaisseau de terre & voirre, q̄ ſont tres beaux & ne ſont de grād prix, & es ſales cōmunes, & maiſons priuées auſſi leurs potz a vriner & aultres veſſeaux qui ſeruēt a choses immūdes ſont dor & dargēt, pareillemēt les chaines, & gros fers, de quoy ſont detenez & liez leurs criminelz quilz appellēt ſerfz, ſont de ceſte meſme matiere, finalement tous ceulx qui ont cōmis cas de crime & infamie, portēt anneaux d'or en leurs oreilles, & en leurs doigtz, en leur coul carcquās d'or, & couronnes autour de leurs testes, ainſi ſont ilz ſogneux ſur toutes fins, que lor & largēt entre eulx, ſoit en deſprix & contēnemēt. Certes les aultres natiōs

aymeroient

Magnifique meſpris de lor.

Gens! criminelz & ifames portent lor en vtopie en ſigne d'infamie.



## Le Second liure.

Les perles  
seruent de  
passetéps  
aux petitz  
enfantz.

aymeroient quasi autant qu'on leur tiraist le  
ent railles du corps, que de leur oster leur or  
& leur argent: mais si les Vtopiens auoient  
perdu tout ce quilz en ont, ilz n'en pēseroient  
pas estre plus pauvre d'un double, ilz amassent  
& cueillent des perles au long des riuages de  
la mer, en aucuns rochiers des diamantz &  
rubis, lesquelz ce neantmoins ne cherchent,  
mais quand ilz les trouuent d'adventure, les  
polissent & acoustrent, & de cela en ornent  
leurs petitz enfantz, lesquelz s'esioüissent &  
glorifient de telles bagues en leurs premiers  
ans, mais quād ilz sont vn peu grāds, & qu'ilz  
apercoiuent qu'il n'ya que les petitz enfantz  
qui vsent de telles folies, sans l'admonnestement  
de pere & de mere, mais de leur propre  
honte, les iectant au loing, ainsi que ceulx de  
nostre pais quand sont deuenuz en aage de co  
gnoissance ne tiennent plus compte de noix,  
de petites bagues, & petitz images, qu'on ap  
pelle poupées.

\* Certes ie ne congneu iamais si clairemēt,  
combien ceste maniere de viure qui est con  
traire à toutes les aultres nations, engendre  
au courages aussi diuerfes affections, comme  
ie fait en l'ambassade des Anemoliens, ladicte  
ambassade arriua a la ville d'Amaurot lors que  
ie y estois, & pource que l'affaire qui les me  
noit ne estoit de petit poix, troys citoyens  
de chascune ville d'Vtopie y estoient venuz  
deuant.

\* Or

Or les ambassades des regions veismes qui si estoient transportez au parauant que leldictz Anemoliens y vinssent, & qui auoiēt aprins les meurs & coustumes des Vtopiens, cognoissant assez que le peuple d'Vtopie ne faisoit pas grād compte d'habitz sumptueux, que la soie leur estoit à contennement, & l'or à mespris & de vile reputation, quand faisoient leur legation à Amaurot, ilz auosent de coustume d'y venir en train le plus simple & modeste qu'ilz pouuoient.

Mais les Anomeliens pour ce qu'ilz en estoient plus loing, & n'auoient pas frequente conuerse en Vtopie, quand ilz entendirent que tous les Vtopiens se vestoient d'une mesme parure, de gros drap, pensantz puis qu'ilz n'estoient point aultrement acoustrez, que le pais estoit pauvre, desnüé de foyes & veloux, pourtant plus arrogamment que faigement delibererent par vn appareil pompeux & trop curieux faindre estre comme petitz dieux, & esblouir les yeulx des pauvres Vtopiens par la, reluisance de leurs beaux habitz.

Ainsi entrerent dens Amaurot troys ambassadeurs, avec cent aultres personnages, qui les accompaignoient, tous reuestuz de vestementz de plusieurs couleurs, dont maint y en auoit en habitz de soye.

\* Les ambassadeurs qui estoient gentilz homes tous troys vestuz de drap d'or, ayantz de  
grands



## Le second liure.

grāds catcās dor au col, grosse bagues de me  
me aux doigtz, & chaines pendantes en leurs  
chappeaux, avec perles & gēmes, finalement  
nauoient aultres acoustremētz sinó ceulx de  
quoy vfoiēt les esclaués, criminelz & infames  
& les petitz enfantz en Vtopie pourtāt faisoit  
il bon veoir lesdicts ambassadeurs dresser leurs  
crestes quand ilz cōtemploient leurs trium-  
phātz vestemētz entre ceulx des Vtopiēs. (or  
cestoit tout le peuple respandu par les rues)  
d'autre part n'estoit moins plaisant de cōside-  
rer comme ladicte ambassade estoit frustrée  
de son esperance & entente, & de l'estimation  
qu'elle pretēdoit qu'on feroit de leur gorgias  
equipage. Certes tous les Vtopiēs (fors quelq  
peu qui aultresfoys auoient pour affaires idoi-  
nes visite les aultres natiōs) estoient honteux  
de veoir telz bombans, & saluoient reuerem-  
ment les plus petitz compaignons, au lieu des  
maistres & gros seigneurs & estimoient que  
ces troys ambassadeurs si biē en ordre, fussent  
valetz, ou quelqs criminelz, à raison de leurs  
cheines d'or, ainsi passoient par deuant le peu-  
ple sans honneur aucun, pareillement on eust  
veu les petitz enfantz, qui auoient iecté leurs  
gemmes & perles, quand virēt que les chap-  
peaux desdictz ambassadeurs en estoient guar-  
nis, puis tiroient leurs meres par le costé, di-  
santz ma mere, mais voyes comme ce grand  
lourdault vse de perles, ainsi que fil estoit en-  
cor petit enfant, & les meres a bō escient leur  
respondoient,

respondoient, taifez vous, cest possible quel-  
qu'un des folz des ambassadeurs. les aultres re-  
prenoient ceulx qui auoient faict les cheines,  
pour ce qu'elles estoient trop tenues lasches,  
disantz qu'un criminel. facilement les eust peu  
rôpre, & quâd il y eust pleu s'en deffaire, & s'en  
fuir ou son intétion eut esté, Quâd lesdictz am-  
bassadeurs eurent esté vn iour ou deux en ce  
lieu, ilz veirét si grâd amas d'or dequoy on ne  
tenoit cōpte, nō moins vilipédé entre ce peu-  
ple qu'il estoit alloué entre eux, dauantage cō-  
téplioiēt quen vne chaine d'vn serf fuitif de ce  
pais y auoit plus pesant d'or & d'argét q̄ tout  
leur appareil ne mōtoit, adōc leurs plumes se  
vōt abaisser, & se destituerent hōteusemēt de  
toute ceste gorgiafeté dequoy ilz sestoiet si fie-  
remēt esleuez & principalement quand ilz jeu-  
rent deuisé plus familièrement avec les vto-  
piēs, & aprins leurs meurs & fantasies, lesdictz  
Vtopiens sebahissent comme aulcun des mor-  
telz peut tant prendre son plaisir à veoir &  
cōtempler la clarté d'une petite perle, ou pier-  
re, qui nest possible vraye, au prix de la reful-  
gēce & beaulté d'une estoille, ou du soleil mes-  
me. Pareillement ilz sesmerueillent que vng  
homme est si fol de se penser estre plus no-  
bles pour estre vestu d'vn drap de laine plus  
fin, & plus delié que vn aultre, veu que vne  
ouaille, tāt soit le fil menu & delié, si en a elle  
porté la leine, & ce pendant la beste ne a esté  
iamais aultre chose qu'une brebis ou moutō.

¶ Ilz



## Le second liure.

**C** Ilz s'estonnent aussi que maintenant par toutes nations on faiet tant d'estime de l'or, qui de sa nature est tant inutile, sellement que l'homme qui la mis ainsi en prix est beaucoup moins prisé & chery que l'or mesme en sorte que quelque grosse teste pesāte & endormie, ou il n'ya nō plus d'entendement qu'a vne bu sche, & qui nest non moins mauuais que fol, aura en son seruice plusieurs personnages sages & vertueux, & rien pour aultre chose sinō quil luy est escheu force descutz.

**C** Or si par quelque fortune, ou accident de proces, qui faiet aussibien tumber les haultz montez en bas estat comme fortune, lor & l'argent de ce milort estoit translaté au moindre de seruiteur, comme à son souillard de cuisine ne aduiendroit il pas tost apres que ce seigneur se iecterait au seruice de son seruiteur qui fut, ainsi quasi que vn adioinct desdictz escutz.

Voyes cō-  
me les vto-  
piens se mō-  
strēt en ce  
cas icy plus  
sages que  
les chre-  
tiens.

**¶** Quand au reste les Vtopiens se esbahissent encor plus & detestent la sottie de ceulx qui font si grand honneur & quasi plus que a dieu, aux riches, auquelz ilz ne doibuent riē, & ne sont en nulle sorte obligez à eulx, & non pour aultre raison fors quilz sont riches & opulenz, & dauantage ilz les cognoissent si riches & auaritieux, quilz sont certains que de leur viuant de si grand monceau de pecune quilz possèdent, il ne leur en reuiendra vn seul denier iamais.

**¶** Lesdictz



Lesdictz Utopiens ont conceu telles opinions en partie de leur nutritiō, pour ce qu'ilz sont esleuez & entretins en vne republicque de laquelle les bonnes entreprinſes & vertueuſes meurs ſont bien eſlongnées de ces eſpeces de folies que ie ay allegué, pareillement telz propos leur viennent des bons liures ou ilz eſtudiēt: Et combié qu'ilz ne ſoyent pas beaucoup d'une chaſcune vile, qui ſoyent exemptz & deſchargez de trauailler & beſongner comme les autres eures mechanicques, pour eſtre deputez à eſtudier ſeulement, & ny eſlit on, fors que ceulx qu'en a trouues en leur enfance auoir bonne nature, excellent entendement, & le coeur enclin aux bonnes lettres, ce neātmoins tous les petitx enfantz en Utopie ſont Inſtruiētz aux artz & diſciplines, & meſmes la plus grand part du peuple, tant hommes que femmes tout le long de leur vie, aux heures qu'ilz ne ſont ſubieētz de beſongner, ilz employent ledict temps à leſtude, les ſciēces leur ſont données à entendre en leur vulgaire, & les apremēt en leur dict langaige, leur langue n'eſt ſouffreteuſe de termes, ainſ riche & doulce à ouyr, & n'ya lāgaige au mōde qui plus fidelement exprime ce que l'entendement aura conceu.

Ilz ont vu meſme langaige quaſi par tout le climat de la region, fors quen aucuns lieux il eſt corrompu, aux autres non. De tous ces philoſophes qui ſont en bruit chez nous, ain-

H cois

L'eſtude &  
doctrine  
des Uto-  
piens.



## Le second liure.

cois que ie vinssse en Vtopie, les Vtopiens n'en auoient ouy le vêt de piece, & toutesfoys leur musique, logique, & arithmetique est quasi semblable à celle que nosdictz aucuns philosophes trouuerent.

¶ Quand au reste ilz sont presques en toutes choses esgaulx aux susdictz aucuns, mais fort eslongnez des inuentions des nouueaux dialecteurs, ilz n'ont trouué reigle aulcünne des restrictions, ne des suppositions subtilement inuentées aux petites logiques, que les enfantz aprennent ca & la en nostre pais.

\* Pareillement n'ont encore trouué les secōdes intentions, nul d'eulx n'a encore peueoir l'homme en commun (ainsi que ceulx de par deca l'appellent) que nous auons demonstré, comme vous scauez, il y a desialong temps au doigt en effigie d'un colosse, & plus grand qu'un geant, ilz sont au cours des astres, & mouuemēt des planettes tresdoctes, mesmes ont inuenté industrieusement instrumentz de diuerfes figures, ou ilz ont tresdiligemment compris les motions & situations du soleil & de la lune, & des aultres astres, qui sōt veuz en leur horizon, mais quand à la concorde, ou different des estoilles erratiques, & a la tromperie de deuiner par science sideralle, ilz n'en ont seulement rien songé, ne s'en dementent aulcünemēt, ilz se cognoissent biē, & deuinent du tēps de pluye, des vêts, & des aultres tēpestes & tormētes, par quelqs signes dequoy ilz ont

Il reprend  
les deuins  
qui disent  
la bōne &  
mauuaise  
fortune  
par la sciē  
ce siderale

ont eu experiēce par lōg vsaige, mais des causes de toutes ces choses, du floc de la mer, & de sa saline, & sommairement de l'origine & nature du ciel & du monde, ilz en parlēt ainsi q̄ nos anciens philosophes, & tout ainsi q̄ lesdictz philosophes sōt aulcūnefoys de cōtrares opiniōs aussi sont les Vtopiēs, qui souuēt alleguēt nouvelles raisons, repugnātes a toutes celle q̄ nos philosophes ont tenues, ce neantmoins entre eulx n'accordent en nul passage, touchant les morales sciēces, ilz en disputēt cōme nous, des biēs de l'ame, & du corps, & des biēs externes que nous appellōs de fortune ilz en font tout plein d'argumentz, a scauoir mō si les biēs corporelz ou de fortune doibuent proprement estre nōmez biēs, ou si seulement apartiēt aux biēs de lame, ilz deuisent de vertu & volupté, mais leur principale dispute en q̄lle chose doit estre située la felicité de lhōme ilz sōt assez curieux & s'arrestēt a beaucoup autheurs qui pposent de volupté, en laq̄lle ilz diffinissent le tout, ou la meilleure partie de felicité humaine estre mise, mais ilz faillent de quoy on s'esmerueille de religiō & cultiue mēt de dieu, en ceste opiniō delicieuse, q̄ est matiere graue, seuer, triste & estroict, ilz ne desceptēt iamais de felicité, q̄ p̄mierement ne mettēt sus le bureau q̄lqs principes de religiō, & qu'ilz ne les ioignēt avec philosophie, qui vse de raisō, entre lesq̄lz ilz croient que raison de foy est trop foible & debile a la queste de vraye felicité.

phisc que  
incestaine.  
Les sciēces  
morales.

Des biens  
de fortune  
& des biēs  
de lame.

Les vtopiēs mettēt  
leur felicité en hon  
nestte vol  
pte.



## Le Second liure.

La theologie des Vtopiens.

Ilz croient que lame est immortelle de quoy beaucoup de chrestiens pour le iourd'hui doubtent. Ainsi comme il n'est licite d'appeter toute volupté aussi n'est il convenable de desirer douleur si ce n'est sa cause de vertu

Lesdictz principes contiennent de l'immortalité de l'ame, & que ladicte ame est née a felicité par la liberalité de dieu, & qu'a noz bienfaits apres ceste vie est donnée premiation & loyer, & a noz delictz priué supplice. Combié que cela sente sa religion, toutesfoys ilz sont d'opinion qu'on doit estre attiré a croire ces choses par raison, sans ces principes la, ilz disent que sans dilation il n'est homme si beste qui ne fust d'opinion de prendre ses plaisirs par voyes licites ou illicites, & se garderoit seulement que la moindre volupté n'eschast la plus grande, & ne poursuivroit celle qui le recompenseroit de douceur ou maladie.

\* Suiuit, & s'adonner à vertu, qui est estroite & pleine de difficulté, & non seulement chasser & sequestrer de son plaisir & douleur de vie, ains volontairement souffrir affliction & douleur de quoy on n'espere point de fruit, ilz disent que c'est vne grande folie, si vn homme toute sa vie à vescu miserablement en melencolie & ennui, & si apres sa mort il n'en est recompense, quel profit y aura il? Maintenant les Vtopiens ne pensent pas que la felicité soit en toute volupré, mais en volupté honneste, & disent que nostre nature est attirée a icelle volupté par vertu comme au souverain bien, la ligne contraire à ceste opinion dit que felicité doit estre donnée a vertu.

Ilz

Ilz diffinissent & tiennent que vertu n'est aultre chose sinon viure selon nature, & que nous auons esté enseignez de dieu a cest affaire, & que quiconque obtempere a la raison en appetant ou fuiant vne chose, cestuy la ensuit nature comme sa guide, disant oultre, que raison deuant toutes choses enflamme les hommes en l'amour & veneration de la maiesté diuine, à laquelle nous sommes debtours pour ce que nous sommes nez, & pour autant que nous pouons auoir felicité.

¶ Secondement la raison nous admōnest & incite à mener vie la moins fascheuse & ennuieuse que nous pourrons, ains la plus ioyeuse & recreatifue qu'il est possible, & que nous aydons aux aultres noz semblables d'en obtenir autant, pour la conseruation de la compaignie & societé naturelle.

¶ Certes iamais il ne fut homme, si feuer & estroict inuitateur de vertu, & contenteur de volupté, qui t'anoncast a prendre si grand labeur & vigilance, & nonchalance de ton corps, qu'iceluy ne te commādaust aussi, de soulager de toute ta puissance la pauureté & incommodité des aultres, & qu'il ne soit dopinion que la chose est louable principalement en lhōneur d'humanité, que l'hōme console & secours l'aultre, si c'est chose humaine de mitiger & adoucir l'angoisse & fascherie des aultres, leur oster tristesse, & les rendre à ioyeuseté de vie, c'est a dire à volupté hōneste, qui est



## Le Second liure.

Aulcuns  
chrestiens  
se procu-  
rēt maux  
& dou-  
leurs ainsi  
comme si  
cela gisoit  
religion,  
mais ilz  
debueroiēt  
plus tost  
les porter  
patiemment  
si de ha-  
sard elles  
aduēnoiēt

vne vertu, qui mieulx faiēt & conuient à l'hō-  
me, entre toutes les aultres, puis qu'on faiēt  
cela à aultrui, pourquoy nature ne nous esnio-  
uera elle, a nous en faire autāt? Si la vie ioyeu-  
se, c'est a dire voluptueuse est mauuaise, tu ne  
doibs seulement ayder a ton prochain à y ten-  
dre, mais le destourner de tout son pouoir, cō-  
me d'une chose nuisible & mortifere, Si la vie  
ioyeuse, c'est a dire volupté est bonne & hon-  
neste, tu la doibs procurer aux aultres, comme  
chose bonne & conuenable, pourquoy ne te  
pourchasseras tu ce bien premierement, veu  
que tu ne doibs estre moins fauorable enuers  
toy, qu'enuers aultruy? Puis que nature t'ad-  
mōneste d'estre bon aux aultres, il fault bien  
dire quicelle te commande de n'estre cruel &  
immisericordieux à toy, nature dōcques nous  
ordōne la vie ioyeuse, c'est a dire hōneste vo-  
lupte, ainsi que disent les Vtopiens, ainsi com-  
me vne fin de toutes operations, & aussi tien-  
nent que la diffinition de vertu, cest viure se-  
lon l'ordonnance de nature.

☛ Comme ainsi soit que nature semonne  
les hommes a secours mutuel de vie ioyeuse,  
laquelle chose elle faiēt iustemēt, & n'ya hō-  
me si esleué, ne si grand prince, duquel seul na-  
ture ait le soing, consideré qu'elle entretiēt &  
pense de tous vniuersellemēt, lesquelz elle  
ioinēt & assemble par communauté de mesme  
semblance, icelle mesme certeste commande  
expressement de prendre garde que tu n'obté  
pere

pere tant à tez profitz, qu'il s'ensuiue le dom-  
mage & detriment daultroi doncques les Vto-  
piens sont d'oppinion qu'on ne garde seule-  
ment les pactions particulieres & contractz  
qu'on a les vnz avec les aultres, ains aussi les  
loix publiques, lesquelles vn bon prince a  
iustement promulgués, ou vng peuple non  
opprime de tyrannie, ne circonueni de frau-  
de par commun accord a ordonné que les cō-  
moditez de vie.

Pactions &  
loix.

☉ Ce cest a dire, la matiere de volupté &  
honneste plaisir soies esgallement à tous en  
cōmū. De prendre soing de ta commodité,  
moyennant que tu ne enfraignes lesdictes  
loix, cest prudence.

☞ Puis penser de la commodité publique,  
ce est faict ton debuoir enuers la republic-  
que.

☞ Mais empescher le plaisir d'aultroy pour  
auoir le tien, cest faire tort à aultroy, au cōtrai-  
re te rescinder de ton plaisir pour augmenter  
celui daultroi, cest l'office d'ū hōme humain &  
benin, ce quil ne peult tant oster de commo-  
dité comme il en rapporte, car quand on à  
faict plaisir a quelque vn il recompense, puis  
la grande recongnissance du bienfaict & la  
recordation de la charité & bienueillance de  
ceulx a qui tu as biēfaict t'apporte plus de plai-  
sir, que la volupté q̄ tu eusse prinse en tō corps  
de laquelle tu te es abstins. Finalement no-  
stre seigneur Dieu pour vng petit & brief

Les plasirs  
qu'ō faict  
l'on a l'au-  
tre.

H iiii plaisir



## Le Second liure.

Cōme les  
vtopiēs ap-  
pellent vto-  
pie.

plaisir mondain dequoy nous nous sommes  
eslongnez, nous recompense d'une lieüe gran-  
de, & qui iamaïs ne meurt, ce que facilement  
la religion persuade a vn couraige qui volun-  
tairement si consent.

¶ Voyla comme les Vtopiens font doppi-  
nion que toutes noz operations, & mesmes  
les vertus ont esgard & consideration à hon-  
neſte volupté comme le grand bien des hu-  
mans.

¶ Ilz appellent volupté tout mouuement &  
du corps & de l'ame, ou on prend plaisir par  
l'instinct de nature.

Plaisirs cō-  
trefaiçtz &  
faulx.

¶ Ilz n'y adioustent pas indiscretement le de-  
sir de nature: car tout ainsi comme non seule-  
ment la sensualité, mais aussi la droicte raison  
poursuit toute chose, qui est ioyeuse & plaissan-  
te de nature, ou l'on ne tend point par oultra-  
ge & iniure d'autrui, & ou on ne perd vn biē  
plus plaissant que celuy qu'on appetite, & ou il  
ne s'en ensuit labeur, ainsi les choses que les  
hommes faignant par vn consentement tref-  
friuoille estre a eulx doux & ioyeux sans le grē  
de nature, les vtopiēs disent que on y treuve  
point de felicité, mais lesdictes choses nuisent  
beaucoup, & ceulx qui les receoipient pour  
plaisir & volupté honneſte, font tout ainsi  
comme celuy qui permute & change la cho-  
se au mot ou vocable par lequel elle est signi-  
fiée.

¶ Et d'aduantage depuis que on est vne  
foys

foys imbué de telles voluptez faulces, elles occupent totalement l'entendement de l'homme oppinion erronée, de craincte qu'il ne recoipue au lieu les naturelz & vraye plaisir.

\* Certes il ya beaucoup de choses qui de leur nature n'ont aulcune souefuete ne douceur, ains la plus grand' partie d'icelles est pleine d'amertume, & peruertie des blâdices de mauuaise concupiscence, & toutefois sont receues non seulement pour les souveraines voluptez mais sont nombrées entre les principales causes de la vie humaine.

En ceste espeece de faulse volupté les Utopiens comprennent & collocquent ceulx dont i'ay faict mention au deuant, qui se pensent estre plus gens de bien, d'autant qu'ilz ont meilleure robe, mais ilz errent deux fois en vne chose.

Certes ilz ne sont pas mains trompez de penser que leur acoustrement soit meilleur, pour estre de plus fin drap, qu'ilz sont deceuz d'astuer quilz fōt meilleurs pour estre mieulx vestuz.

Or si nous considerons l'usage d'un habillement, qui n'est pour aultre cause faict, si non pour couvrir le corps, & le tenir en chaleur & santé, dirons nous que le drap delié est plus excellent que le groe, toutefois ceulx cy comme silz estoient plus singuliers de nature que les aultres modestement acoustrez, ne considerant point leur erreur, leurent leurs crestes,

&

Errent de  
ceulx qui  
se glorifient  
pour estre  
bien acoustrez



## Le Second liure

& pensent estre beaucoup mieulx prisez, pour leurs belles robes, & l'honneur quilz n'oseroient esperer, silz estoient vestuz plus simplement, ilz le vont chercher aux beaux acoustrementsz auxquels ledict honneur demeure, & silz sont contemnez par default de s'estre bien enparez, ilz en sont fort marriez.

Folz honneurs.

✶ N'est ce point semblable besterie destre honoré de vaine & inutiles honneur: Combién recois tu de plaisir vray & naturel, si vn aultre est deuāt toy la teste nue, & sil plie les genoux pour te faire mille reuerences: cela guarira il les tiens de la goutte: alegera il la phrenesie de ta teste: En ceste representation de faincte volupte, s'abusent & affolent ceulx qui se disent gentilz hommes, pour ce quilz sont extraictz de race ancienne qui a este riche & plātuse en terres & possessions, & pour ce s'en glorifient & se plaisant, & pour le temps qui court noblesse n'est aultre chose. Et si leurs maieurs, & ancestres ne leurs ont de toutes lesdictes richesses rien laissé, ou si eulx mesmes ont degasté & consumé, ilz ne sen estiment moins nobles d'une fresse.

Vaine noblesse.

✶ Les Vtopiens comptent & odioignent avec ceulx cy, ceulx qui metent leur fantazie en perles & Pierres pretieuses, & se pensent estre petitx dieux, silz quelque fois peuent auoir quelque excellente pierre de la sorte de quoy en leurs temps ceulx du pays faisoient tant de feste.

\*Or

\*Or est il des pierres de mesme espeece, qui ne sont pas prisées par tout, ny en tout temps.

\* Ilz n'en achaptent point qui soient enchassées en or, mais separée & nues & qui plus est ilz adiurent le marchand, & iuy font bailler pleige, pour scauoir si la perle, ou pierre sont vrayes, tant sont soucieux & craintifz que leur œil ne soit deceu, & qu'on ne leur baille vne Pierre faulse au lieu d'vne vraye.

\*Quand ilz viennent a comtempler ladicte pierre, & ne scauent discerner si elle est vraye ou faulse, pourquoy leur donne moins de plaisir.

\*La faulse que la vraye: l'ime & l'autre doit estre d'egale valeur enuers toy, ainsi qu'enuers vn aueugle.

\*Que diroient les Vtopiens de ceulx qui font thresor, non pas pour se seruir a leur vsaige du mouceau d'or, mais pour prendre plaisir a le regarder seulement, ont ilz vraye volupté uenny certes mais sont deceuz de leur plaisir qui est faulx & frustratoire.

\* Ceulx aussi qui au contraire cachent leur or, de quoy ilz nauront iamais lusaige, & qui voironnt parauanture plus, & sont en crainte & soucy quilz ne le perdent, & le perdent iouissent ilz de vray plaisir: quelle differace trouuē l'on entre le miser en terre, & le perdre, & oster de lusaige humain: & toutefois lauaritieux se resiouit, & le tient en ce lieu.

Si



## Le Second liure.

¶ Si quelque larron le desrobe, & le possesseur nen scait riē, & ledict possesseur meurt dix ans apres, que son thresor a esté pille, combiē a il eu dintereſt sil a esté prins, non plus que sil fust demouré ſauf, il en a eu autant de profit en vne ſorte, quen lautre.

Jeux hazard  
deux com-  
me' cartes  
& dez.

¶ A ces folz & irraisonnables paſſetemps ilz aſſemblent ioueurs de cartes, de dez, & autres jeux de hazard, auſſi chafſeurs & voleurs deſquelz ilz ont congneu la folie non par vſaige, mais par ouir dire.

le plaisir de  
la chafſe.

\* Quel plaisir ya il, ſe diſenn ilz, de ieſter les dez dens vn tablier, ce quon a faiſt tant de fois, tellement que ql y auoit quelque eſbat, on en pourroit perdre lappetit par frequent vſaige quelle recreation, ou non meilleure faſcherie pour en auoir, quouyr les abboye & vrllement des chiens.

¶ Quel eſbat plus grand ya il de veoir courir vn lepurier apres vn liepure, que de veoir courir vn chien: le ſemblable ce faiſt tant dū coſte que daultre, ilz courent & racourent, ſi la courſe te plaist.

¶ Mais ſi tu as eſpoir à la mort du liepure, & ſi tu prens plaisir de veoir metre en pieces deuant tes yeulx, tu debuerois plus toſt eſtremeu à miſericorde de contempler vn pauvre lepuraut eſtre deſſire dvn chien, vne foible & debile beſte, eſtre ſaragée dune plus forte, vn craintif & fuitif beſtail eſtre deuore dvn dhumain, & vn animant paſſible & inuocent eſtre  
menge

menge dvn cruel. Doncques les Vtopiēs' ont reiecté tout cest exercice de chasse aux bouchers, comme ce cestoit chose deshonnestes à gens libres, lequel mestier de boucherie comme iay dict au parauant, font faire par seruiteurs, & disent que la chasse, est la plus petite partie de boucherie, les aultres parties sont plus vtils & honnestes, pour ce quelles sont necessaires a la vie humaine, car vn boucher cuisinier, rotisseur, ou paticier, tue les bestes seulement par necessité, mais vn chasseur, ou voleur, ne faict mourir & distiper vn miserable liepure, ou quelque oyseau, si non pour son deduit ilz sont d'opinion que ce desir de veoir ainsi bourreler & meurtrir les pauvres bestes, ne procede que dvn coeur & affection cruelle, ou que l'homme par coutume exercice de ceste tant inhumaine volupte se peut adonner finalement à cruauté.

¶ Ces affaires la, & toutes choses de ceste sorte (qui sont innombrables) iacoit ce que le commun populaire, les recoipue & preigne pour voluptez, nonobstant les Vtopiens tiennent quilz uont point de conformite & commerce avec vraie volupté, pour ce qu'on ny treuve rien qui soit doux & fouef de nature.

¶ De ce que ledict vulgaire prend son plaisir ca & la, aux choses que iay deuant alleguées, qui luy semble vn acte de volupté, cela nest semble vn acte de volupté, cela nest point estrange a son iugement erronée & faulx. la nature



## Le Second liure

Femmes  
grosses des  
goutees.

tute de la chose nempesche point, mais leur mauuaise coustume, par laquelle ilz prennent les choses ameres pour les doulces. Ainsi comme font femmes enceintes qui mangent de la poix & du suif, qui leur semblent plus doulx que miel, pour ce quelles sont desgoustées.

L'espece  
des vrayz  
plaisirs.

\* Le iugement de quelquvn, de praué par maladie ou coustume, ainsi quil ne peult muer la nature de nulle chose, aussi ne peult il changer le naturel de volupté. Des voluptez que les Vtopiens disent estre vrayes, ilz en mettent diuerses fortes. Ilz atribuent les vnes à lame les aultres au corps. à lame ilz donnent entendement & ceste doulceur & fruition de contempler le vray. Puis ilz y adioustent la delectable recordation dauoir bien vescu, & lesperance indubitable du biẽ futur, & loyer qui en doibt aduenir. ilz parlẽt la volupté du corps en deux manieres. La premiere est, quand le sentiment recoit quelque plaisir manifeste, qui ce faict quand on restaure les parties du corps, apresquel la chaleur naturelle qui est en nous, a faict sa digestion, & est question de rechief de prendre a boire & a manger. Aussi quand on expulse les choses, desquelles le corps abonde, on y prend plaisir, comme en vrinant, ieẽtant la matiere fecale en congnoissant charnellemẽt nostre femme, en nous frotant ou gratant.

\* Aucunefois il vient vn plaisir, qui toutefois ne restitue aux membres quelque chose quilz desirẽt, & si nostre bien de quoy le corps  
sen

ſ'en treuve mal, mais eſment & incite par vne  
puiffance occulte, & emotion manifeſte noz  
ſens, & les conuertit à ſoy, comme la volupté  
que nous prenons a ouyr les châtz & accordz  
de muſique.

✶ L'autre maniere de volupté corporeille, eſt  
ainſi quilz diſent, ſituée en paiſible & tranquil  
le eſtat du corps, c'eſtaſcauoir en la ſanté dvn  
chacun, qui neſt troublée ou empeschée de  
malladie aulcune.

Ceſte ſanté, ſi elle n'eſt opprimée de quelque  
douleur, elle delecte & reſiouit l'hōme de ſoy,  
poſé ores qu'elle ne ſoyt eſmeue, pour aulcu-  
ne volupte adionſtée exterieurement. Iacoit ce  
quelle ſ'eſleue & ſoffre moins à noſtre ſēs, que  
ceſt enflé appetit de boire & de menger, ce ne  
antmoins pluſieurs l'ordonnent eſtre le plus  
grand plaifir de tous les plaifirs, brief tous  
les Vtopiens quaſi diſent & confeſſent que  
c'eſt le fondement & ſuſtentacle de toutes vo-  
luptez: pour ce que ſeule elle rend l'eſtat & cō-  
dition de vie humaine coye & deſirable. Tel-  
lement que quaud elle eſt abſente, nul plaifir  
ne ſeroit auoir lieu.

\*Eſtre exempt de douleur ſi ſanté n'eſt pre-  
ſente, ilz appellent cela alienation de ſens, &  
non pas volupté. Ia long temps ya qu'ilz ont  
reiecté l'opinion de ceulx qui ſouſtenoient  
que ſanté ne deuoit eſtre receue pour volupté  
pource qnon nen auoit la perceuance par aul-  
cun mouuement exterieur.

28. Chez



## Le second liure.

\* Chez eulx ceste question á esté debattue vertueusement, mais maintenant tous s'accordent au contraire presque, & disent que santé ne seroit estre sans volupté.

¶ Comme ainsi soit qu'en maladie y ait douleur, si disent ilz, q'lle est l'ennemye mortelle de volupté, ne plus ne moins que maladie est ennemye de santé, pour quoy au contraire ny aura il volupté en santé: il n'ya point d'intérest son dict maladie estre douleur, ou si on dict en maladie estre douleur, autant emporte l'un que l'autre.

¶ Aussi si santé est volupté mesme, ou si nécessairement elle engendre volupté comme le feu engendre chaleur, certes il se faict d'un costé & d'autre, que ceulx qui ont santé constante & entiere, ayent ne plus ne moins volupté & plaisir. Quand nous beuons & mangeons disent ilz, quest ce aultre chose si non santé laquelle se commençoit a empirer qui bataille contre la fain, avec secours des viandes: puis quand en ceste fain santé est, petit à petit reualidée iusques à la vigueur acoustumée, elle nous suggere & induict ce plaisir & volupté parquoy nous sommes refectionnez.

\* Santé doncques qui se resiouit en ce cōflict ne prēdra elle point plaisir, apres auoir gaigné la victoire cōtre fain: puis quād elle aura a la fin acquis sa force premiere, q'lle q'elloit & de mādoit seulement p ce debat fudit, sestonera elle, ne prēdra elle poīt recreatiō: ne cognoistra elle

elle point le bien qui luy est aduenü: Vtopiens disent que ce n'est pas veritablement parle de dire qu'on ne sent sa santé.

✱ Qui est cestuy qui en veillent ne se sent sain si non celuy qui ne l'est point: Certes il n'est iamais si aliené de sens, ou astringēt de lethargie. qu'on appelle oubliance de soy, quil ne cōfesse que santé luy est recreative & ioyeuse. comme nommez vous delectation, si ce n'est volupté en aultres termes: lesdict Vtopiens singulierement sadonnent aux voluptez de la me, estant d'opinion que ce sont les principales dentre toutes les aultres, & disent que la meilleure dicelles vient de l'exercice des vertuz, de bonne vie, & bonne conscience.

¶ Touchant les voluptez du corps, ilz donnēt la palme à sante, comme la plus exquise & excellente.

\* Le plaisir qu'on prend à boire & à menger, & toute chose qui contient telle sorte de volupte, sont a appeter, mais cest comme ilz disent, non point aultre cas si non pour garder la santé,

veritablement telles choses ne sont plaisantes de soy, mais sont necessaires, vn tant quelles resistent à maladie, qui pourroit suruenir secretement. Ainsi quil est plus decent à vn hōme saige de ne vouloir tumber aulx infirmittez & malladies, que de desirer à prendre médecine, & pareillement dopprimer les douleurs, plus tost querre & chercher remedes & secours



## Le second liure.

secours aussi vault il mieux n'estre souffreteux de ceste espece de volupté deuant dicté, que desir restauré par deffaulte d'en auoir vsé.

Or si aulcun se pense bien eureux pour auoir la fruition des voluptez corporelles deuant alleguées il fault finalement qu'il confesse qu'il sera pour ladiuenir en grande felicité, si la vie luy eschiet qui consiste en fain continue. soif, esmouuement de la chair, menger, boire, grater, & frotter.

Et qui est cestuy là qui ne pense bien que telle maniere de viure ne soit seulement sale & orde, ains avecques ce miserable: Ces plaisirs la sont les moindres de tous, pour ce quilz ne sont entiers & parfaictz, & iamais n'adiēnent quilz ne soient ioinctz & meslez avec douleurs & tormentz contraires: Avec le plaisir qu'on prend à menger, fain y est mixtionnée & complée, & non pas esgallement. Car tant plus est la fain vehemente, tant plus en est longue la douleur.

La fain suruiuent deuant le plaisir qu'on prent a boire & menger, & iamais n'est extaincte que le plaisir ne meure quand a elle.

Doncques les Vtopiens pensent bien qu'il ne fault pas faire grande estime de telz plaisirs, si non en tant que la necessité le requiert, toutefois sen resiouissent, & recognoissent le bandon & permission de nostre mere nature, qui donne esiouissance & recreation à ses creatures, mesmes aux choses qu'il fault faire tant  
souuent

souuent par necessité sil failloit expulser les  
malladies quotidianes qui viennent de fain &  
soif par remedes, dozes, potions & ordonnan  
ces comme les aultres infirmitéz qui nous viē  
nent plus à tard quel plaisir aurious nous de  
viure: ilz entretiennent & confortent leur  
beaulté, force, & agilité, comme les dons de  
nature voluptueux & propres. Aussi font ilz  
les plaisirs qui sont introduictz par Louys, les  
yeulx & les narines, lesquels nature à voulu  
estre propres & peculiers à l'homme.

¶ Certes il n'ya point d'aultre espece d'ani  
maulx qui contemple la beaulté & forme du  
monde, & qui soit incitée de la grace & hon  
nesteté des odeurs, si ce n'est à la difference  
du menger, que l'homme, & aussi qui en  
tende l'accord, ou discord des sons musicaulx.

\* Brief les Vtopiens poursuyuent telles  
sortes de menuz plaisirs, comme si ce fus  
sent les saulces donuantz saueur a vie hu  
maine & ont ceste mode en toutes choses que  
le moindre plaisir nemyesche le plus grand,  
& que volupté quelquefois, nengendre dou  
leur, ce qui aduient necessairement, quand  
ladicte volupté est sale & dishoneste ilz  
pensent estre vne tresgrande folie destre  
nonchalant de l'honneur de sa beaulté, em  
pirer & deteriorer sa force, tourner en pa  
resse son alegrete & prôptitude, attenner son  
corps de ieunes, faire tort à sa santé, & mespri  
ser les aultres douceurs & blâdices de nature



## Le Second liure.

Notez ce-  
cy diligem-  
ment.

La felicité  
des Vto-  
piens & de  
scriptiō di  
ceulx.

si quelqu'un ne contemnoit son profit, pour plus ardamment procurer le bien publicque, de quoy il espereroit pour sa deserte estre recō- pensé de dieu de plus grand plaisir, aultremēt pour vne vaine vmbre de vertu, s'affliger sans quil en reuienne bien & vtilité aucune à son prochain, & pour porter les aduersitez, qui possible n'admendront iamais, moins fascheu semēt, ce leur semble chose friuole & de neāt, & meisme le tour d'un courage enuers soy cru el, & a lencontre de nature ingratissime, qui renonce à tous les bienfaictz, comme sil ne daignoit estre tenu à elle daulcune chose.

¶ Voila lopinion des vtopiens touchant ver- tu & volupté, & ne pensent point quon en peust trouuer de plus veritable selon humai- ne raison, si religion introuuise du ciel ninspi- roit à lhomme chose plus sainte. En quoy si leur iugement est bon ou mauuais, le temps ne souffre que nous en explicquons rien, & nest de necessité: pour ce que nous auons en- trepris de faire narré de leur maniere de fai- re & de viure, & non pas de defendre & aprou- uer icelle.

\* Quand au reste, tellement quellement que leurs constitutions voient, iay ceste credence quen nul endroict de la terre il n'ya peuple pl<sup>us</sup> excellent, ne republicque mieulx fortunée.

\* Ilz sont agiles de corps & fermes, & plus puissantz qui leur stature ne monstre, qui nest non obstant basse ne petite.

Comme

Comme ainsi soit que leur terroier ne soit  
 des plus fertiles du monde, ne leur air pas beau-  
 coup sain, ce neanmoins par temperance &  
 sobrieté de viure conseruent leur sante, se for-  
 tifiant contre les corruptions qui peuent ad-  
 uenir, & par leur industrie remedient si bien à  
 la terre, quen nulle region du monde n'ya pl<sup>9</sup>  
 grande abondance de fruit ne de bestiaux,  
 ne mesmes de gens qui viuent plus longue-  
 ment, ne qui soient moins subiectz a maladie.  
 On ne voirra point seulement en ce lieu les  
 choses bien arrunées & avec bonne diligence  
 comme font communement laboureurs, qui  
 par art & trauail ameliorissent les terres qui  
 de leur nature sont mauuaises, mais on voir-  
 ra dauantaige par les mains dvn populaire en  
 vn endroi<sup>t</sup> bois & forestz totalement arra-  
 chées, & en lautre plantées: & en ceste beson-  
 gne ilz nont esgard à luberté & affluence,  
 mais au charroy & ve<sup>h</sup>ture, affin que les bois  
 soient plus pres de lamer, ou des riuieres, ou  
 des villes mesmes.

\* Les fruitz & grains samènēt de plus loing  
 & sachirent par terre plus aisément, que ne  
 font les bois. La gēt d'Vtopie est facile, recrea-  
 tifue, industrieuse & aymant requoy, toute fois  
 assez trauillante corporellement, quand il en  
 est mestier, autrement non.

Quand a lexercice de lesperit iamais ne se  
 laisse or apres auoir ouy de nous & entendu  
 quelques propos que nous leur tinsmes tou-



## Le second liure.

Merueil  
leuse doc-  
lite des  
Vtopiens.

Maintenāt  
les grosses  
bestes sont  
destinees  
& les beaux  
aux lettres  
esperizt  
corrom-  
puz par vo-  
luptez &  
aux plaisirs  
mondains.

chant les lettres & science des grecq, (quand aux latines ilz nen faisoient pas grand compte, fors de ce qui estoit comprins es histoires & poësies) vous seriez esmerueillez comme ilz nous presserent de leur monstrier & lire: par quoy nous commencames leur faire lecons de grecq, affin que ne fussiōs veuz leur refuser plus tost nostre premier labeur, que desputer fruiēt aulcun diceluy. Et quand nous eusmes vn petit procedé, ilz feirent tant par leur diligence, quil nous semble à nostre esprit nestre vain & friuole leur impartir la nostre, & leur eslargir & communiquer si peu de scauoir que nous auons acquis en ceste dicte langue. ¶ Brief lesdictz Vtopiens apres les auoir introduictz vindrent a imiter & contrefaire si aiseement les carathères des lettres grecques prononcer tant bien & clairement les motz, les aprendre & retenir si legierement, & les rendre tant fidelemēt, que ce me semble chose miraculeuse. Vne partie diceulx Vtopiens, non seulement enflammes de leur propre vouloir, ains aussi par lordonnance de leur senat entreprindrent à scauoir ladicte science grecque, & ny furent, esleuz si non les plus beaux espritz & meurs daage dentre leurs estudiantz: par quoy ny eut rien en ladicte langue, touchant ce quilz desiroient scauoir des bons auteurs, quilz ne parlent sans faillir, si daduēture ny auoit faulte aux liures, en moins de troys ans. Et ce qui leur feist aprendre plus  
facilement

facilement comme ie croy cesdictes lettres, cest quaucunnement elle aprochent de leur langaige, Iestime que ceste gent a prins son origine des grecqs, pour ce quen leur langue ilz vsent d'aucunz termes grecqs, comme au noms de leurs villes & offices, Quand au residu leur langaige est presque tout persicque.

Ilz ont de moy quelques oeuvres de platō plusieurs d'aristote, aussi Theophraste des plantes. Quand ie feis mon quatrieme nauigaige ie mis en la maniere vn petit paquet de liures au lieu de marchandise, pour ce que iamais de termine de faire biē tost retour de ladicte isle.

Or ledict Theophraste en plusieurs passages estoit gasté, dont ie fus bien marry, comme nous estions sus mer, iaucis este negligent de la ferrer, par quoy sey vint adresser vne guenon, laquelle se iouant & folastrāt en tour en dessira ca & la quelques fueilletz. Dentre les grammariens ilz ont seulement lascare, ie ny porté point quand & moy Theodoric, ne dictionnaire aucun fors hesichines & dioscoride. \* Ilz ont les liures de plutarque tres agreables, & se delectent a lelegance & feceties de lucian.

\* Entre les poetes ilz ont aristophane, Homere. Euripide & Sophocles de la petite impression dalde.

\* Des hystoriens ilz ont Thucidide, herodote & herodiā. En medecine, vn de mescōpaignōs nōmétrici<sup>9</sup> apinat<sup>9</sup> y auoit apporté avecq<sup>s</sup> luy



## Le second liure.

quelques petitz oeuvres d'Hippocras, & le microtechne de Galien, qui est a dire le petit ouvrage, desquelz liures ilz font grand feste: Et combien quilz ayent moins affaire que gens du mode de l art de medecine, ce neantmoins en nul endroit de la terre n'est plus en honneur & prix, qu'en Vtopie, pour ce qu'ilz comptent ceste science entre les tresbelles & vtils parties de philosophie, par l'aide de laquelle philosophie quand ilz cherchent les secretz de nature, ilz ne present seulement de cela recevoir vn plaisir admirable, mais auoir acces grand d'entrer a la grace de l'autheur & ouurier d'icelle nature naturée.

Et sont d'oppinion que dieu a la maniere des aultres ouuriers ait exposé & mis en patent la machine du monde, pour estre contemplée & regardée de l'homme, lequel il a fait seul capable, de ceste tant excellente chose, & que tant plus la creature humaine sera curieuse & songneuse de veoir & remirer ledict oeuvre diuin, tant plus le ouurier aymera ladicte creature: trop plus beaucoup que celle, qui comme vne beste, ou n'ya point de entendement sans estre esmeue & incitée mettra a desprix ce regard spectacle & tant merueilleux.

Les espritz des Vtopiens, quand ilz sont exercitez aux lettres, ilz ont admirable valeur aux inuentions des artz qui sont commodes a la vie humaine, mais ilz sont tenez a nous de deux

de deux choses, c'est de l'art l'imprimerie, & de faire le papier, & non seulement à nous. mais aussi à eulx mesmes pour la grand' part. Or comme nous leur monstrions quelques lettres imprimée en papier de la facon d'alde, & leur parlions de la matiere de faire ledict papier, & de l'industrie d'imprimer seulement, sans leur explicquer & declarer plus oultre, pour ce que nul d'entre nous ne scauoit ne l'un ne l'autre mestier, soudain vindrent à concepuoir en leur entendement tressublablement la besongne, & comme ainsi soit qu'au parauant ilz escriussent seulement sus peaux, en escorces, & roseaux, tost apres essayèrent a faire le papier, & a imprimer.

Vray est que pour le commencement ilz ne besongnerent gueres bien, mais en experimentant souuent vne mesme chose, en peu de temps furent ouuriers en tous les deux mestiers, & feirent tant que la ou ilz nauoient que des copies des liures Grecqs, ilz eurent tout plein de beaux liures imprimez de leur impression.

Certes maintenant ilz n'ont rien aultre chose quand aux liures que ce que iay recité, mais sus lesdictes copies imprimées, ilz ont diuulgue & mis en lumiere plusieurs milliers de volumes.

Si d'aduenture il vient quelque personnage en Utopie pour veoir le pays, & s'il est homme de cerueau & d'esprit, & s'il a veu le mode  
&



## Le Second liure.

& leur en puisse parler & deuifer, croyez qu'il est le biē venu, pour ceste cause ie y fus agreablement recueilli, & nostre arriuee leur fut agreable.

☛ Certes voluntiers escoutent, quand on leur compte ce qu'il se faiet au monde. Quād au reste gueres de marchantz ne vont en ce lieu pour marchander, qu'est ce qu'ilz porteroient, sinon du fer, ou or & argent? qu'un chascun aymeroit mieulx reporter eu son pais.

☛ D'aduantage ce que les marchantz pourroyent charger en ce pais, eulx mesmes l'ayment mieulx transporter aux aultres regiōs, & me semble vng acte de prudence, que les estrangers les viennent querre en ce lieu, ce qu'ilz font, affin quilz ayent la certitude & cognoissance des meurs, & de la maniere de viure des natiōs foraines, & aussi de peur qu'ilz ne mettent en oubly l'usage & science de la mer.

☛ Des

*Manuscripte pour l'edit*  
*manuscripte*  
*19 mars 1849*

die incurable, ilz les consolent de leur parole, de leur presence, en adioustant finalement tous les contortz qu'il est au monde possible de leur donner.

Et si la douleur n'est seulement irremediable, ains continuellement vexe & afflige le pauvre patient, lors les prestres & gouuerneurs du pais viennent admonnester le langoureux, lui remontrantz puis qu'il est incapable priué, & estrangé de tous plaisirs & benefices de vie, n'apportant qu'ennuy & fascherie aux autres, a luy mesme nuisible, suruiuant sa mort, ne se doibt determiner de plus longuement nourrir ce mal, & consideré aussi que la vie ne luy est aultre chose que torment, ne craigne mourir, mais qui plus est preigne bon esperance, & sexempte luy mesme de ceste tant douloureuse & miserable vie comme d'une prison & eguillon qui tousiours le poinct, ou de son gré souffre que les autres l'en ostent, & qu'en faisant cela, il destruira par sa mort, non pas son bien & commodité, mais son supplice, & fera prudemment, religieusement & sainctement, apres auoir obey en telz affaires au conseil des prestres, qui sont declarateurs des voluntez de Dieu. Ceulx a qui ilz ont persuadé ces choses volontairement finent leur vie par fain, ou sont induictz a dormir, & en dormant sont deliurez de leurs maux, sans sentir nullement les douleurs de la mort, & croient qu'il est honneste d'ainsi mourir, homme

Mort volontaire.



## Le Second liure.

me n'est contrainct en ce point finer ses iours, fil ny preste son vouloir, & ne laissent de luy faire plaisir & seruice durant sa maladie, autrement celuy qui se donneroit la mort sans l'autorité & conseil des prestres & du Senat son corps n'est point brulé ne mis en terre, mais iecté sans sepulture vilainement dedans quelque palus ou borbier, vne fille ne se marie point en ce pais qu'elle n'ayt dixhuit ans, & vng compaignon qu'il n'ayt vingt & deux ans. Si l'homme ou la femme deuant quilz foyent mariez sont conuaincuz de furtiue lubricité, on les punit griefuement, & sont priez d'estre iamais mariez, si le prince ne leur faict grace. Le pere & la mere de famille ou tel acte a esté perpetré, cōme n'ayāt point biē faict leur debuoir de les garder, demeurerēt en grande infamie & scandale.

Des mariages.

Et ce qui est cause qu'ilz font si grosse punition de ce delict, cest quilz considerent pour l'aduenir que peu s'entretiendroiēt en amour coniugale, ou il fault vser sa vie avec la partie, & endurer les ennui & fascheries de mariage ce pendant, si diligemment n'estoient refrenez & retrenchez d'adultere.

Le rit & mode qui semble a nous irraisonnable & ridicule a choisir femmes, ilz l'observent a bonescient, grauement & sans moquerie.

\* Quand quelqu'un d'eulx se veult allier par mariage a quelque ieune pucelle, ou femme veufue

veufue, vne mere de famille honneste & saige fera despoullier ladicte fille ou femme la presentant deuant l'amoureux, autāt en fera quel que vertueux homme dudit amoureux, le liurant tout nud deuant lamoureuse, & contempleront l'un lautre hault & bas, pour cognoistre se tout y est bien accompli, or cōme nous n'approuions ceste coustume, nous en moquant comme chose mal decente & deshōneste, les Vtopiens feirent responce, qu'au contraire ilz s'esmerueilloient de la grande folie de toutes les aultres nations, lesquelles quand il est question d'achapter seulement vn cheualot de cinquante souldz,

Ilz ont rant de peur d'estre trompez, que iacoit ce qu'il soit quasi tout nud, encore refusent, ilz à l'achapter, sinon ne luy oste la selle & la bride, de peur que soubz ces couuertes la il ny ait quelque vlcere cacheé.

Et quand ilz se dementent de choisir vne femme, dont il vient plaisir ou fascherie qui durent toute la vie, ilz sont si peu songneux, qui la prennent non sans grand peril & danger d'estre mal assortez, si par apres quelque chose ne leur plaist, ne la voyant seulement q̄ par le visage descouuerte, ou a grand peine y il la largēt d'une paulme, si que tout le demourant du corps est enueloppé & couuert de robes & acoustrementz.

Certes les Vtopiens ne se tiennent point si saiges, qu'ilz ayent esgard seulement à la  
la



## Le Second liure.

la bonté d'une femme, les plus prudentz mesmes de ce pais quand ilz se marient, veulent bié qu'avec les vertuz de l'esprit de leurs femmes, soient adioustées aussi les graces & perfections du corps.

Les diuorces.

¶ Veritablement telle difformité se peult recoufer soubz telles enuelopes & rideaux, que elle pourra totalement aliener le coeur d'un mari d'aymer iamais sa femme, lequel ne se peult plus separer du corps de ladicte femme. Et sil viét a cognoistre ceste difformité apres le mariage contracté, il fault quil endure & se contente, doncques il est mestier deuant le mariage d'y pourvoir par loix & ordonnances affin que nul n'y soit trompé, & d'autant plus soigneusement les Vtopiens y ont pense, pour ce que cest la nation seule qui entre toutes autres, de ceste partie la du monde, se contente d'une seule femme, & le mariage en celieu ne se rompt pas souuent autrement que par mort, si adultere n'en est cause, ou fascherie & ennui de complexion qu'on ne peult tolerer. Quand le mary ou la femme sont offensez par adultere, a celuy qui a droict est donné cōgé par le Senat de changer sa partie, celuy ou celle qui a tort demeure scandalizé & infame & ne se peult iamais remarier, de repudier sa femme maulgre qu'elle en ayt, qui n'a faict faulte, & pource qu'il luy est aduenu quelque maladie, ou accident en nulle sorte ne l'endurent.

\* Ilz



Ilz disent que c'est chose inhumaine de delaisser vn personnage specialement quand il a necessité de confort & consolation, & de se moustrer desloyal a femme & mary quand il est vieil, veu que vielleffe est subiecte à beaucoup de maladies, & mesmes est vne vraye maladie, quand au reste, il aduient aucunes-foys quād deux gens mariez ne peuuēt durer ensemble, de leur volonté & accord se separent, & treuvent parties avec lesquelles ilz esperent viure plus doucement, & se mariēt, mais non pas sans l'autorité du parlement, qui n'admet poinct le diuorce se la cause ne luy est diligemēt congneue par le recit des maris & des femmes.

Encore cela ne se faiēt facilement, pour ce que la court congnoit que cest espoir facile de nouveau mariage propose & mis deuant les yeulx des personnes n'est chose vtile a entretenir & conformer l'amour entre gens mariez.

¶ Ceulx qui rompent mariage sont puniz de griefue seruitude, c'est a scauoir quand vn hōme marié se ioue avec vne femme mariée aultre que la sienne, ou qu'une femme mariée prend son plaisir avec vn aultre que son mary, ceulx à qui on a faiēt tort repudient les adulteres, & leur est permis de se marier ensemble silz veulent, ou a d'autres ou bon leur semblera.

¶ Mais si vn hōme qui a esté offensé ou vne  
K femme,



## Le second liure.

femme ne veulent abandonner leurs parties, & persistent en l'amour d'icelles, qui leur ont fait si grand desplaisir, ne leur est inhibé ne defendu de viure ensemble en mariage, pour ueu que l'innocent voise avec celuy qui est cōdamné d'estre en seruitude & besougnent cōme les aultres serfz & criminelz.

Et de cela aduient aulcunuesfoys que la penitence de l'un, & soing proffitable de l'autre tournât le prince à pitié, les remet en leur premiere liberté, mais si celuy qui a offensé recidiue, on le fait mourir aux aultres delictz nulle loy a establi certaine punition, mais d'autant que le crime est atrocé ou legier, d'autant la peine est decernée grande ou petite par les Senateurs.

Punitions  
estimees a  
l'arbitrage  
des offi-  
ciers.

¶ Les maris punissent leurs fēmes, & les peres & meres leurs enfantz filz n'ont commis chose si enorme, qu'ilz les faille punir publicquement pour donner exemple aux aultres.

Mais communément les gros pechez sont punis de seruitude, & pensent les Vtopiēs icelle seruitude n'estre moins griefue & triste aux delinquantz que si on les faisoit mourir, & si apporte plus grand proffit à la republicq. \* Certes leur trauail est plus vtile & plus proffitable que leur mort, & par leur exemple destournent plus longuement, & donnent terreur aux aultres de faire le semblable.

¶ Et si en ce point traictez ilz se rebellent &

& recalcitrent, finalement ainsi que bestes indomptées & felonnes, sont occis lesquels la chartre aussi les chaines n'ont iceu refraindre ceulx qui portent leur captiuité patiemment ne sont exemptz totalement de toute esperance.

¶ Apres auoir esté domptez & chastiez par longs tormentz, si'on voit en eulx telle penitence, qui tesmoigne & donne apparence que le peché quilz ont commis leur soit plus desplaisant que la peine qu'llz souffrent la seruitude est mitigée, ou remise par la prerogative & autorité du prince, ou par le commun accord du peuple, auoir sollicité vne fille pour la deflorer, il n'ya moins de danger que de l'auoir violé.

¶ Ilz esgalent tout effort & propos delibéré à l'acte, en tout crime, & la volonté reputēt le faict, disantz que l'empeschement ne doit profiter à celuy, auquel il n'a tins qu'il ait eu empeschement.

¶ Les Utopiens prennent grand plaisir aux folz. Et tout ainsi comme c'est grand deshonneur & reproche de leur faire oultrage & iniure, par semblable ne defendent point que on ne preigne recreation a leur folie: Et disent que cela tourne à grand bien aux folz, pour ce que si aucun est trouué tant seuer & triste que il ne rie des faictz & dictz que on veoit en vng fol il ne luy donnent iamais la tution & garde dudit fol, craignantz

La punition quilz font de ceulx qui sollicitent les filles pour les deflorer.



## Le Second liure.

De ceulx  
qui se far-  
dent,

Les Vto-  
piens inci-  
tent leurs  
citoyens à  
faire leur  
devoir  
par loyers  
& presetz

qu'il ne soit assez doucement pense de celuy  
à qui il ne peult apporter fruit aulcun, ou de  
lectation, qui est le seul bien qui les tient  
en santé & bonne disposition, de se truffer ou  
gaudir d'un personnage laid ou imparfait de  
ses membres, ce n'est le deshonneur de celuy  
qui est mocqué, mais de celuy qui fait la ion-  
cherie, qui luy reproche follement comme si  
c'estoit vice vne chose qui n'estoit point en  
sa puissance d'eiter & escheuer, ainsi que les  
Vtopiens sont d'opinion q̄ de ne garder point  
sa beaulté uaturelle, c'est à faire à gens nōcha-  
lans & paresseux, aussi reputent ilz insolence  
deshonneste de se farder.

¶ Ilz sont d'aduis que par cest vsaige aulcun  
ne grace de beaulté de femmes ne doibue e-  
stre tant recommandable à leurs maris, com-  
me bonté de meurs & reuerence. Et tout ain-  
si comme on veoit qu'aucuns se delectent en  
la seule beaulté, d'une femme aussi n'est il hō-  
me qui y soit retenu, si n'y treuve vertu & o-  
beissance,

¶ Les Vtopiens ne donnent seulement ter-  
reur par punitions à ceulx qui auroient vou-  
loir de mal faire, ains se nōment à vertu ceulx  
qui ont vouloir de bien faire par prix & hon-  
neurs mis deuant leurs yeulx, pour tant on  
ilz coustume de faire mettre en lieux pnblic-  
ques les statues des excellentz personnaiges  
qui ont fait quelques plaisirs à la republicque  
en souuenance de leurs bons actes, affin que la  
gloire



gloire de leurs maieurs soit vn esperon & incitation aux vertuz à leurs posterieurs.

¶ Celuy qui sera attainct d'auoir pretendu à quelque dignité ou office par corruption, ne ayt iamais espoir de paruenir à aulcunne, ilz frequentent & conuersent ensemble amiablement, les officiers ne sont arrogantz, fiers, ne terribles, ilz sont nommez peres, & se montrent telz, volontairement on leur fait l'honneur qu'on est tenu de leur faire, les subiectz ne les honorent maugré eux, les robes precieuses, ne la couronne ne deuise point le prince des aultres, on le congnoist seulement a vne poignée & glenne de blé qui se porte deuant luy, comme l'enseigne d'un Euesque & prelat est vn cierge que quelque ministre tiét en main deuant luy.

Iugement  
des ambi-  
tieux.

\* Ilz ont bien peu de loix, & s'en contentent pour ce qu'ilz sont bien regis & gouuernez, & blasment specialement ceste chose chez les aultres nations, cest asscauoir qu'infinitz liures de loix & d'interpreteurs ne leur suffisent, ilz disent que c'est chose tresiniuste, qu'aucuns hommes soient obligez à telles ordonnances, qui sont en si grand nombre qu'on ne les sca-roit parlire, ou si obscures qu'ame ne les entend, les aduocatx aussi qui traictent les causes finement & cauteleusement, & disputent des loix trop subtilement & malicieusement sont tous expulsez de leur republicque, disantz que c'est le profit que vn chascun mene

La dignite  
du prince.



## Le second liure.

sa cause, & que il racompte au iuge, Les choses mesmes que il pourroit, reciteroit à son aduocat.

⁂ Ainsi y a il moins d'ambages, & plus facilement on tire vne verité, quand celuy mesme qui playde compte sa matiere, lequel nul aduocat ne luy a appris vn tas de fineses & fainctises dequoy ilz ont accoustumé d'user.

\* Parquoy le iuge diligemment & industrieusement pese toutes choses, & ayde aux hommes simples, contre les tromperies des rusez & caultz, ce qui est difficile d'observer chez les aultres nations entre si grand tas de loix perplexes & douteuses.

¶ Quand au reste, en Vtopie vn chascun est bon legiste, car comme iay dit il ya bien petit nombre de loix, & tant plus en est l'interpretation grossiere, d'autant plus ilz l'estiment equitable & droicturiere.

⁂ Consideré (disent ilz) que toutes loix se promulgent, affin que chascun soit admonnesté de faire son office & debuoir, quand ladite interpretation en est plus subtile & cachée peu en ont la cognoissance, parquoy peu en sont administratz, mais quand le sens en est plus facile simple & vulgaire, il est manifesté à tous aultrement auoir si grand monceau de loix qui touchent le peuple, & a besoing d'en estre admonnesté & les scauoir, & ne les peult entendre, qu'elle difference y trouuez

vous

vous sinon qu'il seroit aussi vtile de n'en auoir poinct faict qu'apres qu'elles sont establies les interpreter en sorte que nul ne les peult exprimer sinon par grand esperit & longue disputation, a quoy ne peut attaindre pour en chercher le sens, vn peuple rude, & de gros entendement, & aussi sa vie n'y peult suffire & vacquer, pource qu'elle est empeschée aux choses qui luy sont necessaires touchant boire & manger.

¶ Les peuples voisins incitez de la bonne police & vertu des Vtopiens, lesquelz peuples francz & libres, vont leur demander des officiers & gouuerneurs si que les vnz en impetrent tous les ans, les aultres pour cinq ans, (certes lesdictz Vtopiens ia de long temps en ont deliuré plusieurs de tyrānie) puis quād lesdictz gouuerneurs ont faict leur temps ilz les remenent avec honneur & louenge, & en remenent de nouueaux en leur pays.

Ainsi lesdictes nations tresbien certes & salutairement poruoyent à leur republicque, de laquelle veu que le salut & grand despend de meurs des chefz, & magistratz, qu'eussent ilz peu plus discrettement & sagement eslire, que ceulx qui sont incongneuz à leurs citoyens, & qui ne peuuent estre diuertis de honnesteté par or ne par argent (que leur proffiteroit l'or & l'argent, veu quilz font retour en peu de iours en leur pais, & puis ilz n'en n'ont nulz vfrage) & aussi ceulx que on



## Le second liure.

ne peult fieschir pour l'amour ou la hayne d'aulcun.

¶ Ces deux maux icy auarice & affection depuis qu'ilz s'appuient à quelques iugementz, soudain peruerussent & rompent toute la bõne iustice, qui est le trespuissant nerf de la republique.

Lesvtopiés  
ne font ia  
mais paix  
avec les  
autres na  
tions.

Les Vtopiens appellent ces peuples a qui ilz baillent des gouuerneurs, qui par eulx leur font demander, leur confederez & alliez, & les autres à qui ilz ont faictz quelques biens ilz les nomment & appellent leurs grandz amis.

La paix que les autres peuples font si souuent entre eulx, & mesmes la rompent, & renouellent. Les Vtopiens ne s'en soucient, & n'en font iamais avec nation aulcune, de quoy sert faire paix disent ilz. Il semble que nature ne soit assez suffisante de metre amitié entre les hommes, & quicõque la cõtenne il a plus de soing du cõttract verbal qui se faict de la paix, qu'il n'a de la chose mesme.

Et ce qui les attire à ceste fantasie la, cest qu'en ces quartiers circonuoisins de eulx, les princes ne gardēt gueres fidelement leur promesses, ne la paix aussi.

Certes en Europe, & principalement es parties q̃ la foy de nostre Seigneur Iesuchrist & la religion possede, la maiesté & autorité de la paix est sainctement & inuiolablement obseruée, & en partie par la iustice & bonté  
des

des princes chrestiens, aussi pour la reuerence & craincte des papes, a qui on ne promet rien qu'on ne tienne, & autant en font ilz religieusement & entierement, & commandent à tous princes quilz demeurent constantz en toutes leurs promesses, & ceulx qui y contreuenient les contraignent par censures. & a iuste droict ilz pensent que ce soit chose deshonnestes, si la foy deffault commun à ceulx qui sont en leur nom appelez fideles.

\* Mais en ceste nouuelle rondeur terrestre, c'estascauoir. Pres des Vropiens, que la ligne de lequiucxe separe a grand peine si loing, de cestuy nostre pays, que la vie & les moeurs different, il n'ya point d'asseurance à la paix & d'autant plus qu'elle est estraincte & confor-mée de plusieurs saintes cerimonies, d'autant plus legierement elle rompt, pource que facilement se treuve aux contractz & appoinctementz quelque parole de finesse & tromperie, qui y est inserée & dictée tout de gré par cautelle, en sorte que lesdictz contractz ne peuuent estre estrainctz de si fermes obligations, qu'il n'eschappe quelque mot, qui soit cause a la fin de la deception & mocquerie de la paix, ensemble de la promesse & foy.

\* Et si ceulx qui sont avec les princes qui se glorifient auoir eulx mesmes esté inuentifz de ce conseil, trouuoient ceste ruze frande & deception aux contractz & apoinctementz, des personnes princes, ilz criroient apres eulx  
par



## Le Second liure.

par vne fieré & grande arrogance, & diroient que ce seroit vray sacrilege, & chose digne destre punie, au gibet, dont il aduient que iustice ne semble estre aultre chose qu'une vertu vulgaire, triuale & de petite estoppe, qui est plantée & assize tout au bas du Throne royal ou a tout le moins quil soient deux iustices, l'une allant à pied & ioygnant de la terre appartenant au peuple, qui soit enchainée de tous costez de plusieurs chaines de craincte quelle ne se iecte hors de lenclos ou elle habite. L'autre est la iustice des princes, qui d'autant quelle est plus magnificque & sumptueuse que la iustice du peuple, d'autant est elle plus libre & franche, à la quelle nest rien illicite, si non ce quil ne luy plaist point.

¶ Je croy que ceste maniere de viure des princes susdict, qui gardēt tant mal la paix, est cause que les Vtopiens nen veulent point faire, & silz viuoient en ce pais icy, possible changeroient ilz leur opinion. Iacoit ce quil semble aux susdictz princes, que la paix en ce poinct soit bien gardée, non obstant ceste coustume mauuaise dainsi confermer ladicte paix aprins accroissance en le pays, par laquelle est faict que les hommes pensent estre nez. Pour estre ennemis lvn à lautre, & que iustement se peuēt entreuire si la paix ne le defend, (quasi comme si lalliance de nature ne fust vaillable assez de ioingdre & allier vn peuple avec vn aultre peuple, qu'une coste ou vn ruisseau separe par  
petite

quelques iours determinez s'exercent audict mestier, de crainte qu'ilz ne deueinnes rudes & mal adextre, quand l'usaige le requiert, toutes fois communement.

¶ N'entreprennent bataille, si ce n'est pour defendre & garder leur terre & limites, ou pour repousser les ennemis respenduz parmy les champs de leurs amyx & alliez, ou par compassion deliurer quelque peuple oppresse de tyrannie, de la seruitude & ioug d'un tyrant, ce quilz font de tout leur pouoir par humanité & clemence.

¶ Combien qu'ilz facent plaisir de leur aide, & non pas, pour eulx defendre tousiours mais aulcunefois pour rendre & faire la vengeance du tort faict à leurs amis.

\* Mais scauez vous comme ilz font cela, certes ilz le font quand on va par deuers eulx à conseil, & que la chose est encore entiere, & s'ilz sont d'oppinion qu'on doibue faire la guerre, & approuent la chose, quand on a demandé ce qu'on querelle, & laduerse partie nen veult faire restitution, alors eulx mesmes establisent & constituent la guerre estre menée, & non seulement toutes les fois que les ennemis ont faict courses & ribleries & emporté quelque butin, mais encore plus cruellement quand en quelque lieu on a faict iniure aux marchantz de leurs dictz amiz soubz couerture de loix inicques, ou quilz ont esté trompez soubz couleur de iustice par mauuai  
se



## Le Second liure.

se interpretation, & sinistre desguisement des bonnes ordonnances. Iamais lesdictz Vtopiens n'entreprendrent faire la guerre contre les Alaopolites à la faueur des Nephelogenes) qui fut faicte vn peu auant nostre temps) si non pour ce que les alaopolites soubz vmbre d'acquie & droict ouoient faict outrage aux marchantz, des Nephelogenes ainsi quil leur sembloit.

¶ Or fust a droict ou à tort l'iniustice fut punie par si cruel conflict, que toutes les deux nations qui estoient treflorissantes en souffrirent grosse perte, si que les Nephelogenes furent grandement indommaigez, & les Alaopolites deffaietz & vaincus, puis la reddition & seruitude desdict Alaopolites termina beaucoup de maux qui sourdoient de iour en iour, & si multiplioient l'vn de l'autre. Par laquelle reddition & seruitude lesdictz Alaopolites tumberent en la subiection de Nephelogenes, qui n'estoient à comparer en cas d'opulences & richesses aux Alaopolites.

\* Or a ceste iournée n'estoient assemblée seulement les puissances de ces deux peuples, ains aussi l'inimitie, les effortz, & les biens des nation circonuoisins.

¶ Voila comme les Vtopiens poursuiuent asprement l'iniure faicte à leurs amys, pour argent & pecune, & ne se vengent pas ainsi du tort qui leur est faict à eulx mesmes.

¶ Si dadventure il aduient quilz soyent deceuz

deceuz en perdant de leurs biens, moyennent qu'on ne face point deffort & violence à leur corps, ilz ne se monstrent point aultrement ennemys, si non quilz ne veulent frequenter ne traphicqr avec leursdictz ennemis, iusques à ce quilz ayent satisfaiët.

20 Non quilz ne soiët aussi soigneux de leurs citoiens, comme de leurs confederez, mais ilz sont plus mal contentz qu'on tould le bien d'iceulx alliez, que le leur propre, pour ce que les marchantz de leurs amis.

\* Quand ilz perdent quelque chose, c'est de leur argent ou bien particulier, & pourtant en recepuent ilz plus de dommaige.

\* Mais leurs citoiens filz perdent quelque chose, tous participent à la parte, car cest du bien publicq, puis de ce quilz ont en abondance chez eulx, cest comme vne chose superflue, & qui aultrement ne se transporte dehors du pays, par quoy s'il en aduient detrimët, asme deulx ne sen sent: pourtant sont d'opinion que ce seroit trop grande inhumanité de venger tel dommaige par la mort de plusieurs, duquel personne dentre eulx n'en aperçoit l'incommodite, ou en son boire & menger, ou à lentretenement de son corps & sa vie,

¶ Quand au reste si aulcun diceulx est en quelque contrée blecé, ou mis à mort soit par conseil publicq, ou particulier, la chose



## Le Second liure

chose congnue & auerée par leurs ambassadeurs, iamais on ne les appaise qu'ilz ne denoncent la guerre, si les coupables ne leur sont réduz lequelz ilz punissent de mort ou seruitude victoires acquises par sang, leur faschent, & mesmes en ont honte, estimant estre vne bestie dachapter trop vne marchandise, combien quelle soit precieuse.

Ilz se glorifient & resiouissent grandement quand leurs ennemys opprimez, sont vaincuz par fraude & finesse, & en triomphent publiquement pour ceste chose, dauantaige pendent les despouilles desdictz ennemis en quel que lieu eminent, comme si ce fust vne grand promesse dauoir ainsi vaincu.

\* Finalement se vantent dauoir faict acte vertueux & bellicqueux, toutesfois quen ce poinct ont acquis la victoire, cestascauoir par force desperit & subtilite, ce quvne aultre beste ne peult faire, fors lhomme.

\* Certes disent ilz, les ours, Lyons, sengliers Loups, chiens & aultres bestes ne bataillent si non par force corporelle, entre lesquelles ainsi que maintes nous surmontent de puissance & cruaulté, aussi nous les surmontons toutes desprit & raison.

\* En leurs guerres ilz ont esgard à vne chose, cest quilz se contentent quand ilz obtiènent le cas dequoy ilz querellēt, lequel sil leur eust esté otroyé des le commencement, neussent faict la guerre.

¶ Mais

¶ Mais si la chose va autrement ilz appetēt si seuerē vengeance de ceulx à qui ilz impuent le faict, que la terreur pour l'aduenir les destourner de s'enhardir à faire le semblable.

¶ Voila le but qu'ilz establisent de leur volonté, lequel toutefois ilz viennent à toucher avec prudence & maturité & quand il en est temps.

\* En sorte quilz sont bien plus soigneux d'euitier sil est possible l'aduenture & peril, de guerre, que d'acquérir bruit & louenge par icelle.

¶ Doncques incontinent que la guerre est denoncée, font de petit z escriptz, ou scedules. lesquelles ilz signent de leur seing publicq, & les font pendre secretement sur la terre de leurs ennemis, en quelques lieux emineulx, tout en vn temps, par lesquelles ilz promettent grands salaires à ceulx qui occiront le prince ennemy, puis font promesse aussi de donner loyer (non pas si grand, mais toutefois opulent & magnificque) à ceulx qui en feront autant aux personaiges desquelz les noms sont specifiez en ces mesmes schedules, lesdictz personaiges condamnez par eulx à mort, & sont ceulx qui apres le prince ont esté inuenteurs du conseil print contre eulx pour faire la guerre.

¶ Tout ce quilz ont determiné de donner aux meurtriers susdict, ilz le doubtent quand on leur amene vn desdictz personaiges pres-

L

criptz



## Le Second liure

criptz en vie. Et mesmes si ceulx qui sont proscriptz & cōdānez veulēt faire le semblable envers leurs compaignons, ilz ont le loyer que i'ay allegué, & leur remet on la paine qui leur estoit deputée par quoy il ce faict de legier, que ledict prince & aussi lesdictz proscriptz ayent diffidence de tons les aultres, & mesmes ne se fient pas l'un à l'autre, & ne sont gueres asseurez, & sont en grand' craincte, & non en moindre peril.

\* Il est tout clair que souuentefois par cela est aduenue, que la plus gande partie, & mesme le prince ont esté trahyz de ceulx à qui ilz se fioient, totalement.

\* Voila comment les dons & presentz contraignent & poussent à tout mal, ceulx qui sont, auaritieux & qui n'ont iamais suffisance.

✶ Les Vtopiens recordantz en quel danger iceulx dons admonnestent les hommes de se mettre, metent peine que la grandeur du peril soit recompensée, par magnitude & abondance de biens, pourtant promettent ilz non seulement gros mouceau d'or, ains terres & lieux de grād reuenu, en endroictz seurs chez leurs amy, lesquels ilz assignent comme leur propre & a iamais, a ceulx qui font telz actes, & leur tiennent promesse fidelement & entiere.

✶ Les Vtopiens s'estiment acquerir grand honneur, comme gens prudentz & discretz, par ceste mode de mettre a pris & achapter son ennemy, que les aultres nations blasment & reprouent

De la description de l'Isle d'Vthopie. 82

reprouent, cōme si ce fust le faict d'un cœur cruel & degenerant d'humanité, alleguent pour leurs raisons lesdictz Vtopiens, quen ce poinct se prennent & exemptent de grosses guerres, sans coup ferir, & qu'ilz sont humains & misericordieux, pour ce quilz rachaptent la vie de grande quantité d'innocentz par la mort de peu de coupables, lesquels innocent eussent esté tuez en bataillant, tant de leur coste comme de la part de leurs ennemis.

\* Certes ilz ont quasi aussi grande pitie du commun peuple & tourbe ennemie comme de leur, scachantz que de leur gré ilz n'entreprennent la guerre ains y sont constrainctz par la furie des princes.

Or si la chose que iay deuant dicte ne viēt ainsi, ilz treuvent le moyen de semer quelque discorde entre le frere du prince (fil en a) & le dict prince, ou entre luy & aulcun gros seigneur de la court, luy donnant esperance de iour quelque fois du royaulme.

\* Si telles sortes de lignes & factions ne se peuuent faire au royaulme, ilz suscitēt a leurs ennemis le peuple voisin, & les mettent en different, faisant venir quelque viel tiltre, ou droit de quelques terres a lumiere, de quoy les rois ne sont iamais dessans. Dauantaige leur pmettēt aide de leurs biēs pour mener la guerre, & leur esslargissent abōdāmēt or & argent pour ce faire. quād est de leur citoiēs le moins qlz peuuēt les hasardēt auxcōfiētz, lesquels



## Le second liure.

ilz cherissent & aymât tant, & mesmes iceulx present tant l'un l'autre, quilz ne voudroient volontiers changer & permuter l'un d'entre eulx, pour vn prince ennemy.

¶ Et pour ce que tout l'or & l'argent qu'ilz ont emploie seulement à l'usage de la guerre, ilz ne le distribuent pas enuis, ny à regret, car sil estoit tout dependu à c'est affaire, ilz ne laisseroient à grassement vint comme ilz ont de coustume.

¶ Aussi oultre leurs richesses domesticques, ilz ont vn thresor infini hors de leur pays, auquel sont obligez comme iay dict deuant, plusieurs nations, ainsi entretiennent de cela de tous costez gens de guerre qui sont à leur soulde, & les enuoient aux conflictz quand besoing en est & principalement les Zapoletes.

¶ Ce peuple est loing d'Vtopie deux centz cinquante lieues, vers soleil leuant, vne nation mal en ordre, mal dressée, & mal ornée quand au corps & habitz, agreste, cruelle, tenant de la nature des forestz & aspres montaignes ou ilz sont nourriz, vne gêt dure, patiente au froit & ttauail, ignorante de tous plaisirs & voluptez, ne saplicquêt au labouraige, nonchalante dedifices & vestementz ayant seulement le soing des besteaulx, & pour la plus grand' partie viuant de venaison, & choses desrobées.

¶ Ces gens la sont seulement nez à la guerre

guerre, cherchantz tous les moiens de guer-  
roier, & depuis quilz les ont trouuez, ilz lespré-  
nene conuoiteusement, puis partent de leur  
pais en grosse trouppes, s'offrent pour bien pe-  
titz gaiges. à tous ceux qui les demandent, ilz  
scauent seulement le mestier, de quoy on ac-  
quier la mort, ilz bataillent vertueusement  
vaillamment & fidelement pour ceulx qui les  
gaignent, mais ilz ne s'obligent a nul certain  
iour, ilz se viennent rendre a vn party soubz  
ceste condition, que si le iour d'après l'aduerse  
partie leur donne plus gros gaiges ilz y de-  
meureront.

\* Et si le iour ensuiuant les premiers quilz ont  
seruiz, leur offrent dauantaige, ilz retournent  
soubz leur soule.

\* On ne faict gueres de guerres, que la plus  
grande partie diceulx ne soit en lun & l'autre  
exercite: parquoy aduient de iour en iour que  
ceulx mesmes qui sont de parentaige & affins  
qui estoient gaigez ensemble, & suiuoient vn  
party, & viuoient familièrement & amiable-  
mēt les vnz avec les autres, vn peu apres ti-  
rés & separés en diuers ostz, guerreient mor-  
tellement lvn contre lautre, & dvn couraige  
malueillent oublieux de leur race & amitié  
s'entretient. Non esmeuz & incitez, pour aul-  
tre cause à s'entredommaiger & nuire, si non  
quilz sont pour bien petit d'argent faictz sou-  
dardz de diuerces pices, ausqz argent ilz met-  
tent si fort leur phantasie, que si treuvent qui



## Le Second liure

leur dōne vne piece oultre leurs gaiges quilz recoipuēt pour iour, facilement ilz seront instuictz a changer de partye.

\* Ainsi legierement sont ilz abreuez dauarice, qui ne leur profiste toutefois en rien.

\* Certes ce quilz acquierent par sang, ilz le consomment & dissipent soudain, en superfluite & excès miserable.

\* Ce peuple icy mene la guerre pour les Vtopiens contre tous venantz, pour ce quilz sont mieulx gaigez desdictz Vtopiēs que de metz aultres. Ainsi que les Vtopiens s'accommuniqent de gens de bien desquelz ilz vsent, aussi fallient ilz de mauuais guarnement de quoy ilz abusent. Lesdictz quand il en est tēps, sont par eulx exposez aux hazardz & grands dangers, par l'impulsion & attraiēt de magnifiques promesses, dont souuent la plus grand partie diceulx meschantz aduenturiers, ne reuiēnēt de la guerre, pour demāder ce qui leur estoit promis, A ceulx qui demeurent viuantz ilz leurs tiennent promesse fidelement & entierement, affin quilz les enflamment pour laduenir a semblables entreprinſes & hardiesſes. Ilz nechault pas beaucoup aux Vtopiens silz perdēt gros nombre desdictz Zopoletes considerantz quilz feroient grand plaisir au genre humain, silz pouoient nettoier & purger le monde de tout cest amas de peuple tāt mauuais & detestable.

Après

¶ Apres cesdictes bendes d'aduenturies, les Vtopiens vsent des cōpaignies de ceulx pour quaulcunefois ilz prennent les armes pour les defendre, puis faident de la gendarmerie de leurs amis & confederes, finablement ilz y adioustent leurs citoyens, dentre lesquels ilz eslisent vn homme de guerre esprouué quilz constituent chef de toute larmée, auquel ilz substituent deux lieutenant, mais ce pendant que ledict capitaine & columnal est saing & entier, les deux aultres nōt nulle charge, mais sil est prins ou tué, lvn des deux lieutenant luy succede comme par droict hereditaire, puy a lautre lieutenant est adioinct vn tiers affin que si dadventure le capitaine perissoit, tout lexercice ne fust trouble & mis en ruyte, (comme le sort de guerre est variable) de chacune cité on eslit vn de leurs soudartz, qui sexercite au train de la guerre pour ces fins que iay icy deuant dictes.

\* Iamais on ne pousse aux armes, pour guerroyer dehors, vn personnaige maugré quil en ait.

¶ Pour ce quilz sont biē auertiz & asseurez que si aulcun de sa nature est craintif, il ne fera rien de promesse, mais qui pis est donnera craincte a ses cōpaignons.

¶ Mais sil est question, que quelque bataille suruienne en leur pays, ilz mettent telles manieres de gens lasches &



## Le second liure.

couartz (moyennant, quilz soient sains) dens les nauires, parmy les hards & cheualereux ou ilz les placent ca & la sus les murailles, en quelque lieu ou ilz ne puissent fuir, ainsi la hôte quilz auroient de tumber entre les mains de leurs ennemis, & le desespoir de fuire, ostent la craincte, & souuent lextreme necessite se conuertit en prouesse & magnanimité.

Et tout ainsi que nul deulx nest mené à la guerre oultre son vouloir, aussi on ne defend point aux femmes dy aller fellesveulent compaigner leurs maris.

\* Mais qui plus est y sont admonestées & incitées par louenges

\* Et quand elles sy treuvent sont rengées ioygnâtes de leursdictz maris, & tout a lentour sont mis leurs enfantz, leurs parentz & leurs affins, afin que mieulx puissent secourir les vnz les aultres.

\* Et dauantaige nature les esmeut plus a sentre ayder, que silz nestoient de parentaige.

\* Ce leur est vn grand vitupere & esclandre quand lhomme reuiet de la guerre sans sa femme, ou la femme sans lhomme.

\* Ou quand le filz retourne apres auoir perdu son pere dont il se faict que ceulx qui ont encouru tel reproche, filz viennent entre les mains des Vtopiens ilz sont iugez a estre



à estre longuement avec tristesse & ennui à la guerre iusques a la mort, moyennant que les ennemis perseuerent a guerroyer. Tout ainsi comme sur toutes fins ilz sont songneux d'eviter que ilz ne bataillent eulx mesmes, se ilz peuvent estre exemptz de si trouuer, & mettre à lieu quelques souldoyers, pareillement quand il ne se peult faire autrement, qu'il ne faille qu'ilz ne soyent presentz au conflict. ilz l'entreprennent aussi hardiment, comme ilz ont prudemment refusé, autant qu'il leur a esté licite, & ne s'eschauffent poinct tant de la premiere impetuosité, qu'ilz s'en affoiblissent par traict du temps, ains persistent, & par continuation s'enforcent petit à petit, & ont le courage si ferme qu'on les tueroit plus tost que de leur faire tourner le dos.

¶ Certes ceste assurance de viures qu'un chascun a en sa maison, & le nonchaloir de passer pour l'aduenir de leurs posterieurs (qui est un foulcy qui debilité en tous lieux les coeurs magnanimes les esleue, & ne se laissent pour ceste cause succomber.

¶ D'aduantage le scauoir qu'ilz ont aux armes leur donne confiance. Finalement les bons propos, & droicturieres opinions par lesquelles ilz sont des leur ieunesse instruits aux bonnes ordonnances de leur re publicque, leur adioustent vertu & prouesse: par laquelle ilz ne mesprisent pas tant leur vie, quilz la voient exposer aux dangers follement, aussi ne la tiennent



## Le second liure.

nent ilz poinct si chere, que quād honnesteté les induict a la mettre en peril, quilz la vueillent retenir auaritiusement & honteusement.

¶ Quand ilz sont en la grand chaleur de conflict & au fort de la guerre, vne bēde des plus cheualeureux iouuenceaux qui ont coniuire a la mort du capitaine aduersaire, & qui sont de liberez de viure ou mourir en ce destroict, vont par les rencz cherchant ledict capitaine l'inuadent en apert, ou l'assailent par finesse & ruse, & pres & loing ne demandēt aultre. Finalement par ladicte compaignie qui est grande, & tousiours persistente (quand aucuns sont lassez on en met incessamment de frais a leur lieu) ledict chef est oppugne, si qu'il aduient bien à tard qu'il ne soit occis, ou qu'il ne vienne vif en la puissance de ses ennemis, sil ne se saulue à la fuite.

¶ Si la victoire est pour eulx, ilz n'y vont point par meurtre, ilz prennent plus volontaiement les fuiants a mercy, qu'ilz ne les tuent & ne les poursuient iamais, que ce pendant ilz ne reuiennent vne compaignie de leur gēdarmerie en ordre & equipage chascū soubz son enseigne aussi permettent plus tost que tous leurs ennemis se retirēt, qu'ilz s'accoustument a suiur lesdictz fuiantz (qui seroit pour troubler & mettre en desordre leur exercite) silz n'ont la victoire de l'arrieregarde, posé qu'ilz ayent mis en rouverte l'auantgarde & la bataille:

bataille: ayantz souuenance que maintesfoys leur est aduenu qu'apres que la plus grãd part de tout leur exercice estoit rōpue & succōbée comme leurs ennemis se resiouissoient de la victoire, & poursuiuoient les fuiantz deca & dela: lors vn petit nōbre desdict Vtopiens qui auoit esté mis a part pour dōner secous si mestier estoit de leur gēsdarmerie, & pour entendre aux aduētures & accidētz qui pourroient s'offrir, voyantz lesdictz ennemis vagantz, dispers & respandus en mains endroictz, se tenantz trop asseurez, soudain les vindrēt assailir, & chāgerent la fortune de tout le conflict, si que lesdictz Vtopiens tirerent des mains de leurs ennemis la victoire, qui estoit ausdictz ennemis indubitable & certaine, finalement les vaincuz surmōterent les vaincqueurs leur foys, il n'est pas aisé de scauoir coniecturer si lesdictz Vtopiens sont plus caulx & subtilz à dresser ruses & finesse à leurs ennemis, qu'a euer icelles tromperies, ilz font semblāt aucunnesfoys de vouloir tourner le dos mais ilz pensent de l'opposite, & quand ilz se veulent retirer, leur ennemis estimeront du contraire.

\* Or silz se sentent pressezz de lieu, ou du trop grand nombre de leurs aduers, adonc vne belle nuit, sans faire bruiēt remuent leur camp, ou iouent de quelque aultre ruse, & silz se veulent retirer de iour petit à petit reculent, en gardant si tresbon ordre que



## Le Second liure.

que leurs ennemis ne sont moins en peril de les assaillir ainsi fuiantz, que s'ilz tenoient bõ, ilz munissent leur camp tresdiligemment de fossez larges & profonds, & iectent la terre de dans leurdict camp tout le long des fossez, & en cela ilz n'ont de manouuriers ou pionniers aultres que leurs souldartz, tous y besongnēt fors ceulx qui sont en armes sur les rampartz faisantz le guet, de craĩcte des escarmouches & soudains alarmes, doncques à raison que tant de gēdarmes s'efforcent de fortifier leur dict cāp, plus legieremēt qu'on ne scaroit croire ilz drescent de grādes munitiōs, q' circuissēt & contiennent grande espace de lieu, pour recepuoir & soustenir les coups, ilz sōt armez d'armures fortes & puissantes, qui ne sōt pesātes, n'y empeschantes a se mouuoir & voltiger, si qu'en nageant mesmes ne les griefuēt. En leurs exercices & apprentissages du faict de la guerre, ilz s'accoustument a nager tous armez. Les bastons dequoy ilz bataillent de loing, sont flesches & saiettes, lesquelles ilz tirent puissamment, & fort droict, non seulement à pied, ains aussi a cheual, pour guerroyer de pres, ilz n'usent d'espées, mais d'une sorte de haches qui sont aguées & pesantes, & n'en frappent d'estoc ou de taille qu'ilz ne tuent.

Ilz inuentent industrieusement aucunes machines bellicques & artilleries, & quād elles sont faictes ilz les celent songneusement de craĩcte que leurs ennemis n'en oyent le vent

Les fortes  
des armu-  
res de quoy  
usent les  
Vtopiens.



vent, car c'elles estoient manifestées deuant qu'on vint à la guerre, la chose leur pourroit plus tost tourner a mocquerie, qu'a leur profit, En les forgeant sur toutes choses ilz prennent garde qu'elles soient faciles à mener & à ramener.

Ilz gardent tant entierement & inuiolablement les trefues données avec leurs ennemis, que si sur ses entrefaictes ilz sont prouocqué a guerre, ilz ne les veulent rompre.

Côme ilz  
gardent  
les trefues

Ilz ne pillent ne ne gastent les terres de leursdictz ennemis.

Ilz ne bruslent pareillement les grains mais qui plus est autant qu'il leur est possible ilz mettent ordre que lesdictz grains ne soyent foulez & marchez des piedz des hommes & des cheuaulx, pēsantz que la chose croist pour leur vsage.

\* Ilz n'offensent iamais ne ne blecent vng homme desarmé, si ce n'est quelque espion, les villes qui se rendent à eux, il les gardent mesmes celles qu'ilz ont prinſes par assault, ne les saccagent, mais ilz font mourir ceulx qui ont empesché la redditiō d'icelles, & mettent les aultres defenseurs à seruitude, ilz ne touchent à ceulx qui ne se peuuent defendre, silz treuuuent aucuns qui ayent donné conseil de rendre lesdictes villes, ilz leur donnent quelque portion des biens de ceulx qu'ilz ont condamnez à mourir le reste ilz l'esslargissent aux gendarmes qui sont venuz a leur secours.

Nul



## Le Second liure.

Pour le  
sourd'huy  
les vainc-  
queurs por-  
tēt la plus  
grand par-  
tie des  
frais.

Nul deulx n'amende du butin. Quand la guer-  
re est finée, leur confederez pour qui ilz ont  
bataille ne portent pas les frais, mais les vain-  
cuz, & leur font payer à ceste cause, vne par-  
tie en argent qu'ilz reseruent pour sembla-  
ble affaire de guerre, l'autre partie en terres  
qui leur demeurent tousiours, & qui ne sont  
de petit reuenu.

Ilz ont maintenant en plusieurs nations  
telles sortes de rentes, lesquelles procedées  
petit à petit de diuers affaires se sont mon-  
tées a plus de cinq centz mile ducatz tous les  
ans.

Et sur ces terres la ilz enuoyent quel-  
qu'vnz d'entre eulx demourer, qui sont com-  
me recepueurs, viuantz magnifiquement, &  
se monstrent gros seigneurs en ces lieux.

Après que lesdictz recepueurs sont eulx  
& leur train entretenuz dudit reuenu, il de-  
meure encore gros deniers qu'ilz mettent en  
leur thesor publicque, si d'adventure ilz ne les  
ayment mieulx prester & accroire au peu-  
ple de ce pays.

Ce que ilz font aulcunnesfoys, & les de-  
liurent iulques a ce que ilz en ayent affaire,  
& encore a grand peine aduient il iamais que  
ilz redemandent le tout.

De ces terres la il en assignent vne por-  
tion à ceulx qui se mettent par leur enhor-  
tement au danger que ie ay declaré cy de-  
uant.

la vertu & la gloire au temps passé à resplendi & esté en bruit, mais bien la plus grand partie, & la plus sage d'entre eulx ne croit rien de tout cela, mais pense qu'il est quelque seule deité a eulx incongneue, qui est eternelle, immense, inexplicable, & qu'humaine pensée ne peult comprendre, respandue par ce monde vniuersel, non en sa magaitude, mais en sa vertu qu'ilz appellent pere.

Ilz confessent que toutes choses prennent de luy leur commencement, accroissance, moyen, continuation, changement, alternation & fin, & ne font les honneurs qui apartiēent à dieu, à nul aultre. Et iacoit que tous les aultres ayent vne creance diuerse & differente, ce neantmoins conuiennent avec ceulx cy en ce poinct. C'estascavoir qu'ilz sont d'opinion qu'il est vn souuerain seigneur, auquel on doibt attribuer louange, & la prouidence du monde & son vniuersité, & tous l'appellēt communément en langaige du pais Mythra, mais ilz sont discordantz en ce, car ceux qui adorent le Soleil disent que ce est luy qui est dieu, Ceulx qui adorent la Lune en disent autant & ainsi consequemment des aultres.

Brief vn chascun de ces sectes differentes la croit, que quelque chose que ce soit, qu'il estime estre le souuerain, c'est ceste mesme nature, à la deité & maiesté vnicque de laquelle est totalement attribue par le consentement & accord vnanime, la souuerainneté de toutes

M

choses



## Le Second liure.

choses. Or maintenant tous les Vtopiens se reueltent petit à petit de ceste varieté des superstitions, & s'enforcent & conualident en ceste religion seule, qui semble surmonter les aultres par raison.

¶ Et n'ya point de doubte que toutes telles superstitions ne fussent desia euanouies & abolies si craincte n'eust donné a entendre aus dictz Vtopiens quand il aduient quelque infortune en prenant conseil de changer leur religion, que ladicte infelicité ne vient pas de aduventure, mais procede du ciel, comme si dieu vouloit prendre la vengeance d'eulx pour leur infidele entreprinse de vouloit delaisser le cultiement acoustumé, que leurs maieurs auoient continué iusques à leur temps.

¶ Apres que ilz ont sceu de nous, & ouy parler de nostre seigneur Iesuchrist, de sa doctrine, de ses meurs, & miracles, & aussi de la merueilleuse constance de tant de martirs de quoy nous faisons mention, qui par leur sang volontairement respandu on traduiet & attiré à leur secte si grand nombre de nations on ne scaroit croire comme ilz se sont condescenduz & rengez à ladicte secte chrestienne de grande affection, ce qui est aduenu possible par inspiration de dieu secrette, ou pour ce qu'il leur a semble que nostre dicte secte fust fort approchante de celle qui est chez eulx la meilleure.

¶ Et cela ya beaucoup aydé comme ie croy,

croÿ, de ce qu'ilz auoient entendu que c'estoit le vouloir de Iesuchrist que ses disciples & apostres vescuissent en commun, & que aux religions chrestiennes & conuentz vrayement gardantz leur reigle telle coustume durroit encore, en quelque sorte que cela soit aduenu, plusieurs d'entre eulx se sont aliez en nostre religion, & sont baptizés.

✂ Mais pource que de quatre compaignõs que nous estions nul n'estoit prestre dont ie suis marri, nous ne leur pouions conferer les sacrementz bien est il vray que nous auions les autres ordres, de tout le nombre que nous estions il n'y auoit que nous quatre viuantz, deux s'estoient laissé mourir,

✂ Certes lesdictz Vtopiens desirent encor les sacremetz que nul chez nous s'il n'est prestre ne peut conferer, ilz les entendent, & les desirent plus que nulle aultre chose, mesmes soigneusement disputent entre eux, ascauoir mon si sans l'entremise d'un euesque chrestien quelqu'un de leur nõbre esleu pour estre prestre, acquiert le caractere de prestrise, ilz sembloit quilz en voulsissent eslire, mais quand ie party ilz n'auoient encore esleu, ilz ne menasent ne ne donnent aucun terreur à ceulx qui ne veulent croire à Iesuchrist aussi ne repugnent ilz point à ceulx qui sont duietz & dressez à sa loy. fors que i'en vey quelq iour un de nostre alliãce q fut mis en prison en ma presence, or cõme cestui estoit nouuellemẽt baptizé



## Le second liure.

Les hom-  
mes doib-  
uent estre  
attirez a  
religiō par  
louenge.

& comme oultre nostre conseil il tenoit propos plus par affection que par prudence publicquement du cultiueement de iusufchris, il commença à se colerer & eschauffer en sorte qu'il ne preferoit seulement noz cerimonies & sacrifices à tous aultres, ains blasmoit vniuersellement les aultres, comme choses prophanes, & disoit que les cultiueurs & sacrificateurs estoient infideles & sacrileges, & qu'ilz seroient punis en enfer de feu eternal, Apres auoir long temps presché & publié telles choses ilz le prennent, l'accusent & condamnent non pas pour auoir contenne leur religion, mais pour ce qu'il auoit excité le peuple à tumulte, consequemment l'enuoyerent en exil. Certes entre leurs plus vieilles ordonnances ceste cy y est nombré & comprinse, c'esta scauoir que leur religion ne derogue, & ne face tort à nulle aultre. Deuant que leur roy Vtopus vint en ceste isle, il congneut que le peuple estrange qui estoit venu demourer en ladicte isle assiduellement auoit esté en discord & different l'un avec l'autre touchant la religion, & consideroit que iacoit ce que toutes les sectes de ladicte isle fussent vnanimement à batailler pour le pais.

20 Ce neantmoins en commun estoient discordantz pour leur cultiueement, ce qui luy auoit donné occasion au commencement de les surmonter, gagner, & vaincre totalement.

¶ Or

¶ Or quant il eut la victoire sur ce peuple Utopien, sa principale ordonnance fut, qu'un chacun print & ensuiuit telle religion que bõ luy sembleroit, & que chascunne secte se pouoit efforcer de transporter & induire les autres à sa maniere d'adorer, moyennant que ce fust doucement & modestement, allegant raisons peremptoires pour le soustien de son cultiement, & non pas pour destruire les autres par force & violence, si en leur donnant ce conseil elles n'en vouloient entendre, en prohibant d'y proceder par voye de faict, & aussi de foy abstenir de blasmes & contemniementz. tellement que si aucun trop arrogamment contendoit de ceste chose, on le banniroit, ou mettroit on en seruitude, voila les statutz de leur prince Utopus, non qu'il fit cela pour l'esgard seulement de la paix laquelle il voioit estre anichilée & aneantie par haine implacable, & perpetuelle contention ses subiectz auoient eue ensemble.

¶ Mais pource que il pensoit que la chose concernoit la religion, d'ainfi faire ses constitutions, pource que il ne osoit diffinir rien follement de ladicte religion, comme incertain si Dieu appetoit estre adoré en diuerses sortes inspirant à l'un vne chose, & à l'autre, l'autre.

¶ Cestuy Utopus establit aussi que ce seroit chose inepte & insolente de contraindre par force & menaces aucun au cultiement de



## Le seco nd liure.

Dieu, & ce que l'un croit estre vray, que a tous autant en deut sembler, pareillement de croire que si vne religion est vraye, il soit de necessité que toutes les aultres soyent faul-  
ses.

✶ Ledit roy Vtopus prenoit que finale-  
ment a l'aduenir la verité, de foy pourroit se  
manifeste & apparoitre, moyennant que la  
chose fust menée avecques raison & mode-  
ration.

\* Mais si on y procedoit par armes & tu-  
multe, les hommes en deuiendroient pires &  
plus obstinez, & suffoqneroient la tresbon-  
ne & tresfaincte religion, pour leurs supersti-  
tions vaines que ilz auroient entre eulx ainsi  
que les bons grains perissent entre les espi-  
nes & ronciers: parquoy delaisa toute la cho-  
se ainsi, sans aultrement en determiner, & que  
il fust libre à vn chascun d'en croire ce que il  
en pensoit, sinon que il prohiba & defendit en-  
tierement & inuiolablement, que nul ne fust  
si degenerant abastardi de la dignité de natu-  
re, humaine, qu'il creust que les ames mou-  
reussent quand & le corps, & que le monde se  
regist sans la prouidence de Dieu pour ceste  
cause les Vtopiens croyent qu'apres ceste vie,  
supplices & peines sont deputées aux vices,  
& remunerations, & establies par icelles  
vertuz. Ceulx qui croyent l'opposite pour ce  
que tant depriment la sublime & haultaine de  
nature de leur ame, la faisant esgale a la vilité  
du

du corps bestial, il ne les estimēt dignes d'estre du nōbre de leurs citoyens, ne qui plus est, du reng des hommes. Certes si craincte n'empeschoit ces manieres de gens la, ilz priseroient autant les statutz & forme de viure des autres bons bourgeois qu'un floquet de laine, qui est ce qui doubte que telz personnages qui sont subiectz & asseruis a leur desir & appetit particulier, & qui n'ont hors les loix aucune craincte de riē, ne nul espoir apres que leur corps est mort, ne s'efforcassent si ce n'estoit ladicte craincte, de se mocquer & truffer secretement par cautelle, & enfreindre par violence, les publicques cōstitutions du pais: pourtant nul honneur n'est communicqué de par les Utopiens à ceulx qui sont de ceste fantasie, nulle charge, ne nulle office publique ne leur est baillée, ainsi sont ilz vilipendez & delaissez ca & la, comme gens pusilanimes & nonchalantz. Quand au reste on ne les punit autrement, pource que les Utopiens croient que nul n'a pouoir d'entendre tout ce qu'il voudroit bien.

¶ Mesmes ne les contraignent par menaces de croire autrement que ce qui leur vient en la fantasie, ne de dissimuler leur courage, ilz veulent qu'un chascun exprime ce qu'il pense en son entendement sans faintise de menterie car vous ne scariez croire comme ilz hayent gens dissimulateurs & ypocrites, pour ce que ce sont vrais trompeurs.

M iiii ¶ Toutesfoys



## Le second liure.

¶ Touthoys ilz defendent que telles sortes d'hommes ayantz telles folles opinions ne ayent a en disputer, principalement deuant le peuple, mais deuant les prestres & personna- ges d'autorité à part, ilz ne leur est permis seulement. Ains les admonnestent de ce fai- re, soubz esperance que pour l'aduenir leur folle se tournera à raison & luy donnera lieu. Il y en a d'autres qui ne sont pas petit nom- bre, & qui ne pésent malfaire, auxquelz on ne defend (comme se ilz estoient fondez en quel que raison) de parler & disputer, de ce qui pro- cede de leur entendement, & telz persona- ges soustiennent vne erreur toute contraire aux autres.

¶ Ilz sont d'oppinion que les bestes brutes ayent ames immortelles & eternelles, mais elles ne sont a comparer aux nostres en di- gnité, & si ne sont nées pour auoir felicité & beatitude egalle aux nostres.

¶ Tous les Vtopiens tiennent pour tout certain, que la beatitude des hommes doit estre pour l'aduenir si grande, que quand il se eschiet que l'un d'entre eulx vient a estre ma- lade.

¶ Ilz pleurent & lamentent la maladie, mais de la mort ilz ne s'en marrirent aucun- nement, sinon de ceulx que ilz voyēt mourir a grandz regretz, & de ceulx la il en ont vn tresmauuais presage, & y prennent aussi mauuais signe en iugeant eulx mesmes que les  
les

les ames de telz personnaiges mourantz en vis, sont comme desesperes, se mōstrantz coul pables, craignant le depart, & deuinantz secretement quelles seront punis pour leurs delictz.

¶ Dauantaige lesdictz Vtopiens pensent que l'arriuée de celuz qui est mandé, poussé maugre luy & à force, n'est agreable à dieu.

✽ Doncques ceulx qu'on voit mourir de tel genre de mort, on en a horreur, & sont portez le corps des deffunctz avec tristesse & silence, puis apres auoir prie dieu qu'ilz luy plaise estre fauorable aux pauures ames, & qu'il vueille doulcemēt supporter les imperfectiōs des trespassez, ilz mettent le corps en terre.

¶ Au contraire tous ceulx qui meurent volontairement, & plāins de bon espoir, telz personnaiges ne sont pleurez de personne, mais en chantant on suit les corps, & par grande affection on recommande les ames à dieu, finalement ilz bruslent lesdictz corps plus reueramment que dolentement, & au lieu ilz erigent vne coulonne ou sont grauées les louenges des deffunctz.

\* Quand ilz sont retournez à la maison ilz tiēnent propos des actes & bonne conuersation desdictz defunctz lesquels n'ont rien faict en leur vie de louable dequoy ilz facent plus de estime: que de leur mort ioyeuse.

\* Ilz croyent que telle recordation de bonté est efficace incitation aux viuantz & inductiō  
a vertu,



## Le Second liure

a vertu, & aussi que tel honneur est tresagrea-  
ble aux trespassez, lesquels comme ilz pen-  
sent assistent aux propos qui se tiennent deulx  
combien qu'on ne les voie point, pour ce que  
les yeulx des hommes ne sont assez subtilz &  
aguz pour les contempler.

¶ Lesdictz Vtopiens estiment telles choses  
estre certaines, alleguent pour raison quil se-  
roit mal seāt à lestat des biēheurez destre pri-  
uez de la liberté d'aller & venir ou il leur plai-  
roit, & aussi quilz feroient ingratz dauoir to-  
tolement delaisse le desir daller veoir leurs a-  
mis, aux quelz amour mutuel & charite les a-  
lliez quand ilz viuoient, la quelle charité deb-  
ueroit ainsi qu'ilz coniecturent estre plus tost  
augmentée que diminuée apres la mort en  
telz vertueux personaiges, comme tous  
autres biens se sont multipliez enuers iceulx  
apres leur deces.

\* Doncques les Vtopiens croient que les  
trespassez conuersent avec les viuantz, &  
qu'ilz sont contemplateurs de leurs faictz &  
dictz.

¶ Pourtantz entreprennent ilz plus hardi-  
ment leurs affaires comme si lesdictz trespas-  
sez estoient leurs coadiuteurs.

¶ Dauantaige silz auoient proposé de faire  
secretement quelque cas qui ne fust honneste  
la presence de leurs maieurs defunctz, quilz  
pensent tousiours estre avecques eulx les en  
garde, & leur donne terreur de cōmetre ledict  
affaire

affaire. Ilz cōtēnent & se mocquēt des deniers & de telles manieres de gens qui s'adonnēt à vaine superstitiō, aux quelz les aultres natiōs ont grandement esgard. Les Vtopiens ont en grande reuerence les miracles qui prouient sans vne attestation des œuures de dieu ainsi que souuent ilz disent aduenir en ce pais.

☉ Et singulierement en choses haultaines & doubteuses lesdictz Vtopiens font processions publicques, & sont soigneux de prier dieu, parquoy impetrent communement leurs demandes, & la voit on maintz miracles.

☉ Ilz pensent que ce soit vn cultiurement agreable a dieu, de contempler les œuures de nature, & donner louenge a louurier qui les a faiçtes, toutefois il y en a aulcunz entre lesdictz Vtopiens, & non pas petit nombre lesquels esmeuz de deuotion, contemnent les lettres, ne s'adonnant a aucune science, & ne sont oisifz toutefois, lesquels tiennent qu'on acquiert & merite lon la future beatitude apres la mort par negotiations, trauaux corporelz, & en faisant plaisir a aultruy par son labeur.

\* Pourtant les vn saplicquent totalement a seruir les mallades, les aultres font les chemins, curer les fossez, radoubent les pontz, fouissent des mottes de terre, du sablon ou tirent de la pierre.

\* Abbatent



## Le Second liure.

\* Abbatent & demolissent des arbres, & les deuissent. Ily menent en charrettes du bois, des grains, aussi aultres choses aux villes, & ne se monstrent seulement seruiteurs d'un chascun en publicq, ains aussi en particulier plus que seruiteurs.

\* En tous lieux ou il ya quelque ouuraige laborieux, difficile, ou qu'il ne soit guerre honnestes, que plusieurs craignent assaillir ou entreprendre pour le traual qui y gist, ou pour ce quilz sont faschez de metre les mains pour la vilité de la besongne, ou pour autant quilz ne pensent en pouoir venir à bout les susdictz en prennent toute la charge ioyeusement & volontairement, procurantz que tous ceulx qui ne sont de leur secte viuent en requoy & repos, par leur perpetuel traual, ou vacquent sans cesse

\* Et pour cest affaire ne blasment la vie des aultres en extollant la leur.

\* D'autant plus que ceulx cy se monstrent seruiteurs, d'autant plus sont honorez de tous les aultres Vtopiens.

\* Ilz sont deux sectes de telz personaiges charitables, l'une qui ne se marie iamais, & qui totalement est chaste.

\* Et ne mange de chair, aulcunz d'entre eulx aussi misent de viandes de nulles bestes, & contemnent totalement les deductz & passe-temps mondains, comme si ce fust chose inuisible à la vie presente.

\* Ilz tendent seulement & taschent a paruenir ala vie future, par veilles, sueurs, & peines, & ce pendant sont ioieux, dispos & deliberez, soubz espoir d'obtenir en briefz iours, ce quilz desirent.

\* L'autre secte, qui n'est pas moins labourieuse se marie & ne met a mespris les œuures & soulas de mariage, pensantz estre obligez à nature, & que leur lignée doibt estre vouée & donnée à l'utilite & seruice du pais.

\* Ceulx cy ne refusent aucun plaisir pourueu quilz ne les retarde de la besongne & trauail ilz aymēt les chairs des bestes à quatre piedz à ceste cause quil leur semble que par ceste viande ilz en soient plus forts & robustes à toute besongne.

\* Les Vtopiens estiment que ceulx cy sont les plus prudentz, & les aultres plus sainctz & religieux, lesquels filz se fondoient en raison de ce quilz preferent chastete & contience à mariage, & la vie austere à la vie ioyeuse & douce.

\* Les Vtopiens sen mocqueroient, mais pour ce quilz disent quilz le font par deuotion, ilz les louent & ont en grande reuerence. Ilz se gardent soigneusement de parler indiscretement d'aucune religion.

\* Les Vtopiens en leur langue nomment telles sortes de gens deuotz Buthresques, que nous pouons interpreter en francoys Religieux

\* Ilz



## Le Second liure

\* Ilz ont pareillement des prestres d'excellente sainteté, & n'en ont gueres, si qu'en chacune ville ny en a point plus de treze, & autāt de glises. Et quād on va a la guerre on en mene sept de chacune ville avec la gendarmerie, & ce pendant on en met sept aultres a leur lieu.

\* Et quand ceulx qui ont esté a la guerre sont reuenuz on les remet chacun en sa place.

\* Ceulx qui estoient substitutz on les establit avec leuesques, iusques a ce quil y en ayt sept decedez, puis leur succedent par ordre.

\* De ces treize prestres que iay dict il y en a vn qui est superieur comme nous disons vn euesque. Lesdictz prestres, se sissent par le peuple, en chambre secretemēt en la maniere des aultres officiers, pour euitier les faueurs, & quand ilz sont esleuz leur communitē ou college les consacre.

\* Ilz ont la charge des choses diuines. sont soigneux de faire garder la religion chacun en droit soy, & aussy de corriger & reformer les meurs.

\* Les Vtopiens estiment chose bien honteuse quand quelquvn est fait venir par deuant lesdictz prestres, pensantz que ledict personnaige est peu homme de bien & mal viuant.

\* Ainsi comme c'est l'office des prestres d'admonester & adhorter le peuple, aussi est cela charge du prince & des aultres officiers de prisonner & punir les malfaiçteurs.

\* Dauantaige les prestres ont ceste puissance dinterdire

d'interdire d'entrer a l'eglise & se trouuer aux  
secrifice, principalement ceulx quilz treuuent  
obstinez & endurez a tout mal, & n'ya peine  
de quoy les Vtopiēs ayent plusgrāde horreur.  
Quand aulcunz sont en cest estat, ilz sont en  
la plus grande infamie quilz seroient estre, &  
leur conscience est merueilleusement agitée,  
comme pensantz estre damnez, mesmes leur  
corps n'est gueres assure, car silz, ne viennent  
soudain par deuers les prestres pour receuoir  
penitence, la court les faict prendre, & les pu-  
nist de leur infidelite.

\* Les prestres ont le soing d'instruire & endo-  
ctriner les enfantz & aultres ieunes gens, &  
leur monstrent premierement a bien viure,  
que de les enseigner aux lettres. Ilz sont gran-  
dement soigneux de dresser les espritz des ieu-  
nes enfantz cependant quilz sont tendres &  
faciles, & les induire a bons iugement, & droi-  
ctes opinions, vtils & fructueuses a la conser-  
uation de leur republicq. Car quand telles opi-  
nions ont prins leur siege au cerueau desdictz  
ieunes enfantz, croyez que quand sont parue-  
nuz en aage d'homme les retiennēt, & mesme  
tant quilzviuent. D'auantaige lesdictz bons iu-  
gementz apportent geand emolument a gar-  
der lestat du bien commun, qui facilement de-  
chiet & saneantist par vices qui procedent de  
peruerfes opinions.

\* Les prestres sont mariez aux plus appa-  
rentes femmes & excellentes de tout le  
peuple



## Le Second liure.

Femmes  
eslues a la  
dignite de  
pbrestrise.

peuple, si icelles d'adventure n'estoient en le-  
stat de pbrestrise.

\* Certes ce sexe la n'est point exclus & exēpt  
de ceste dignité, mais on n'en eslist guierres.

\* Encores fault il que ce soient femmes, veuf-  
ues, & quelles soient desia aagées.

\* On ne parte hōneur a officier nul plus grād  
qua vn pbrestre, en sorte que si les pbrestres  
auoient commis quelque crime, nulle court  
nen a la cognoissance

Excommu-  
nicatiō des  
Vtopiens.

\* On en laisse faire a dieu & a ceulx ilz estimēt  
nestre licite de toucher de main mortelle vn  
pbrestre quelque criminel quil soit sur peine  
dexcommunication, consideré quil est dedié  
a dieu par maniere si excellente & singue-  
liere.

\* Et coustume leur est dautant plus aysée à  
observer, pour ce, quil ont en ce pais tant peu  
de pbrestres: & daduantaige les eslisent avec  
grand soing & diligence.

\* Certes souuent il naduient pas quvn pbre-  
stre qui est entre les bons chcoisi pour le meil-  
lieur, & qui pour sa seule vertu est sublimé &  
esleué a si grande dignité, se tourne a vice, &  
quil se desine en bonnes moeurs, pour suiur la  
voye de delict.

\* Et sil aduenoit ainsi, comme la nature des  
hommes est muable, encore ne debueroit on  
craindre quilz sceussent faire guieres de dō-  
maige à la republicque, pour ce quilz sont si  
petit nōbre, & puis ilz nōt aulcune puissance  
fors

fors l'honneur qu'on leur faict. Et la raison pourquoy les Vtopiens ont si peu de prestres, c'est que si la dignité sacerdotale à la quelle ilz ont si grande reuerence, estoit communicquée & distribuée à plusieurs, on n'en tiendrait pas si grand compte.

¶ Aussi ilz pensent quil est bien difficile d'en trouuer beaucoup de si vertueux, quilz peussent estre idoines & capables d'obtenir ceste dignité, à la quelle exercer il ne suffit pas estre moiennement garny de vertuz.

\* Lesdictz prestres ne sont pas en moindre rechez les estrangiers, qu'en leur pais & dont procede cela il est apparēt que c'est pour leurs vertuz.

\* Quand les Vtopiens ordonnent leurs ben-des pour guerroyer, les prestres se mettent à part non pas gueres loing du Conflict, tous à genoux, reuestuz de leurs ornementz, sacrez, & les mains tendues au ciel, deuāt toutes choses priēt à dieu quil luy plaise enuoyer la paix, puis demandent victoire pour leurs gens, mais qu'icelles victoire ne se face par l'effusion du sang ne de l'un, ne de lautre party. Quand leur cheualerie obtient la victoire, ilz courent au cōflict, & la gardēt d'exercer cruaulté & meurtres enuers les vaincuz. Ceulx qui sont en danger de mort, silz peuvent vne fois veoir lesdictz prestres & les nōmer, ilz sont sauluez. L'atouchemēt de leurs larges & plantureuses robes preseruēt tous aultres biēs & richesses de tout

N

oultrage



## Le Second liure.

oultraige de guerre, de quoy toutes natiōs les ont a si grande estimation & honneur, que biē souuent ont esté cause non seulement de preseruer leurs exercites de fureur des ennemyz, ains̄ aussi les ennemis du danger de leurs ostz. Il est tout manifeste que quelque fois on à veu leurs soudartz mis en rouverte, hors de tout espoir, tournant le dos pour fuir, les ennemys encharnez sus eulx, pour les piller & occir, Mais pour la venue desdictz prestres qui se mettoient entre les deux gēdarmeries, la boucherie cessoit, la meſlée se rompoit & la paix se faisoit.

Comme  
sont leurs  
eglises.

\* Certes il ne fust iamais peuple si cruel, inhumain & Barbare, enuers lequel. Le corps desdictz prestres ne fust tenu, comme sainct, sacré & inuiolable. Touchant leurs festes, ilz solemnisēt le premier & dernier iour de chacū mois aussi de chacū an, lequel ilz parlēt & deuissent par mois finissentz par le circuit de chacune l'vne, comme l'an finit quand le soleil à fait sō cours, le long dudiēt an tous les premiers iours, desdictes festes ilz les nomment en leur langue Cynemernes, & les derniers Trapemerues, qui valent autant comme premieres festes & dernieres festes.

¶ Les eglises en ce lieu sont fort belles, ou il ya bien de louuraige, amples & spatieuses & contenant grand nombre de peuple, ce qui estoit necessaire de faire, pour quen Vtopie il ya peu de temples, toutefois sont vn petit obscurs, non pas que la chose ayt esté faicte par ignorance

ignorāce & faulte dedifier, mais ilz disent que ce fust par le conseil des prestres estant<sup>r</sup> d'opinion que la trop grande clairté faisoit vaguer les pensées & resprendre ca & la, mais la moienne lueur les referroit & augmentoit la deuotion.

\* Et pour ce que tous nont vn mesme cultiue-  
ment & vne mesme religion, comme say dict  
deuant ce neanmoins toutes les formes & ma-  
nieres de ladicte religiō, iacoit ce quelles soiēt  
diuerſes & differantes communement, com-  
me en vne fin quand au cultiue-ment & adora-  
tion de diuine nature, cest adire que combien  
que les Vtopiēs soiēt differēt en leur maniere  
d'adorer, car les vnz adorēt le soleil, les aultres  
la lune & choses semblables, nō obstant pēsent  
que ce quilz adorent, est dieu, & est leur inten-  
tion, en ce faisant de faire honneur a leternel  
& souuerain qui a crée toutes choses, mais ne  
ſcaiuent qui il est.

\* On ne voit rien, & noyt on dedans lesdi-  
ctes eglises, qui ne soit veu quadrer & estre cō-  
forme a toutes leurs manieres d'adorer dieu,  
en commun.

\* Si quelque ſecte a vn sacrifice a faire en par-  
ticulier, on le faiēt chacun en ſa maison

\* Les sacrifices publicques se font en tel or-  
dre & police, quilz ne deroguent aulcunemēt  
aux sacrifices particuliers.

\* En leurs temples on ni veoit imaige  
nul



## Le second liure.

nul, affin qu'un chacun soit libre & franc de concepuoir en son entendement leffigie de dieu telle quil luy plaira Ilz ninuocquēt point de non de dieu aultre que Mythra, tous lapellent ainsi en commun. Par ce mot la tous vnanimement concordent & conuiennent à cognoistre vne nature de diuine maieste quiconque elle soit. Ilz naprehendent & concoipuēt en leur entendemēt aucunes prierres, quil ne soit loisible à vn chacun de les prononcer sans offencer leur secte. Doncques se treuuent ilz au temple aux iours quilz appellent derniers festes, a heure de soir encore a ieun, pour rendre graces a dieu de lan & moys eueusement passé, du quel ceste feste est le dernier iour. Le iour dapres, quilz appellent premiere feste ilz sassemblent au matin es eglises priantz dieu que lan, ou mois ensuiuantz ou ilz commencent ceste feste, leur soit prospere.

✿ Aux derniers festes, ancois que les femmes aillent au temple, se iectent aux pied de leurs mariz, & les enfantz deuant leurs peres & meres à genoux, confessantz auoir failly & nauoix pas bien faict leur debuoir enuers eulx.

✿ Ainsi demandent ilz pardon de loffense, si que si daduenture ilz auoient eu quelque haine ou discord ensemble, ilz la departent en ce poinct, affin que dvn cœur pur, serain & net ilz assistent aux sacrifices.

✿ Ce nest pas tour dhomme de bien, de se  
trouuer

trouuer le iour de la feste à leglise, & auoir quelque trouble & inimitié contre son prochain, pourtant les Vtopiens ne fingerent iamais de se presenter à leglise le iour desdictes festes filz sentent auoir le cœur gros dire ou rancune a lencontre de quelcun, que premiere-  
ment ne soient reconciliez, & que leur couraige ne soit purgé & nettoie, craignantz que dieu ne les punissent griefuement pour leurs delictz.

¶ Quand ilz viennent a leglise, les homes se mettent au costé dextre, & les femmes a part a senestre, & sestablissent, en sorte que tous les enfantz masles de chacune maison sont deuant le pere de famille, les filles deuant la mere.

¶ Ainsi met on ordre & arroy, affin que ceulx qui ont la charge dinstruire & endoctriner lesdictz enfantz en leurs maisons, pareillemēt quand sont dehors ayent esgard à leurs gestes contenances & maniere de leglise.

\* Samblablement lesdictz Vtopiens sont soigneux en ces lieux sacrez de mesler & ioindre vn ieune enfant avec vn plus aagé, de crainte que si on donnoit charge d'un enfant à vn aultre d'aage esgal, ilz n'abuzassent l'un l'autre & passassent le temps a folies pueriles, lors quilz deueroient seruir à dieu, estre en deuotion, & concepuoir vn esmouuement & inflammation aux vertuz.

\* Les Vtopiens en leurs sacrifices ne tuent ia



## Le Second liure.

mais beste, pour ce quilz pensent que la diuine clemence ne si resioit de sang, boucheries & occisions, laquelle à eslargi la vie à ceste raison aux bestes, affin quelles vescuissent, & non quelles fussent tuées.

¶ Ilz font sacrifice à dieu d'encens & aultres odeurs, Dauantaige portent force de cierges & chandelles, non pourtant quilz ne sachent bien que cela n'apporté profist à dieu, non plus que les prieres des hommes, mais ilz font d'opponion que ceste forme de l'adorrer avec telles odeurs & lumieres, qui ne sont nuisables à rien, luy plaist, aussi que par telles cerimonies les hommes se sentent aulcunement esleuez en deuotion, & plus ioyeux & deliberez au cultiuelement de luy.

¶ Quand le peuple va le iour de feste à l'eglise, il s'acoustre tout de blanc.

¶ Les prestres se vestent d'ornementz de diuerses couleurs, qui sont faictz de sorte & ouuraige merueilleux, d'une matiere non pas beaucoup pretieuse, ilz ne sont tissuz de fil d'or, ny entrelassez de pierres pretieuses.

\* Mais de diuerses plumes d'oiseaux tant ioliment & avec si grand artifice aornent, que la valeur & estimation de mille matiere, fust elle d'or, ou d'argent ou de soye, n'est à equiparer audict ouurage.

\* D'auantaige en ces pennes & plumes d'oiseaux, & en certain ordre & rene d'icelles dōt  
les

les acoustrementz des prestres sont mespartiz & deuisez, les Vtopiens disent que quelques secretz misteres y sont compris, desquelz quand ilz cognoissent l'interpretation, qui leur est declarée par les prestres, sont admonnestez & acertenez des biens que dieu leur a faictz, & comme ilz doibuent aymer, honorer & reuerer de leur costé, & faire plaisir les vnz aux aultres. Aussi tost que le prestre part de la secretainerie, & qu'il s'offre ainsi reuestu desdictz ornementz, tout le peuple soudain se iecte contre terre par reuerence, en si profunde & belle silence de tous costez, que telle apparence & maniere de faire dōne quelque terreur & craincte, quasi comme si aulcune deité y fust presente.

¶ Or quand ilz ont quelque peu demoure contre terre, le prestre leur donne signe, lors se lieuent, & chantent, quelques cāticques en l'honneur de dieu, quilz entremeslent dinstrumentz musicaulx, bien daultre sorte que nous ne voions faire en noz regions. Ainsi cōme en leur musicq ilz vsent de plusieurs chātz qui en douceur surpassent de beaucoup nostre vsaige, aussi faident ilz de plusieurs facons, qui ne doibuent estre comparées aux nostres.

\* Mais sans doubte ilz nous surmontent grandement d'une chose: cest que toute leur musicque qui se chante par orgues ou aultres instrumētz, ou par voix humaine, imitte & exprime tant bien les passions naturelles, le son est tant proprement accommodé à la matiere,



## Le second liure.

soit l'oraison deprecatieue, ioyeuse, mitigatiue, ou contenant quelque trouble, dueuil & courroux, la forte & forme de leur melodie donne tant bien a entendre la chose de quoy ilz chantent quelle esmeut merueilleusement pener & enflamme les cœurs des auditeurs.

✠ A la fin le prestre & le peuple font solennelles pierres, si bien ordonnées, que ce que tous ensemble recitent, vn chacun deulx le pourroit referer a foy en particulier.

en ces oraisons la vn chacun recognoist dieu comme autheur de la creation & gouuernement du monde, & consequenment de tous aultres biens.

\* Aussi luy rend graces des bien faictz receuz & specialement que par la faueur diceluy createur est escheu en vne republicque tant eueuse & fortunée, pereillement quil est paruenue en vne religiō quil espere estre trefueritable.

✠ En quoy sil erre, & sil y en a qlques aultres meilleures, & que dieu approuue plus, il prie que sa bôté face, quil en ayt la cognoissance & quil est prest & appareillé de suiuir le chacū de quelque costéq ce soit, ou il se plaiēt acōduire & diriger. Mais si ceste forme & maniere de republicq quil tiēt est bōne, & sa religiō, droicte quil luy donne grace de perseuerer en icelles & estre constant, & pareillement quil veuille guider les autres mortelz tous, a ces mesmes constitutions, meurs, loix, coustumes: & en

& en ceste mesme opinion & iugement d'ainsi adorer si ce n'est son plaisir qu'on le reuere & honore en diuerses sortes.

¶ Finalmente il prie que quād il sera mort, à la departie dieu le veuille recepuoir sans l'esconduire, & que de l'inuiter le temps tost ou tard, il n'est assez hardi d'en faire requeste. Iacoit ce que moyennant que sa maieste fut offensée, il y feroit bien plus agreable de paruenir par mort laborieuse & penible en son paradis, que d'estre detenu plus longuement en ceste vie mortelle, combien que le cours en fut tresheureux & prospere.

¶ Ces oraisons la mises à fin, de rechief les Vtopiens s'enclinent contre terre, & tost apres se fourdent & s'en vont disner puis apres disner le demeurant du iour se parfaict en ieux & exercices de guerre.

¶ Je vous ay descript le plus veritablemēt que i'ay peu la sorte & maniere de ceste republicque des vtopiens, laquelle i'estime & croy n'estre seulement tresbonne, mais seule qui doibue de droict s'attribuer le nom de republicque chez toutes les aultres nations, on parle assez de l'utilité publicque, mais ce pendant on ne pense que de son bien en particulier.

¶ En vtopie ou il n'y a rien particulier, totalement le peuple est attentif aux negoces publicques, qui est vn bien à vn chascun en commun & en priué, aux aultres regions, qui est



## Le second liure.

est celui qui ne cognoisse, que si vn personnage ne pense de soy particulièrement, il pourra moutir de faim, & fust la republicque la plus opulente & fleurissante du monde, par quoy necessité le contrainct d'auoir plus tost esgard de soy, que d'aultruy.

¶ Au contraire en Vtopie, ou toutes choses sont communes à tous, nul ne doubte, que necessité aduienne a quelqu'un en particulier, (moyennant qu'on face son debuoir, que les guarniers publicques soient remplis de ce qui appartient a la vie) les biens se portēt en ce lieu bien equitablement & iustement, & s'il ne y a poinct en Vtopie de pauures ne de mendians.

¶ Et comme ainsi soit que nul personnage ne possede rien, toutesfoys tous sont riches.

¶ Est il plus grande richesse, que tout soulci totalement mis hors & seclus, viure ioyeusement & paisiblement? n'estre en esmoy & craincte de son boire & menger n'estre vexé & tormenté des demandes plainctiues de sa femme, ne craindre pour l'aduenir que pauureté eschiesse à ses enfantz, n'estre en detresse & anxieté du douaire de ses filles, & ne penser d'acquérir des biens pour les marier, mais estre assure de felicité & viures, pour soy, pour tous les parentz & amis, sa femme, enfantz, filz de ses enfantz, & vne longue genealogie de quoy les gentils hommes font tant de cas.

¶ C'est

¶ C'est grand' chose qu'on ne pèse pas moins de ceulx qui maintenant sont foibles & impotentz , lesquelz ont le temps passé trauaille & laboure, que de ceulx qui à ceste heure besongnent.

¶ J'aymeroyz bien que quelqu'un se osa enhardir de comparer la iustice que font les aultres nations à l'equité des Vtopiens, chez lesquelles ie puisse mourir si i'ay trouué aucune trace ne apparence de vray legitime droict.

¶ Mais quelle iustice est ce , qu'on veoit quelque gentilhomme, quelque orfebure, ou quelque vsurier , ou aultres qui totalement ne font rien, ou ce qu'ilz font est de ceste sorte, qu'il n'est pas grandement necessaire à l'utilité de la republicque, mener si grande vogue, & viure si magnificquement d'oyssiueté, ou d'une negotiation superflue & vaine , veu que ce pendant vn pauvre seruiteur, vn charretier, vn mareschal, vn masson , vn charpentier, vn manouurier & vn laboureur ont leur vie si pauuement, & sont toutz si mal traictez (cōbien qu'ilz soyent en trauaille si grand & assidu) qu'un cheual seroit bien laissé d'en soutenir autant, & est leur labeur si necessaire qu'une republicque ne pourroit durer vn an sans eulx.

¶ Parquoy me sembleroit que les cheuaulx auroient meilleur temps que n'ont pas telles manieres de pauvres ouuriers , pour ce qu'ilz



## Le Second liure.

qu'ilz n'ont pas peine si continue, & leur viure n'est gueres moins bon, & mengent de meilleur appetit.

☛ D'aduantage ne font en foulci pour l'aduenir dequoy ilz viuront.

☛ L'abeur sterile & peine infructueuse tormente & poingt leſdictes pauvres personnes a l'heure, & la recordation & ſouuenance de leur pauureté aduenir en vielleſſe les tue, pour ce que leurs gagnes iournelles ſont ſi petites, qu'a grand peine en viuent ilz pour le iour, parquoy ne peut rien demeurer de ſuperabondant pour ſubuenir à leur vielleſſe.

☛ Ceste republicque la n'eſt elle pas bien iniuſte & ingrate d'octroyer tant de dons & biens par prodigalité, à gens qui ſe diſent nobles, a orfebures, & aulx aultres de ceste ſorte, ou à perſonnages oiſifz, ou à flateurs, & ouriers de vaines voluptez, & au contraire ne tenir compte, & pauurement traicter laboureurs, charbonniers, ſeruiteurs, charretiers, charpentiers, mareschaulx & aultres de ſemblable eſtat: Et apres que ladicte republicque à abuſé des trauaulx & labeurs d'iceulx ce pēdant qu'ilz eſtoient en fleur d'aage.

\* Quand ſont deuenuz vieulx & maladiſz, ſe monſtrant ingratiffime les recompēſé de pauureté, en les laiſſant mourir miſerablement de faim, metāt en oubli tant de vieilles ſueurs peines, & tant de plaiſirs qu'ilz luy on faiēt en temps, qu'eſt ce a dite que les riches de iour  
en

en iour contreroulent le salaire qu'un pauvre ouvrier peut gagner pour sa journée, le retré-  
chent, & y pratiquent, non seulement par frau-  
de particuliere, mais par loix & ordonnances  
publicques, en sorte que ce qui sembloit le  
temps passe iniuste de recompenser mal ceulx  
qui faisoient tout plein de plaisirs à la repu-  
blique, les susdictz riches hommes, ont tour-  
né le feuillet, gaste & depraue lesdictes bones  
opinions, & ont voulu tenir que telle iniustice  
estoit iustice, & en ont promulgué ordonnan-  
ces & statutz.

¶ Parquoy quand ie pense à toutes ces repu-  
blicques, qu'on dit pour le iourdhui estre en  
maintz lieux fleurissantes & opulentes, rien ne  
me semble aultre chose (ou ainsi dieu ne puis-  
se aymer) qu'une aliance & vnanimité de ri-  
ches gens, qui soubz couleur d'estre assem-  
blez pour regir le bien publicq, pensent seule-  
ment de leur proffit priué, excogitent, & inuē-  
tent toutes les manieres & fineses comme  
ilz pourroient garder & retenir les biens qu'ilz  
ont amassez par faulx artz, sans craincte de les  
perdre, & qu'ilz en acquierent d'autres qui  
ne leur coustent gueres par le labeur & tra-  
vail de tous les pauvres, & qu'ilz abusent des-  
dictz pauvres, depuis que ceste tourbe de ri-  
ches ont estably que telles tromperies & de-  
ceptions soyent obseruées au nom de repu-  
blique, & mesmes au nom des pauvres qui  
sont compris en ceste dicte republicque, les-  
dictes



## Le second liure.

dictes inuentions passent & sont reputées comme loix & les biens qui eussent peu suffire à nouuir & entretenir eulx & les pouures ensemble, ce gros huron, ou n'y gist gueres de bonté, les ont partis entre eulx par vne conuoitise & auarice insatiable, ô combien telles manieres de gens sont esloignez de la republicque heureuse des Vtopiens, de laquelle est retrenchée vne infinité & monceau innumbrable d'ennemis & fascheries, & vne semence de vices totallemēt arrachée, pource qu'ilz ont oste toute auidité de pecune, & l'vsaige aussi d'icelle de leurdict republicque.

¶ Qui est celuy qui ignore, que quand pecune seroit mise hors de la fantasie des hommes, & qu'elle seroit totalement contennée & despriée, que pareillemēt ne fussent abolis & aneantis fraudes, larcins, rapines, proces, tumultes, noises, seditions, meurtres, trahisons & empoisonnemētz, qui sont punis par quotidiens supplices, plus tost que refrenez, pareillement si l'vsaige de l'argent estoit delaisse, qui est ce qui doubte qu'a ce mesme instēt ne fussent peris & mortz crainctes, sollicitudes soulcis, labours, veilles, & pauuretez, qui est veue seule auoir indigence de pecune, mais croyez que si ladiete pecune estoit hors du pensement des hommes, pauureté seroit soubdain diminuée.

¶ Et pour en donner la preuue plus clairement pense à par toy & considere vne année de sterilité

de sterilité, en laquelle est aduenu que dix mille personnes sont mortz de faim, ie gage qu'à la fin de ceste indigence & cherté, qui eust voulu ouurir les guarniers des riches qu'on eust trouué autant de grains qu'on eust peu distribuer & eslargir à ceulx qui sont mortz en paureté, & personne ne se fut senti de ceste escharcete de biens procedant de quelque vice d'air, & imperfection de la terre.

¶ Certes vn chascun viuroit bien aysément, si ce n'estoit ceste benoiste sainte pecune, que on dict qui fut trouuée, affin que plus facilement on eut acces aux viures par icelle, mais c'est celle qui nous clost les chemins, & nous trenche lesdictz viures.

Irrision.

¶ Je ne doubte poinct que les riches mesmes ne sachent & entendent bien, que l'estat seroit meilleur, & qu'il vaudroit mieulx n'auoir deffaulte des choses qui sont necessaires a la vie humaine, q̄ d'abonder en plusieurs biens superfluz, & qu'il seroit trop plus conuenable au requoy & tranquillité des hommes, d'estre exempté & deliuré d'une infinité de maux, qu'estre enuironné de grandes opulences & richesses.

\* Je ne doubte poinct que l'esgard d'un chascun à son proffit, ou l'autorité de Iesus Christ nostre sauueur) qui par sa grande sagesse ne pouoit ignorer ce qui estoit trescommode aux mortelz, ne pour sa grande & parfaite bonté ce dequoy il est plain ne eust sceu conseiller



## Le Second liure.

cōseiller chose qui n'eust esté trefbōne) n'eust desia aisément attiré tout le monde aux loix de ceste republicque Vtopienne, si ceste seule beste orgueil, qui est prince & pere de tous aultres vices n'y resistoit.

\* Cestui prend sa felicité, & exalté son estat, non point de ses proffictz, mais des incommoditez d'aultruy, il ne voudroit obtenir la place d'un dieu, pour estre priué de la domination sur les pauvres miserables, lesquelz il tient soubz son empire, & se mocque d'iceulx, affin que sa felicité, quand a la comparaison des miseres & calamitez des pauvres, soit plus exaulsés, & en plus grande magnificence, & apres auoir mis au vent ses richesses, il torment & mette en detresse les indigentz pour leur de faulte & necessité.

\* Ce serpent infernal, pource qu'il est si auant fichées es pensées des hommes, qu'il n'en peult estre aisément eslongné & arraché, tient le siege en ce lieu, affin que les humains ne puissent eslire meilleure voie, & les retarde ainsi que le poisson nommé remora, qui detient & targe les nauires à son plaisir. Je suis ioyeux que ceste maniere de republicque laquelle ie desire a toutes aultres nations & est escheue aux Vtopiens, qui ont ensuiuy si bonne forme de viure, par laquelle ilz ont si bien fondé leur republicque, & si heureusement, qu'elle sera perdurable, ainsi qu'en peu uent deuiner les hommes par coniecture humaine

humaine. Puis que le vice d'ambition avec les autres que j'aydeuāt dictz, sont forclos d'Utopie, il ne fault point craindre qu'entre les citoyens il sourde quelque discord. Certes ambition à este cause de la perdition de maintes villes opulentes, & tresbien munies. Puyſque cōcorde y regne avec bonnes meurs prinſes & entretenues par cōſeil & raiſon, croiez que l'enuie de tous les princes voiſins, qui y ont cuidé faire entrée, en ont eſté repouſſé, ne pouuāt metre en deſarroy ne troubler l'épire Utopien. Apresque raphael eut recité ces matieres, lacoit ce que maintes choſes me vinſſent en la memoire, qui me ſembloyent bien mal eſtablies, quand aux meurs & loix de ce peuple Utopicque, & ſpecialemēt de leur maniere de faire la guerre, touchant auſſi leurs ſacrifices & religion, & autres ſtatutz de quoy ilz vſent, pareillement de ce qu'ilz viuent en commun, ſans aucun commerce & traphic, que de pecune, (qui eſt le plus principal fondement de toute leur institution) ſans luſaige de laquelle pecune toute nobleſſe, magnificēce, dignité, gloire & maieſté, qui ſont les vrayz ornementz, l'embelliffement & l'honneur d'une republicque, ſelon la commune opinion.

¶ Toutefois pour ce que ie cognoiſſois que le dict Raphael eſtoit las de deuifer & compoſer de ceſte Isle Utopienne, & auſſi ie n'auois pas l'experience, ſil euſt voulu endurer qu'on euſt diſputé contre ſes propos, & ſpecialement i'a-


O

uois



## Le Second liure.

uoys encore recordatiõ qu'aulcũz auoiẽt esté reprins de luy a ceste cause, quilz craignoient quasi, qu'ilz ne fussent estimez assez faiges. Comme il disoit silz n'eussent trouue quelque chose, en quoy eussent peu confuter les inuentions des aultres pourtant apres auoir loué la doctrine & enseignement des Vtopiens, & extollé sa harengue ie le print par la main & le mené souper dens mon logis luy disant que nous aurions vne aultre foys loisir & opportunité de penser plus profondement de ces mesmes choses, & d'en cõferer ensemble plus largement, que pleust à dieu que quelque fois le cas aduint. Or comme ie ne puis me consentir a toutes les choses qui furent dictes de ce personnaige, combien qu'il fust sans cõtrouersie & different scauantissime, & fort expert aux affaires humaines, ainsi ie cõfesse facilement q̃ beaucoup de cas sont en la republicque des Vtopiens que ie desirerois plus vrayement estre en noz villes de pardeca, que ie n'espere-roy.

 FIN DV SECOND ET  
DERNIER LIVRE.


# Cy fine le deuis &

propos dapres disner, de Raphaël Hy-  
 thlodeus, touchant les loix & meurs  
 de l'Isle d'Utopie, qui n'est encore à gue-  
 res de gens congneue, mis en elegance  
 latine par illustre, tresdocte, bien renõ-  
 mé personnaige le seigneur Thomas  
 Morus Chancelier d'Angleterre,


& tourné en langue Fran-  
 çoyse par maistre  
 Iehan Le  
 Blond.



O ii









**N**E SOIS OFFENCE amy lecteur, si en ceste mesme petite tradiçtion, tu trouues oultre les loix & reigles de tourner quelque oeuure, que iaye aulcunefois vsé de Paraphrases. Je lay faiçt pour rendre les sentēces de lautheur plus intelligibles. Et consequemment si en traduisant i'ay ramené en nostre vlaige frācois certains termes infrequētz. On ne se doibt mal contenter si vn personnai ge faiçt renaiître & reduit en cours quelques vocables trouuez en autheurs Idoinés, & sil sefforce donner nouueaulté aux parolles anciēnes, & ne souffre totalemēt perir les motz qui par la coulpe des temps sont tournez en desacoustumance. En sorte que si nous n'vsiōs que de termes vulgaires & communz à chascun, nostre langue nen enrichiroit d'un floquet, & fauldroit tousiours faire comme les tabellions & notaires, qui en leurs actes ne chāgent ne ne muent de sille.





**A**FIN QVE TV NE PEN-  
ses Ami que de mon priué, & seul iu-  
gement ie t'ay mis en lumiere en no-  
stre langue ceste description de l'Isle  
d'Vtopie considerant comme il est  
escript que l'homme ne se doibt ap-  
puier sur son priué sens & prudence & aussi que au tes-  
moignage de deux ou de trois toute chose doibt estre  
arrestée non content du seul tesmoignage de Thomas  
Morus qui premier a redigé en latin ladiète descriptiō  
ie me suis grandement fondé sur ce que defunct de bō  
ne & immortelle memoyre mōsieur Bude en a dict en  
vne epistre cy apres inserée, traduiète de latin en no-  
stre langue par laquelle on peult congnoistre combien  
iceluy tant pur & excellent iugement d'homme a esti-  
mé ce petit liure digne d'estre leu chose qui me fera,  
comme i'espere enuers tout bon esprit argument suffi-  
sant de n'auoir temerairement & sans conseil par pri-  
uilege de la court de Parlement mis en lumiere ce li-  
ure en quoy duquel i'ay pretendu, comme de tout aul-  
tre mien labeur, faire chose qui soit a l'vtilité & proffit  
de la republicque. A dieu.

O iii

S'ensuit



# S'enfuit la table

des chapitres du premier & second  
liure de la description de l'Isle  
d'Vtopie & premiere-  
ment.



ES EXCELLENTZ  
propos que teint vn nommé  
Raphael Hythodeus, Portu-  
galloys, touchant le bon regi-  
mé de la republicque & avec  
le recit qu'il fit des meurs loix  
coustumes, lieu ordonnes des habitans d'V to-  
pie nouvelle Isle. fueillet. ii

Description de la largeur & lōgueur de l'Isle  
d'Vtopie. xxxiii

Des villes, & specialement de la ville d'Amau-  
rot. xxxix

Des officiers & gouuerneurs des villes. xxxix

Des mestiers qui sont exercites en Vtopie. xli


Des affaires, cōmerces, familiaritez & traictez  
q̄ les Vtopiēs ont les vnz avec les aultres. xlvi

Des pellerinages des Vtopiens. li


Des conditions des serfz prins en guerres. lxx

De la maniere de guerroyer desvtopiēs. lxxviii

Du cultiuement, maniere de adorer, religion  
& creance des Vtopiens. lxxxviii

 Fin de la table des chapistres sommaires  
contenuz en ce premier & second liure de la  
description d'Vtopie.

Sensuit



## S'enfuit la table

des matieres contenuzen ce premier & secōd  
liure de la description del'Isle d'V  
topie & premieremēt.

Comment Thomas Morus fut enuoye en  
ambassade en flandres en la compaignie  
de Cuthbert tunsal secretaire du roy d'An-  
gleterre fueillet. ii

Prouerbe conuenable a ceulx qui de leurs in-  
terpretatiō veult esclarcir chose qui est de foy  
mesme a tous congneue. ii

Comment Pierre Gilles ieunes personnaiges  
hōme docte & bien morigine natif d'Anuers  
fut congneu dudiēt ambassadeur. iiii

Tresillustre apotheme conuenāte à ceulx qui  
n'ont de sepulture. iiii

Raphael par narrations de diuerses choses &  
congnoiscāce de diuers regions fut veu & cō-  
gneu docte homme par Pierre Gilles. vi

Cest aīsez aulx princes & roys de se seruir de  
ceulx qui desirent a estre eleué a grande digni-  
té & en icelle enuers ses subiectz exercer ami-  
tie. vii.

Des loix peu equitables. ix

Comme on doibt meētre ordre qu'il ne soit  
point tant de larrons. ix

Quel dōmaige cest que dauoir tousiours gar-  
nisons de gendarmes en vn pays. xi

O iiii Il exprime



## Table.

Il exprime la maniere acoustumée d'un cardinal d'Angleterre de faire taire un personnaige  
sil parle plus qu'il n'appartient. xiiii

La republicque des Polilerites en perse.

xvi

Au pais des chrestiens on ne fait pas cela.

xvii

Les valetz des gentilz hommes & maintz  
autres en chrestiente maintenant pensent estre  
chose honneste d'auoir ainsi les cheueulx  
coupez. xvii

Ioieux dialogue d'un frere prescheurs & d'un  
foul. xix

L'ordonnance d'un foul sur les moines mandians.  
xx

Icy il touche les flauteurs. xxi

Icy desconseille couuertement de faire la guerre  
en Italie. xxii

Les suisses font a qui plus leur donne.

eodem

Exemple digne d'estre noté. xxiii

Les dict du riche crassus. xxv

Loy admirable des macarennes. xxvi

Prouerbe conuenable aux princes & roys.

xxvii.

Philosophie scolastique. eodem

Merueilleuse diminution que les grecq appelle

lent mosis eodem

Les statuz des Vtopiens. eodem

Le lieu seur de nature est defendu & gardé

d'un rocher qui luy sert de forteresse. xxxv

Vtopie

## Table.

Vtopie dictée & nommée d'Vtopie leur prin <sup>ce</sup> ,	eodem
Les villes de l'Isle d'Vtopie.	eodem
Similitude & cause de concorde.	eodem
Petit interualle entre les villes d'Vtopie.	xxxv.
Distribution des champs.	eodem
Le contraire se faict maintenāt par toutes les republicques du monde.	eodem
Le principal soing c'est du labouraige.	eodem
L'office des laboureus.	eodem
Merueilleuses manieres de faire couuer les œufz.	eodem
L'usage des beufz.	xxxvi
La viande & breuaige des Vtopiens.	eodem
Grand nombre de gens sert beaucoup a la besongne.	eodem
La description de la ville d'Amaurot capitale des Vtopiens.	xxxvii
La description de la riuere d'anidrus.	eodem
Le semblable ce faict en Angleterre a la riuere de Tamise qui passe par Londres.	eodem
En ceci conuient Londres & Amaurot.	eodem
L'usage deau douce bonne a boire.	fueillet xxxviii
La munition des murailles.	eodem
Comme sont les rues.	eodem
Les edifices qu'ilz ont de coustume de bastir.	eodem
Les iardins iointz aux maisons.	eodem
Ceci sent communauté platonique.	eodem
	L'utilité



## Table.

L'utilité des iardins fort louée par Virgile.	eo.
Voirrines faiçtes de voirre & aussi de fine toille.	xxxix
Tranibore en langue Vtopienne signifie preuost baillif en la nostre.	eodem
Tyrannie odieuse a vne republicque bien ordonnée.	xl
Soudain mettēt fin aux proces & aux aultres pais on les alonge tout à gré.	eodem
On ne doibt rien establir a la legiere.	eod.
Pleust a dieu que ainsi on fit pour le iourd'hui en noz courtz.	eodem
Chascun se mesle en Vtopie de agricultures & en noz regions y en a peu encore font ilz contemnes & desprises.	xli
On doibt apprendre mestier pour la necessité de vie non pour la superfluité.	eodem
Les vtopiens se vestēt presque tous d'une mesme guise.	eodem
Nul citoyen n'est desgarni d'aucun artifice.	eodem
Vn personnage se doibt applicquer ou sa nature l'attire.	eodem
On doibt deieçter d'une republicque les oyfifz.	xlii
On doibt moderer le trauail des ouuriers.	eodem
Le temps employé aux lectres.	eodem
Le ieu des Vtopiens apres soupper.	xlii
Ieux hazardeux sont maintenant communz aux gros seigneurs.	eodem
	Les

## Table.

Les lieux des Vtopiens recreatifz & vtiles en semble.	eodem
Les sortes de gens oyfifz chez les aultres na- tions.	eodem
Reprinse des gentilz hommes.	xliiii
Diēt de grande prudence.	eodem
Les gouuerneurs & officiers mesmes en Vto- pie besongnent.	eodem
Gens lettres seulement sont appelez aux offi- ces.	eodem
Comme on euite grans frais & coustz en edi- fices.	eodem
Comme les Vtopiens eurent grand coust en habillement.	xliiii
Le nombre des citoyens d'Vtopie.	xlvi
Ainsi peut on decreter vne tourbe de valetz ocioux.	xlvi
Les ordures & infections amassées en vne vil- le sont cause de peste.	eodem
Par l'occisiō qu'ō faict des bestes les hōmes se peuvent adonner a occir & tuer l'vn lautre.	xlvi
Le soing qu'on a des malades.	eodem
Les disnées & souppées se font en salles com- munes.	eodem
Les Vtopiens sur toutes choses veullent que rien ne soit faict par contraincte.	eodem
Les femmes seruent de cuisiniers a faire & ser- uir les viandes.	xlix
Les citoyens sont inuitez a bien faire par louā- ge.	eodem
Comme	



## Table.

Comme ilz nourrissent leurs enfantz.	eod.
Les ieunes sont mesles en la table avec les plus anciens.	
On a regard a faire honneur aux anciens.	eodem
A grande peine fait on cela maintenant en d'aucun monastere de ce pais.	eodem
Chansons de musique a disner & soupper.	eodem
En tous affaires les Vtopiens ont memoire de leur communauté.	lii
Il est plus commode d'euitier la guerre par ar- gent & finesse que la faire avec grāde effusiō de sang humain.	liii
O le grand ouurier de bien dire.	eodem
Lor estimé moins que le fer en Vtopie.	eod.
Magnifique mespris de lor.	liiii
Gens criminelz & infames portent lor en vto- pie en signe de infamie.	eodem
Les perles seruent de passer temps aux petit- z enfantz.	eodem
Voyes comme les Vtopiens se monstrent en ce cas icy plus sages q̄ tous les chresties.	lv
L'estude & doctrine des Vtopiens.	lvii
Il reprēd les deuins qui disent la bōne & mau- uaise fortune par la sciēce syderalle.	eod.
Phisique incerteines. Les sciences morales.	eodem
Des biēs de fortune & des biēs de l'ame.	eod.
Les Vtopiens mettent leur felicité en honne- stes volupté.	eodem

## Table.

La theologie des Vtopiens.	lviii
Il croyent que l'ame est immortelle dequoy beaucoup de chresties pour le iourdhui doub tent aussi comme il n'est licite d'appeter tou te volupté aussi n'est il cōuenable si ce n'est a cause de vertu.	codem
Aulcuns chrestiens, se procurēt maulx & dou leurs ainsi cōme si en cela gisoit mais ilz deb uroient plus tost les porter patiemment si de hazard elles aduiennent.	lix
Pactions & loix.	lx
Les plaisirs qu'on faiēt l'un a l'autre.	codem
Comme les Vtopiens appellent Vtopie.	cod.
Plaisirs contrefaiēt & faulx.	codem
Erreur de ceulx qui se glorifient pour estre bien accoustrez.	lxi
Folz honneurs.	codem
Vaine noblesse.	codem
Jeux hazardeux comme cartes & dez	lxii
Le plaisir de la chasse.	codem
Femmes grosses desgoutées.	lxiii
Lespeces des vrayz plaisirs.	codem
Notez cecy diligemment.	lxvi
La felicité des Vtopiens & descriptiō d'iceulx	codem
Merueilleuse docilité des Vtopiens.	lxvii
Maintenāt les grosses bestes sont aulx lectres, & les beaux espritz corrompuz par volu ptez & plaisirs mendians.	codem
La merueilleuse equité de cest gent Vtopien ne.	lxx
Des mala-	



## Table.

Des maladies curieusement par iceulx obser- uées.	eodem
Mort volontaire.	lxxi
Des mariages.	eodem
Les diuorces.	lxxii
Punitions estimées à l'arbitrage des officiers.	lxxiii
La punition quilz font de ceulz qui sollicitent les filles pour les deflorer.	lxxiiii
De ceulx qui se fardent.	eodem
Les Vtopiens incitent leurs citoyens a faire leur debuoir par loyer & presentz.	eod.
Iugement des ambitieux.	lxxv.
La dignité du prince.	eodem
Les Vtopiens ne font iamais paix avec les aul- tres nations.	lxxvi
Les fortes des armures dequoy vsent les V to- piens.	eodem
Pour le iourdhui les vaincqueurs portent la plus grande partie des fraictz.	lxxxvii
Les hommes doibuent estre attirez a religion par louange.	xc
Femmes eslues a la dignité de prestrise.	xcvi
Excommunication des Vtopiens.	eodem
Description de leurs eglises.	xcvii
Trision de linuention de pecune.	ciiii

Fin des tables du premier & second liure  
de la description de l'Isle d'Vtopie.

Faultes

# Faultes suruenues a l'impression.

Fueillet	Faultes	Lisez
F 3	frequentatiã	frequentatiõ
18	que	ne
22	ligue	ligne
23	fi	fi
25	rounera	tournera
41	infidelemēt	indifferāmēt
49	loſſice	l'office
eodem	cheuent	cherchent
eodem	present	prisent
eodem	miont	n'ont
50	le commence	se commēce
eodem	viles viuent	viles ne
eodem	diuers	dinées
52	tandre	taindre
58	volupre	volupté
59	contentent	contemnent
eodem	inuitateur	imitateur
73	ſublecte	ſubiecte
eodem	ſe la	ſi la
97	viçtore	viçtoire
99	ordre	ordre
100	pierres	prieres
101	quad	quand
eodem	moutir	mourir
103	ſour	ſont
104	grrde	garde
79	dacquite	d'equité
80	promefſe	proueſſe

\* F I N.



